

-48

P. III. 48

RELATIO
DE COCINCINA

R. T.

CHRISTOPHORI
BORRI è SOCIETATE
JESU

Ex Italico latinè reddita.

PRO STRENA

D. D. SODALIBVS
INCLYTÆ CONGREGATIONIS
ASSUMPTÆ DEIPARÆ IN DOMO
professa Societatis Jesu
VIENNÆ AUSTRIÆ.

Permissu Superiorum.



Eremitam Jamald, Mont Regy Ex

Excudebat Michaël Rictius, in
Legato. Se novo mundo. neroni dy.

Anno M. DC. XXXIII.

Nicolaus Budryn 1698.

DE COCININA
RELATIO

CHRISTOPHORI
BORRI SOCIETATE
Jesu

Ex libris huiusmodi

PRO STRANA

D.D. SODALITAS
INCLYTAE CONGREGATIONIS
ASSUMPTAE DEIPARAE IN DOMO
PROFESSUS SOCIETATIS JESU
VIENNAE AUSTRIAE

Permissa Superiorum.



Excudebat Michael Righius, in
Anno M. DC. XXXIII.



NARRATIO

DE COCINCINA

in duas partes divisa.

*In prima tractatur de statu temporali ejus Regni; in secunda explicantur ea, quae ad statum spiritua-
lem ejusdem spectant.*

Pars Prima.

DE STATU TEMPORALI REGNI COCINCINAE.

CAPVT PRIMVM.

De nomine, situ, & magnitudine hujus Regni.

PROVINCIA HÆC, IN QUAE
novellam Christo vineam Societas
JESU plantare cepit, non vnum no-
men sortita est. quam enim incolae
Anam linguâ suâ, hoc est Occidentalem nomi-
nant, eam Iapones suâ dicunt Coci, quod Occi-
dentem pariter sonat; adjacet enim Occidentali
Cinarum parti. Lusitani cum Japonum operâ in
Anam penetrasent, eorundem Japonum voce
Coci, & hac alterâ, Cina, tertiam efformarunt
Cocincina; quasi dicerent CocinCina, ad distin-

tionem alterius Cocin India Civitatis, quæ eorundem Lusitanorum imperio subest. Tabulæ Geographica nomen Caucincinæ, aut Cauchinæ, aut aliud simile dant regno huic: sed id aut error transcribentium & Typographorum est, aut earundem tabularum Magistri indicare voluerunt, ab hoc Regno Cinam suum principium desumere. Habet hæc regio à Meridie regnum Chiampà in elevatione undecim graduum poli Arctici: à Septentrione aliquantum ad Ortum inflexo Tunchim; ab Oriente clauditur mari Cinnico: Occidentem denique excipit regnum Lai.

Fuit Cocincina quondam membrum magni regni Tunchim, sed auulsa est per Regis moderni avum, & regnum facta; quæ cum hætenus sola Lusitanis commercia præbuerit, & in eadem suâ Patres operam locarint in fide Christi disseminandâ, solius etiam à me in præsentî opere magnitudo describetur. quamquam sub finem libri nonnulla additurus sim de Regno Tunchim, quod post meum in Europam abitum Societatis Patres in suum gremium admisit.

Extenditur itaque Cocincina secundum mare centum & amplius leucas, exordio sumpto à Regno Chiampà in prædicta elevatione graduum II. Poli Arctici. Terminatur sinu Ainami ad altitudinem graduum fere 17. ubi suam jurisdictionem Rex Tunchimi auspiciatur. Latitudo exigua est, cum 20. millium passuum dimensio-

nem non excedat. terra plana est, in Cinam Goā proficiscentibus à dextra mari clauditur, lavam excipiunt montana culta per kemoios, quod sylvestrem gentem significat; quamvis enim Cocinenses illi sint, Regi tamen non parent, usque adeò scopulis suis regno Lai proximis fidunt.

Dividitur Cocincina in quinque Provincias. Prima contermina Tunchimo & Regis sedes dicitur Sinuva; Secunda Cacciam sedes Principis Regis filij. Tertia Quamguya; quarta Quignin, Lusitanis Pullucambi dicta; quinta Renram proxima Chiampæ regno.

CAPUT II.

De climate & Regni qualitatibus.

Cum ut diximus in regno hoc Poli elevatio initium sumens ab II. non se protendat ultra 17. gradum; inde fit etiam quod plus calidis, quam frigidis qualitatibus subjaceat. Mitius tamen ei est, quam Indiæ, quamvis & intra Zonam torridam sit, & in eadem cum Indiâ elevatione. Nulla est in India in quatuor anni stationibus diversitas, novem menses æstati adscribuntur, in quibus nulla interdiu, nocturne comparet nebula, sed ex solarium radiorum vehementi reflexione aer veluti accensus continuo candicat: reliqui tres hiemis dicuntur, non à caloris remissione, sed à pluvijs. quæ noctes diebus sociant. Refrigerandum aërem judicare quis posset hanc imbirum copiâ, quæ tres menses Ma-

jum, Junium & Julium, cum sol versatur in Zenith Indiæ, tenet: attamen tanta & sola est tum ventorum calidorum aspiratio, ut non infrequentur pluviâ hæc anni pars reddatur molestior ipsâ æstate, quâ plerumque à mari suaves Zephyri leniter aspirant, terramque habitabilem faciunt, sic India. Melius Cocincinæ prospexit Deus, siquidem fruitur varietate quatuor anni stationum, & aëre multo mitiore. Æstatis mensibus Junio, Julio, Augusto Sole ejus Zenith obtinente æstuat. Septemb. Octob. Novemb. in autumnum declinat, & æstum eluit assiduâ imbriû super montes kemojos effusione: hi agminatim decurrentes omne regnum usque adeo adaquât, ut mare representent. Inundationes hæc clauduntur dictorum trium mensium spatio, sed interpolatim per alternas hebdomadas, ac fere triduum obtinent vice quâlibet. Utilitatem non modicam regno afferunt tantæ aquæ, aërem temperant, terram fecundant & altricem ac productricem faciunt rerum ad victum necessarium, maxime oryzæ, quod est potissimum horum populorum alimentum. Mensibus decembri, Januario, Febuario spirat frigidior septentrio immixtus pluvijs pariter frigidis. Martio denique Aprili & Majo nihil quod vernum tempus addecet, hic desiderabis, cum se terra virore & flore coronat.

Antequam ab his inundationibus ad ulteriora

rora gradum faciamus, non fraudabo cupidum
lectorem narratione quorundam, quæ memora-
tu non injucunda, nec scitu indigna sub ea tem-
pora occurrunt.

Ac primum communibus incolarum votis
expetuntur hi aquarum cataclismi, tum ut aeris
temperie, tum ut terræ fertilitate potiuntur.
quamobrem quoties voti sui compotes fiunt,
summâ semper animi lætitiâ afficiuntur, & in sig-
num gestientis animi visitationes & convivia in-
stituunt, transmittunt vicissim sportulas, elatâ-
que voce inclamant, sæpiusque repetunt: Da,
Den, Lut: hoc est: Advenit inundatio, advenit
inundatio. Nec solius ea vulgi est lætitiâ, ad ip-
sos Regni Principes, atque adeò ad regia tecta
penetrat. Accidit non infrequenter, ut aut in-
speratè, aut opinato citius se effundât hi torren-
tes, quaquè vespere currus, illac manè contus
pererret, quo fit ut animalium pars non minima
intercepta, priusquâ aut montes, aut editiora lo-
ca possit appetere, submergatur. Quæ res ne pri-
vatis capitibus lugubris evenire posset, lege pub-
licâ in publicam versa est lætitiâ. Cautum enim
est, ne boves illos, capras, porcos, & quæcunque
alia animantia aquis præfocata detineat is, cujus
viva fuerant, sed morte publici juris facta pri-
mo occupanti dimittat. Ob quam causam dilu-
vio adveniente plebs passim scaphis imposita ad
demersarum pecudum venatum exeunt, & ex in-
ventis convivia & epulas parant

Nec

Nec sua hoc tempore minori ætati deest festi-
tas. Est in hac camporum oryzâ redundantium
fecunditate foricum multitudo penè infinita,
hæc ab aquis è scrobibus suis, terræque superficie
repulsa ad arborum asylum recurrit, unde gra-
tissimum spectaculû scaphâ transeuntibus præ-
bent, arboribus frondes suas vivis veluti fructi-
bus repente prægravidas ostendantibus. Ad hos
forices decutiendos, & animos ludo recrean-
dos certabundi cum suis cymbulis excurrunt
pueri, nec id sine patriæ emolumento; periculum
enim foret, ne nimia copia regionem omnem
subrueret.

Ad extremum inundationis beneficio quis-
que domus suæ necessitatibus prospicit; tunc
enim ob navigiorum opportunitatem nundinæ
& solemniores mercatus instituuntur; tum com-
mercia Urbium maximè vigent; tum convehun-
tur ligna, etiam quæ fabricis opportuna. Deve-
huntur ea à montibus navigio, perque Urbis fo-
ra deducta invehuntur eodem navigio in domos
erectas super proceris columnis, in quibus absq;
periculo commorantur, cum inundationem im-
minere persentiunt. Dixi, absque periculo: lon-
gâ enim experienciâ didicerunt, ad quantâ aquæ
se soleant altitudinem erigere, cui proinde
aliquanto altiores has columnas
faciunt.

CAPVT III.

De terræ fertilitate.

Quanta sit agrorum in his terris fecunditas, facile quisq; ex prædicta inundatione suspicari potest. nonnulla ego hic studioso lectori attexam. Oryza ter anno metitur eâ copiâ, ut difficiles operas diurnas effecerit; nullus enim facile in hac panis copia laborat inopiâ, quâ pene sola ad laborem graviolem homines extimulantur. Fructus secundum anni tempora multi & varij sunt, & ejusdem speciei cû Indicis. Poma citrina Europæis majora sunt & pleniora, cortex extimus subtilis, tener, & sapidus editur cum succo, imitaturque saporem lemoniorum Italiæ.

Est & fructus dictus Lusitanis Banane, alijs ficus Indica, quamvis meo judicio nomen ficus minimè conveniat aut Indicæ aut Cocincinensi tam arbore quam fructu à nostrate ficu multum figurâ & formâ dissidentibus. Arbor Banane similis est ei, quod nos turcicum triticum appellamus, sed procerior tantâque foliorum amplitudine, ut duo sufficiant ad hominem parte ab omni à vertice ad calcem usque cooperiendum, quæ res occasionem dedit nonnullis affirmandi ab hac arbore sumpta ab Adamo folia ad se contegendum. Habet in summitate racemum viginti, triginta, aut 40. simul fructibus extuberantem, quorum quilibet longitudine, crassitie, & formâ æquat mediocria citrina Italiæ: cortex

immaturo viridis est, sed declinat in flavum cum maturescit, quemadmodum nostra citrina; secer-
nitur à cortice medulla non aliter ac fabæ cum
recentes sunt. Odorem ex se suavissimum spirat,
fructus medulla aut interior caro flava est, & ali-
quantum solida, velut nostra pyra muscatellina;
denique in ore absque ulla comminutione sapi-
dissimè liquatur. Ex quibus omnibus adverti-
tur, si unū cum dulcedine saporem excipias, ni-
hil hunc fructum cū nostra ficu habere comune.

Ejusdem generis est altera fructuum species,
quæ non nisi tosta & cum vino comedi solet. Plā-
ta annua est, producto fructu exsiccatur: ad ra-
dicem tamen virgultum relinquit, quod in annū
sequentem servatur. Quæ in Italia ficus Indica
dicitur, aliena prorsus est ab his Banane, tam in
planta, quam in fructu, ipsa verò hic alio nomine
signatur. Fructus, quem hætenus descripsimus,
communis est toti Indiæ: qui sequitur, proprius
Cocincinæ; æmuletur is magnitudine majora
poma citrina Italiæ, unusque satiare hominem
potest, medullam candidissimam habet insper-
sam nigris & sphericis granulis, quæ comminuta
mixtim cum medulla præstant sapore, & medi-
cam facultatem contra fluxus præbent. Neque
illum, qui ab incolis Can dicitur, alibi conspe-
xi; extima superficies, quod altinet ad colorem
& formam, imitatur malum granatum: substan-
tia tamen interior aliquantum liquida est, exci-
pitur.

piturque cochleari. Sapor aromaticus est & similis mespilo vieto. Quem verò Gnoo nuncupant, is sapore acinos vuarum refert, cætera ceraso non absimilis. Habentur etiam istic melones, sed nostris ignobiliores: nec nisi saccharo aut melle conditi eduntur. Cucumeres, aut ut alij nominant, aquei melones maximi sunt & excellentis virtutis.

Giacca fructus toti quidem Indiæ communis est, hic tamen excellit magnitudine; decerpitur ex arbore ad formam nucis aut castaneæ procera, & spinosis aculeis plusquam Zizyphus horrentiore; cucurbitam Italiæ ob magnitudinem dixeris giaccam, una baiulum fatigare potest. Cortex exterior formam nucis pineæ imitatur internè tamen mollis est. Sina suo continet bulbos flavos & instar monetæ seu Imperialis sphæricos & planos, in medio os habentes, quod abijci solet. In duas species dividitur Giacca: altera apud Lusitanos audit Giacca barca, cujus os à pulpa densiore avellitur: alterius os nō avellitur, cum pulpa instar pultium mollis sit. Sapor utriusq; accedit ad saporem pretiosi fructus Durionis, de quo mox.

Durio pretiosis, qui in Orbe reperiuntur, fructibus annumerari debet. Malacæ solum, Bornæi, & in Insulis adjacentibus invenitur. Arbor non multum dissidet ab arbore prænominatæ Giaccae; fructus quoque fructui in forma exte-
riore

riore respondet, magnitudine non excedit pineā
 nucem, corticem æquè durum habet. Medulla
 candidissima est circum os, cui instar bituminis
 adhæret, saporeque suo suavissimo non absimilis
 est leucophago, Italis Bianco mangiare dicto.
 Divisa est hæc medulla seu liquor in decem aut
 duodecim alveolos circūplicatos uni ossi, quod
 magnitudine æquat castaneam majorem. Cum
 rumpitur & aperitur hæc nux pinea, emittit in-
 gratum odorem similem putidæ cepæ, ipsa tamē
 intra se retinet substantiam suavissimi & sapidis-
 simi dulcoris. Fefellit nidor ille me spectante non
 neminem. Venerat Prælatus quispiam Malacam,
 cui ut amicus alter gratificaretur, fructum hu-
 juscemodi aperuit; ille nidoris vehementiā per-
 cussus adduci nisi astu non potuit, ut eum degu-
 staret. Inter prandendum cum socijs leucopha-
 gum appositum fuisset, Prælato medulla hujus
 tructus, quia simillima priorī erat, nihil diver-
 sum suspicanti supposita est. Amico ergò errore
 deceptus dum in os infert malè nauseatum antea
 fructum; mirari suavitatem insolitam, & coci
 tam excellentis nomen exquirere. Subrisit alter,
 & Deum hujus dulcedinis Opificem edixit: offam
 hanc esse Durionem illum paulò ante nauseatum.
 Obstupuit ad inexpectatum nuntium Prælatus,
 nec satis fructu illo expleri potuit. Pretium Du-
 rionis vel Malacæ ubi crescit, ad ducatū assurgit.

Abundat Cocincina & alio fructu Lusitanis

Ananas

Ananas dicto, quem, licet toti Indiæ & Brasiliæ communis sit, attamen hic describam, quia meminimus perperam ab alio authore expressum. Fructus hic neque ex arbore, neque ex semine nascitur, sed ex radice, uti nostra cinara seu artocaulus. truncus & foliorum forma carduo aut cinaræ affinis, fructus figuræ cylindricæ, seu columnaris est longus palmum, latus eâ magnitudine, quam duæ manus vix ambiant, pulpa interior spissa est instar raparum; cortex squamatus instar piscium & aliquanto durior rapæ cortice. Cum vietum est pomum, tam intus, quam deforis flavescit, cultro purgatur, comediturq; crudum, sapor est mixtus dulcedine & acredine, denique ea est teneritudine, quam habent mitia muscatellina pyra. Singularem præterea fructum profert Cocincina, quem Lusitani Arecam vocant. Truncus huic erectus ut palma, ex parte interiore vacuus est, in vertice solummodo folia protrudit similia palmeis. Inter hæc folia emergunt nonnullæ frondes onustæ baccis magnitudine nucis; deforis viridibus, ut nucum cortex, interior medulla tota candida est, & dura ut castanea, sed saporis expers. Non comeditur sola, sed involuta folijs Betle per omnem Indiam nominati fruticis, qui & folia, hederæ consimilia habet, & huic arbori non secus ac hederæ adhaerescit. Discinditur dictus fructus Areca in quatuor, aut quinque segmenta, quæ commixta
calci

calci ex ostreorum crusta confectæ involuuntur in prædicta folia ab officialibus, quos nominant Betlerc, & sunt ferè sexus fœminei, inveniunturque in singulis domibus, non secus atque apud nos Coci aut Dispensatores. Quisque pyxidem talibus bolis refertam circumfert, & locorum ubique ac quovis tempore masticat, quodque mastigatum regerit contentus succo, quo mirificè stomachus confortatur. Horum bolorum usus usquè adeò inolevit, ut nemo alium visitatum adeat, quin secum afferat pyxidem plenam hoc malagmate: domum ingressus bolum offert ei, quem visitat; his eadem promptitudine in os capit & masticat; abituro vicissim per Betleren consimilem pyxidem refundendi honoris gratiâ visitatus reponit. Ob frequentem hunc Arecæ usum præcipui facti sunt Arecolorum proventus, non secus atque apud nos ex olivetis.

Tabacca in minore aliquanto est usu, quam Betle. Cucurbitas eadem regio & saccharum nò infeliciter profert. Europæi fructus necdum illati sunt in Cocincinam. crediderim ficum & uvas non malè responsuras. Nostrates herbæ ut lactuca, cicorix, caules & similes terram hanc, uti & Indicam minimè novercam experiuntur; necesse tamen est continuum semen ex Europa adferre; sic totæ in herbas sine semine abeunt.

Caro istic multiplex & copiosa est; inter quadrupèdes domesticas frequens est vacca, capra, sus,

furs, bubalus, & similes; inter Sylvestres cervus Europæo sublimior, aper &c. in volatilibus non minore numero est gallina tam domestica quam sylvestris, quæ per agros manipulatim oberrant, est turtur, columba, anas, anser, & grus ad esum sapida: aliæ denique volucrum species, quas Europa ignorat.

Piscatio hic copiosissima; piscis verò tam exquisiti saporis, ut post enavigata tot maria, & decursas tot Provincias, nuspiam putem me pisces invenisse, qui Cocincinensibus æquiparari possint. Mira est navium quotidie circum litora oberrantium frequentia; mira hominum multitudo, qui à mari, quod in longum alteri Provinciæ lateri adjacere diximus, sub horam diei 20. usq; ad solis occasum seriatim virum viro, pedem pede excipiente, ad montana usq; pisces deferunt. Piscationem genti celebrem facit non tam mensarum lautitia, ad quam piscis crebrius carne adhibetur, quam certus quidam liquor, quem ipsi Balaciam nominant, conficiturq; ex pisce sale macerato & in aqua putrefacto. Est liquor hic acer, & quam proximè ad sinapium accedens; quisq; ejus maximam quam potest quantitatem comparat, ita ut non secus ac nostrates vino, ipsi eò sua vasa & dolia compleant, non ad pastum adhibituri: est enim ad esum inutilis, sed prolecturi appetitum ad capiendam oryzam, sine quo insipida foret. Cum itaq; oryza potissimum & usi-
tatum

tatum harum Provinciarum sit nutrimentum; plurimâ egent Balaciâ, & ad hanc plurimo pisce, qui plurimas piscatoribus ferias adimit.

Referre possem conchas, ostrea, & alios marinos fructus, maximè unum, què vocant Cameron. Sed ut tempus monet, transeo ad volatilia. Ex his enim divina providentia tam rarû & pretiosum esculentum præparavit, ut meo iudicio comparari possit mannæ panis Angelico, quo populum suum *Deus* in deserto aluit. Cibus est uni huic Provinciæ creditus, de quo referam, quæ ipse nō rarò & vidēdo & gustando expèrtus sum.

Invenitur in hac regione avicula hirundini similis; hæc nidum suum, quâ parte undæ marinæ infringuntur, affigit ad scopulos: Hic subinde spumam ex affricu resultantem rostro excipit, & cū humore quopiam, quem è suis visceribus depromit, ita commiscet, ut lutum seu bitumen conficiat nidi coagulum. Nidus ubi siccatus, fit pellucidus medi coloris inter flavum & viridem. quæritur ab incolis summâ industriâ. nam aquâ emollitus loco condimenti adhibetur carni, pisci, herbis, & quibuscûq; alijs esculentis, quibus tam varium saporem, & cuiq; proprium communicat, ut videantur pipere, cinnamomo, caryophyllo & omni petioso aromate condita. Quare solus hic nidus sufficiens est cuicunq; ferculo condiendo; neq; opus est oleo, larido, aliove condimenti genere, ut nemo gratis allatam iudicet com-

comparationem cum manna omnem ciborum
suavitatem in se concludentē. Hoc solū interest,
quod hic exiguæ aviculæ, illud sit Angelorum
opus. Tanta est dictorum nidorum frequentia
ut ipse ego meis oculis conspexerim onerari de-
cē naviculas è nidis, quos vix mille passuum sco-
puli ferebant. Pretij magnitudo uni regio fisco
hanc mercem addixit. distrahitur magna pars in
Cinam, ubi in regiâ in pretio est Lacticiniorum
usus hic nullus est, mulgere enim vaccam aut si-
mile animal peccatum æstimant & hujus iuræ
conscientiæ eam causam afferunt, quod lac à na-
tura ordinatum fuerit filiorū nutrimento. Quasi
verò qui filiorum est dominus, non possit de eorū
alimento disponere? Multa quæ nos horremus,
aut venenosa censemus, in mensas inferunt. inter
quæ est camæleon grandior eo, qui exsiccatus
nonnunquam in Italiam importatur. Fuit ami-
cus, qui emptum ex his fasciculum super arden-
tes prunas me spectante iniecit. camæleontes
exusto vinculo, lento ut solent gradu aliquādiu
reperunt, donec ignis vehementiâ superato pel-
lis gelu ustulati conciderunt. Exemptis pellem
homo cultro abrasit, carnemq; candidissimam,
quæ sub tali cortice latebat, tritam & quadam
pinguedine perfusam coxit. me Spectatorem, nō
etiam potuit habere Commensalem.

Non minus ferax est Cocincina earū rerū, quæ
reliquis humanæ vitæ necessitatibus opportuna

esse solent. serico vel ipsi iossiores, & operarij passim vestiuntur, mihiq; non semel voluptati fuit spectare sericatos viros & mulieres sub onere petrarum aut calcis; nec quidquam pensi habere maculas, quæ in tali opere intercurrere solent. Nemini autem incredibilis videatur hæc sericivilitas, cum mori, ex quibus pabulum vermibus serici textoribus præbetur, non secus atq; à nobis cannabis in agris conseratur. ubi frutex ad magnitudinem dictæ cannabis assurrexerit, occupatur à vermibus, qui in aperto ædiculas sibi construunt, in iisdemq; more sedularum netricû sua fila deducunt. Hæc alendorum bombycum facilitas non solum Cocincinam vestit, sed etiam Japoniam & regnum Lai, ex quo distrahitur usq; in regnum Tibet, non ob subtilitatem, sed soliditatem qua præcellit Cinense sericum.

Domus populo passim sunt lignæ. verum cum lignum hoc iudicio communi, qui hætenus id viderunt, sit omnium, quæ uspiam Orbis habet, pretiosissimum, nemini invident lapideas, aut marmoreas. Inter multas & varias arbores, duæ potissimû ædificio serviunt. harû neutra seu sub terrâ seu sub aquis corrûpitur. utraq; ita est solida & gravis, ut aquæ nō inatet & in navi anchoræ partes suscipiat. Altera nigra est, ebena tamen in colore inferior, altera rubea. Neutrâ cum decorficata est, asciam ad poliendum videtur desiderare. Nomen arboribus Tin est. unde fortassè non multum

multum à vero is declinaret, qui assereret hæc esse ligna illa incorruptibilia, quibus Salomon ad templi fabricam usus est, cum voce non dissimilic scriptura vocet ligna Thyina. Montes Cocincinæ pleni sunt his arboribus rectissimis & tam enormis altitudinis ut caput intra nubes recondere videantur. latitudinem viri duo non facile ambiūt. nemini vetitum quotquot libuerit succidere. ideò ex his domos plerasque construunt. Bases ædificiorum sunt columnæ altæ, fortes & apprimè solidatæ, inter quas inserunt tabulas ad libitum mobiles. æstate enim earum loco crates è canna confectas ad captandam recentem auram substituunt. cum verò exundat regio, navibus ut aliquandò meminimus, exitum & introitum in domus penetralia his amotis aperiūt. Ornatus domuum dignus admiratione est & curiosus. ingenium artificum arguit calatura exquisitissima.

Priusquam ab arboribus ad cætera transeamus, operæ pretium duco ea referre, quæ de ligno, merce omnium quæ è Cocincina efferuntur pretiosissima cognovi. Est per Indiam celebratissimum lignum Aquila & Calamba: ex eadē quidem arbore utrumq; resectum, sed non utrumq; ejusdem pretij & virtutis. Crescit magno numero arbor in montibus kemojorum alta & uteumque obesa. Junior secta dat lignum ignobilius, quod Aquila vocatur. frequens visitur in his terris, ne-

mine à succidendo u lā lege inhibito. quod si in
 vetera verit arbor, Calambam dabit. sanè hæc vix
 inveniretur, nisi natura prospexisset, semina ejus
 & radices inferendo altissimis & inaccessis ru-
 pibus. Hinc à semiexesis vetustate arboribus nō-
 nunquam rami decidunt. quamvis autem cario-
 si sint, attamen tam virtute, quam odoris fragran-
 tiā communem Aquilam multis partibus ante-
 c. llunt. & hæc est illa tam celebris, & in pretio
 habita Calamba. Aquilam quisq; pro placito di-
 vendit; Calamba propter eximiam virtutem
 quam habet, distrahenda solis Regibus concedi-
 tur. Ubi legitur, usq; adeò suavis est & odorifera,
 ut cum fortè dono accepissem aliquot segmenta,
 experiēdæq; virtutis causa sex & amplius palmos
 sub terra n ea defodissem, ipsa se tamen odore
 proderent. Libra Calambæ ubi colligitur, vanit
 quinq; ducatis. in portu Cocinensi loco comē-
 * ciorum, libræ sexdecim ducati appenduntur. In
 Japonia libra est ducentorum ducatorum. pro
 libra segmenti quod justam cervicalis magnitu-
 dinem æquat, dant Japones 300. aut etiam 400.
 ducatos. mos enim Japonum est loco pulvinariū
 plumaceorum uti materiā duriore, quæ plerūq;
 lignea est, & ut gentis fert gloria, non ingloria.
 Regum & Magnatum pulvillus, Calamba. Aquila
 licet pretio & merito ignobilior, non tamen
 commercio. cui navis una hoc ligno gravis, opū
 abunde is in reliquam vitam habet. Regia erga

Malacensem Gubernatorem gratia est, Aquilæ exportationem ei vel semel concessisse. Hoc enim ligno odorifero passim per Indiam Brachmanes & Baniani suorum cadavera exurunt, ideòq; ligni mercatum celebrem faciunt.

Deniq; Cocincina divites fodinas habet omnis generis metallorum, maximè auri, quas cum reliquisquæ pluribus cum decoro & omnium oblectatione expl. cari possent, brevi hoc mercatorum Europæorum, qui has terras viderunt, elogio concludam. Cocincinam ex parte præstare opibus regno Cinæ, cujus divitiæ cui non notæ? Locus moneret, ut animalia, quæ magno numero in hoc regno progigni diximus, pro modulo nostro describeremus. ego tamen brevitaris memor solos Elephantos & Abades proferā, de quibus non illepida, & forte hætenus nec lecta, nec audita narraturus sum.

CAPUT IV.

De Elephanto & Abada.

Multus est in Cocincinæ nemorib. elephas, sed gentis in edomando imperitiā inglorius, & bellis inutilis manet. Cicures è Cābaja petuntur. Indicis hi duplo grandiores. pedum vestigia, quæ circularē formā obtinent, diametro bipedali constant. Bini qui ore prominēt dentes eburnei operis materia, nonnunquā decem & octo palmorum longitudinem æquant in maribus. fæmina in hoc ignobilior. Quantò Ele-

phanti, qui per Europam circumducuntur minores his sint, is percipiet, quicū his contulerit tres palmos, quos illorum dentes non excedunt. Est vita Elephantis diuturna. Rogatus à me Elephantici Magister de suæ bestię ætate, retulit 60. in Cābaja, 40. in Cocincina eam vixisse annos. Plura inaudita, attamen vera hic adscribam, quæ ipse ego Elephanto sæpius itinerans vidi & expertus sum. fruire benevole lector,

Onus commune Elephantisunt tredecim aut 14. viri. insident illi machinæ, quæ non secus atq; in Europa ephippium equi dorso imponitur, & catenis sub ventre stringitur. Sūt primū in plaustrō eminentiora quatuor sedilia umbellâ tecta. In lateribus verò dextrâ lævâq; bini ingressus patent, qui ternis sessoribus locū præbent. à tergo etiam duo scabella aversis prominent. capiti Elephantis instat velut Auriga, Nayrus Gubernator. Non solum terrâ, sed & mari in Elephanto taliter instructo iter me fecisse non sine mea admiratione contigit. Jucundum erat videre belluam tam vasti corporis sinus maris octo stadia diffusos sub onere, quod navem similitudine referebat, impigrè secantem. Lassabatur tamen sensim, & anhelitus ac respirationis difficultate imminutionem suarum virium ostendebat. unde ad refrigerandum corpus, aquam haustam proboscide in altum more Oceanitidis balænx effundebat. Ob eandem corporis molem ægerrimè corpus in-

pus in scensuris fleat, nec nisi Nayri compulsus imperio. neque moram aut morem ullius patitur, sed mox a factâ genuflexione erectus docet, seponenda eo temporis articulo honoris obsequia. Eiusdem Nayri jussu membra sua in modum graduum componit, ut profecturis faciliorem ad vehiculum aditum faciat. Primum gradum pede non exiguae altitudinis efficit. secundo nucem ejusdem pedis exporrigit. tertio exhibet flexum genu. pro quarto prominet è latere os, ex quo beneficio catenæ è plaustro dependentis se ascendens in plaustrum librat. Quare teste experientia notantur erroris ij, qui scripta vulgarunt inflexibilia esse Elephantogenua, aut in ijs capiendis solere succidi eam arborem, ad quam dormiturus se inclinat. Illud inficiari non possum somnum capturum non se distendere, sed erectum in pedes inter assiduam capitis agitationem quiescere sensibus reliquis.

Belli tempore demitur cælum vehiculo, ex quo veluti è turriculâ rem agunt in hostem molestis, jaculis, & nonnunquam æneis tormentis quibus portandis horum Elephantorum humeripares sunt. Ipse ego unum vidi proboscide ingentia pondera attollentem; alterum similiter proboscide æneum tormentum sat grande elevantem. Vidi alium absque ullo alterius adminiculo ordine decem minores triremes ad mare summa dexteritate protrudentem. Illos quoque miratus

sum, qui crassas arbores eâ facilitate evellebant,
 * quâ nos caules aut lactucam comminuimus. eâ-
 dem facilitate domos contringunt, & solo æquât;
 quin & vicos prosternunt jussi sive ad hostem in
 bello evertendum, sive ad inhibendû pacis tem-
 pore incendij cursum.

Proboscis proportionē æquat residuam quæ
 supereminet corporis partē. hac absq; incurua-
 tione corporis, à terra quidvis etiam minutissi-
 mū attollere potest. Constat hæc tam utilis cor-
 poris pars è multis nervulis inter se ita connexis,
 ut plicari possint & extendi etiam ad res minuf-
 culas capiendas, & tamen, quod non immeritò
 mirère, tam est, ut ante memoravimus, fortis &
 valida. Corpus vestitur pelle scabra coloris cine-
 rei. iter diurnum Elephantum sunt duodecim leuctæ,
 quiq; elephantis motui inassueti, eam quam mari
 alterationem patiuntur.

Pace tuâ amice lector plura docilitatis ele-
 phantinæ argumenta adducam, tritumq; il'ud:
 elephanto belluarum nulla prudentior: firmabo
 rebus, quæ prudentiam & intellectum redolent.
 Solent à Nayro baculo quatuor palmorum fer-
 reo & ob uncum prominentem aspero cædi, pun-
 gi, atque ad imperata obsequentes reddi elephan-
 ti; verbis tamen plerunq; ducuntur. Reperti sunt,
 * qui novère tres, quatuorve linguas determinas,
 earum scilicet Provinciarum, in quibus ætatem
 triverunt. Is, quo vehebar, Combajanam & Co-
 cin-

cincinensem callebat. Quem enim vero non teneat admiratio, aut potius, nisi experientia aliud dictaret, quis amentem non diceret Gubernatorem, quo, qua gradiendum, ubi interquiescendū, quæ occursura domicilia, & reliqua quæ ad iter pertinent accuratè belluam edocentem? illa dictorum tenax partes suas ita ad amussim exequitur, ut hominum ratione præditorum nemo melius. Ubi de viæ termino edocta est, neglectâ communi, viâ brevissimâ per avia & devia, sylvas, montes, flumina procedit. objecta flumina aut transuat, aut tranat, occurrentes sylvas proboscide aut solâ, aut falce præcutâ ad id è curru pendente cædit, evellitq; celerrimè & spatiosè. Unde obvium est nosse, quâ elephas transierit. Solam in tali itinere spinam sollicitus cavet, ne quâ teneram plantam offendat. Cum septē elephantī cōsociati aliquando me præsentē iter emetirentur, moniti sunt singuli à suis Gubernatoribus sub arena occurrente mille passuum decursu spinas delitescere. ad eam vocem certatim demisere caput, & oculati eorum more qui quidpiam minutum perdiderunt, singulorum vestigiorum fundamenta toto milliari perlustrarunt, quoadusq; de superato periculo moniti caput sustulere & processere solito gradu. Sub vesperam è diversorio in proximū nemus Nayris mittentibus ehippiati abierant; me cur non deonerarentur rogante responsum est, eos ad pascua itantes ut arborū

ramos ad libitum sibi demeterent, instructos ante nominatis securibus è curru pendulis dimitti debuisse. Sequentè vespera cum ad manum sylvæ non essent, à Nayris procuratæ frondes in pabulum cessère. Spectaculum præ cæteris unus mihi jucundum exhibuit. nam ubi proboscide arreptam frondem ori applicuisset, ita dexterè eam dentibus decorticabat, & expeditè avidèq; absumebat, ut nemo hominum ficum melius aut quemvis alium fructum, Narranti deinde mihi, ut fieri amat, in corona fere virorum viginti oblationem, quâ elegans elephanti illius in comedendo dexteritas pepererat; mox Nayrus jussu domini elephanti, cum aliquantum à nobis distantem altâ voce evocavit nomine proprio, quod erat, Gnin. Sustulit Gnin sine mora caput excepturus imperium. Reminiscere, inquit Nayrus, advenæ illius Patris, qui te die hesternâ comedentè cum admiratione est contemplatus. Tu modò frondem hesternæ similem cape, & quod heri, id hodiè ei spectaculum rursus exhibe. Vix verba compleverat Nayrus, & ecce elephas fronde instructus in conspectu adfuit, meq; ex omnibus selecto, quod proboscide gestabat, visendum exporrigit, dein cortice nudatū ut pridie absumit. demū profunda adgeniculatione me veneratus, velut ridibundus & inter lætitiæ signa festivus abcessit, me si quando unquam, tunc vel maxime stupore defixo, nec satis capiente eam bellæ capacitatem.

Nay-

Nayrum & herum si excipias, nulli parer elephantas. duobus illis fas est & impune belluæ insilire. quisquis alius inscendere ab ea conspectus est, de vita periclitatur. solet enim tū bellua proboscide vehiculum sibi detrahere, & sessorem proculcare. Cum igitur inscendendum est, velantur à Nayro oculi cartilagine auris, magnæ quidem sed vehementer deformis. Si quādo in obsequēdo segnior est, asperrimè à Nayro super caput erecto corpore stante cæditur bellua secundum frōtem. cæsa est aliquando me in plaustro constituto, & ita intremuit ad ictus singulos qui ferè seni sunt aut septeni, ut præcipitium pavesceremus. Mira tamen est belluæ patientia & in ictibus perferendis constantia. Omne jugū excutit in ardore libidinis, vehiculum sibi proboscide detrahit, confringit, pedibusq; proterit una cum vectoribus. Tam præsens exitium Gubernator antevertere solet præviso bestię incentivo, eaque exoneratā & dimissa, quoad à furia conquieverit. postquam ardor abierit, facti pænitens ac veluti pudibunda demisso capite præsentat se verberibus, quæ se meruisse agnoscit.

Uusus elephantorum olim in bellis erat frequens, & formidabilis is habebatur exercitus, qui greges elephantorum duceret. Verum à quo Lusitanis inventæ sunt quædam igneæ velut linguæ, quas in faciem elephantorum conijciunt, plus bestię detrimenti, quam utilitatis suis afferunt. ubi enim

enim ignis oculos occupavit, impatientes ardoris in fugâ vertuntur, turbantq; ordines, & quidquid obuium est, amicû inimicumve proculcant.

Pugna est cicuri elephanto cum duobus solummodo animalibus. alterû est elephas sylvester, alterum Abada. huic plerumq; eripit, illi concedit palmam. Est Abadas corporis figurâ medius inter bovem & equû, magnitudine tamen æquat minores elephantos, pelle squamosâ velut cataphracturâ formidabilis, pyramidale cornu in fronte gerit. pes ei & ungula similes bovis. Inaudierat Gubernator Nuocmonensis Abadam visû in sylva domui nostræ proxima. Animi ergo laxandi gratiâ eo cum centum operis, & octo, decemue elephantis venatû abiit. Abadas, qui petebatur non solum multitudine territus non est, sed etiam perrupto primo venantium cuneo ad postremos penetravit. Orta est illic pugna inter Gubernatoris elephantum & Abadam. Ille proboscide corripere, sed frustra agiliter se librantē belluam; hæc verò cornu configere latera sui hostis nitebatur. Cautus interea Gubernator captatâ occasione ita dextrè lanceâ latus, quo solo vulnerabilis erat Abada, fixit, ut telum à parte opposita emicuerit. Ad ruinam feræ applausus multitudinis secutus est, & ibidem extractâ pyrâ superiniectum exanime corpus. post hæc circumactæ choreæ, sensimq; tostæ carnes à tripudiantibus abesæ. Cor, hepar, & cerebrum, regale his terris

terrīs ferculum, Gubernatori ludos ex editio re loco spectanti oblatum. Ego qui festivitati intereram, ungulas ejusdem cum Alce virtutis, & cornu præsens contra venena remedium, & unicornu par a Gubernatore obtinui.

CAPUT V.

De qualitate conditionis, moribus Cocincinensium. de modo vivendi, vestiendi, medendi.

Cocincineses, si loquamur de maritimis, colore suo oleastrino similes sunt Cinensibus. Mediterranei Tunchimo contermini cum Europæis candent. Effigies faciei Cinica est, nasus compressus, oculi minuti, statura media, nec ad parvitatem Japonicam dejecta, nec ad proceritatem Cinicam erecta. utrisq; robore & corporis firmitate præstant. animi vigore superant Cinenses. in vitæ contēptu superantur à Japonibus. sunt enim hi in periculis & contentionibus vitæ prodigi. Inter omnes Orientis populos nullus naturâ affabilior Cocincinensibus. infame apud eos quamvis honoris avidos, iræ æstu abripi. Soli Europæos non fugiunt. alij ad primum nostratiûs conspectum fugere solent; hi è contrario certatim accedunt, plurima exquirunt, ad epulas invitant, nihil deniq; humanitatis intermittunt. quod cum mihi meisq; socijs evenisset, videbar mihi in notos & familiares incidisse. Ostium Evāgelio prædicando non paruum hæc naturæ facilitas pandit. Ex eadē provenit mira inter eos animorum

animorum concordia. Ea est in negotijs pertra-
 ctandis facilitas, ut fratres videantur, aut ejusdē
 domus incolæ etiam ij, qui se alias nunquam no-
 vère, aut vidère. Inurbanus haberetur, qui escu-
 lentum quodcunq; etiam minimum comedens
 inter præsentēs non compartiretur. In pauperes
 naturā benefici sunt, quibus nullam, quam pos-
 cunt, eleemosynam negant. negasse grave delictū
 putatur, non aliter atq; si ex justitia ad dandum
 tenerentur. Liberalem hanc liberalitatem sensē-
 re naufragi quidam ad litus Cocincinense ejecti.
 cum enim ex omni horum lingua callerent hanc
 solam vocem : Doij, quod est, fameo : eamq; ad
 fores ædiū elata voce iterarent, summā brevi ci-
 borum copiam comportavère. ijsdem Regis jus-
 su navis ad repatriandum data. at cum illi gentis
 illecti munificentia regno nollent excedere, vi fu-
 stium & gladiatorum à Præfecto compulsi navem
 inscendère, & cum collecta oryza abière.

Facilitatem in dando consequitur facilitas
 in petendo. Quidquid aut novum, aut exquisitū
 vident, petunt hac voce, scin mocalij, hoc est, date
 existis rebus mihi. Negare turpe & rusticum est,
 esto id quod petitur rarum, unicum, pretiosum
 sit. Necesse itaq; est quæ quisq; pulchra habet, aut
 abscondere, aut paratū esse ad ea donanda. Mer-
 cator Lusitanus moris insolentis impatiens, cum
 passim sua à se peti cerneret, & ipse tandem pe-
 tacem decrevit se facere. accedens ergo ad pau-
 peris

peris' cujusdam piscatoris cymbā, & manu prehensens corbem piscibus refertum lingua vulgari ei dixit: scin mocaij. Nihil opposuit piscator, sed corbem, ut erat, auferendum tradidit Lusitano. qui admirans liberalitatem Cocincinensem, pauperi domi suæ pretium refudit.

Urbanitas & morum civilitas his & Cinen-sibus propè par. suis ab inferioribus gradui superiori honor habetur. par parem observat ea cū officiorum refusione, quæ in Cinen-sibus plurimū commendari solet. Singulariter in hoc regno elucet reverentia erga senes cujuscunque gradus & conditionis, quos honorem primum eis deferendo præferunt omnibus juvenibus. qui nos domi nostræ invisebant, sæpius ab interprete moniti, nunquam tamen induci potuerunt ut superiorē ætate juniorem prius præ alio quodam sene Patre salutarent.

In domibus quāvis pauperrimis triplex sedendi commoditas aptatur. Primam & infimam facit storea super pavimentum strata, & super hanc confident homines ejusdem conditionis, ut exempli gratia ejusdem familiæ. secundam facit asser storeā exquisita & delicata opertus. ad hanc invitantur personæ digniores. Tertia est stratum in lecticæ formam, tres à terra palmos elevatum. In hoc Gubernator, in hoc oppidorum domini, in hoc divino cultui dicatæ personæ collocantur, qui honor semper Nostris exhibetur. Ob
natus.

naturæ bonitatem non multo ante memoratam
 exteros hæc gens in pretio habet, iisdem potesta-
 tem facit sectandæ legis propriæ, utendiq; habi-
 tu, qui cuiq; arridet, quin imò exterorum mores
 & consuetudines laudat, & demirabunda eorum
 scientiam suæ sapienter anteposit. in quo è dia-
 metro opposita est Cinæ peregrina vilipendere,
 suæ æstimare, & commendare solitæ.

Materia vestitus, ut aliàs dictum, est sericum.
 forma non una. Fœminarum cultus inter omnes
 Indiæ populos modestissimus. neque enim vel in
 summis æstibus minimam corporis partem aper-
 tam patiuntur Vestis quæ à pectore dependet, est
 quina aut sena, omnis diversi coloris. Prima & in-
 fima terram ferit, quæ cum tanta gravitate & de-
 coro per terram raptatur, ut ne minima quidem
 pars pedis appareat. secunda super hanc dimidio
 palmo minor est. hanc tertia excipit similiter mi-
 nor. par de reliquis ratio. ita ut singularum vari-
 us color concinnè se spectantiû oculis obijciat.
 Pectus velant amiculo varijs coloribus tessellato.
 Addunt velum, sed usq; adeò pellucidum, ut, quâ
 modestè suffurantur, gratiorem ac vernis delicijs
 similiorem venustatem refundant. Capillus sine
 lege per humeros in terrâ defluit, quòq; longior
 est, eò censetur venustior. In capite pileolum ge-
 stant tam latum ut totam faciem operiat, neq;
 oculis supra tres aut quatuor passus ante se ex-
 spatiandi potestatem faciat. cidares has subte-
 xunt

xunt serico aut auro juxta personarum dignitatem. Per viam salutata resalutant elevatione hujus pileoli ad tantam altitudinē, quanta sufficit faciei salutanti exhibendæ. Viri loco caligarum fasciant crura & totum corpus sericeis quinque aut sex diversorum colorum pannis. manicas amplas portant, ut Patres S. Benedicti. A cingulo decorum linguæ illæ fasciæ elegantes incisuras habēt. sanè cum procedunt in publicum, jucundam pompam oculis exhibent ob illam tot colorum permixtionem, ad quam si ventulus quispiam accesserit simbrias elevans, totidem pavones explicatis cirris radiantes dixeris. Nutriunt more fœminarum capillum, sinuntq; vel ad plantam descendere. tegunt caput similiter ut fœminæ pileolo. quibus barba, (rari hi) nunquam eam recidi patiuntur, morem secuti Cinensium, quemadmodum & in unguibus, quos nobilitas nunquam violat. est enim veluti character & nota secernens nobilem à plebeio seu mechanico, cui ungues inter opera atteruntur. Ob enormem hanc unguū proceritatem, nihil minutum in manus capere possunt. Nostram consuetudinem refecandi capillos & ungues approbare nolunt, cum æstiment hæc homini à natura ad ornamentū data. Obicere aliquando, quam ob causam Christum Mundi Redemptorem, cujus vestigia nos sequi prædicamus, longos capillos & cæsariem gestantem (ut ipsi in allatis imaginibus docemus) nos promisso

capillo non sequeremur. Addebant, Christi exemplo demonstrari hunc ritū esse naturæ magis conformem. Vni è multis responso acquievēre, cum docuimus imitationem Christi in cultu corporis non consistere.

Scholastici & doctores graviore aliquanto habitu utuntur sine tot coloribus & segmentis. quin imò damascenā toga nigri coloris reliquum cooperiunt. Ecollo velut stola, è brachio manipulus dependet: caput biretto Pontificiæ mitræ simili velant.

Tam viri, quam fæminæ ad ornatum magis, quam ad necessitatem manu gestant ventilabrum affine Europæo. In luctu secus ac nos albo veltuntur. In salutationibus caput revelare inurbanū est, uti & apud Cineses. qui rem hanc usq; ad id difformem probis moribus judicarunt, ut necesse fuerit Societati nostræ à SS^o. Dño No. Paulo V^o. impetrare privilegium celebrandi operto capite. Non utuntur tibialibus, aut calceis: pedem contra viarum injuriā muniunt potissimum corio constricto nodis floccato serico ornatis, qui intra digitos ad similitudinem sandaliorum conveniunt. Indecorum hic non putatur nudipedem procedere. cum verò seu calceati, seu nudipedes se faciliè maculent, in singulis ædibus ad fores aulae majoris pelves aquā plenæ disponuntur, ut ingressuri pedes ibidem abluant ibidē soleas, quotquot utuntur, reponunt, resumpturi in abitu; nam
intra

intra domum earum opéra non egent, cum floreis
 inambulent. Nostri Patres ob facilitatem, qua gēs
 externorum consuetudines recipit secus atq; in
 Cina nunquā compelluntur vestē mutare. quare
 non multum differunt à communi Indiæ habitu.
 Vestis unica absq; pallio, aut illâ, quam superiorē
 nominamus, conficitur è bombyce subtili Ehin-
 gor dicto, ac ferè carulea est. Calceis nec I uro-
 peis, nec Cocincinensibus utuntur. illos qui pa-
 ret, deest: hos ferre gravissimum est. nodi enim il-
 li ob divaricationem digitorum inter quos sunt,
 pariunt non modicum dolorem. Mius itaque
 malū eligendo discalceati ambulant. Solent qui-
 dem ex hoc pedum neglectu continui stomachi
 dolores gigni, maximè cum terra humida est: ubi
 tamen planta consuetudine induruerit, ne saxa
 quidem aut spinas sentit. Ego cum inde Macanni
 redij, calceos quos resumebā, molestos expertus
 sum, ipsiq; pedes ex aëris suffocatione implicati
 nexibus videbantur. hæc de vestibus, nūc de cibis.
 Potissimum Cocincinensium pabulum est oryza.
 mirumq; est eos comesturos in tantâ carnis, aviū,
 piscium, fructuum, quibus regio abundat copiâ,
 pri⁹ se oryzâ implere, ac deinde reliqua per modū
 cæremoniæ libare. Vnde pluris eam faciunt, quā
 nos panem. ne verò nauseam contrahant, eā pu-
 ram comedunt nullo vel oleo, vel butyro, vel sale,
 aut saccharo temperatam. Cum coquunt, affun-
 dunt puram aquam in ea quantitate, quæ faciat

ut ne adhæreat ollæ, aut torreatur. quare granâ integra manent aliquantum humore emollita. Oryza sic absq; aromatibus condita facillimè digeritur: & ferè ut mos Orientalium fert, quater in die largiore genio sumitur. Comedunt Cocincinenses humi sedendo pedibus in Cruce in decussatis stat à fronte mensa rotunda ad altitudinem pectoris affabre cælata, & si conditio personarum ac facultates patiantur, deargentata, aut aurea. nō est hæc mensa spatiosa more obtinente ut quisi que suâ habeat. Quare in convivijis quot sunt invitati, tot parantur mensæ. Idem mos in privatis domesticorum mensis servatur. nonnunquam tamē vir & uxor, pater & filius eidē mensæ accumbunt. Non utuntur cultris aut fuscinulis, nec his indigent, cum omnia fercula minutatim concisa è culina afferantur. Furcularum loco convivæ capiunt intra digitos minuta duo ligna sed exposita: his decorè, nec sine agilitate quoscūq; cibos assumunt: mappulis quoq; non egent, nullo ferculo manibus tractato.

Convivia inter propinquos frequentia instituuntur. in his fercula ab ijs, quæ enumeravi, diversa apponuntur: oryza istic abest, quam domus suæ nemini deesse sciunt. Invitans ut ut pauper sit, muneri suo non censetur satisfecisse, nisi invitatorum cuilibet separatim centum ut minimum patinas in propria mensula apposuerit. Mensæ ubi paucissimæ, tricenæ. solent communiter quadragenæ

genæ aut quinquagenæ esse. nonnunquam centum, aut ducentæ visuntur numero crescente ad multiplicationem propinquorum, qui omnes invitantur. Interfui ego convivio, in quo accumbentium duo millia fuere. Multitudo hæc epulantiū fere in campis & locis apertis excipitur, ne sub tecto cuiquam angustia fiant. Nemini autem mirū videatur parvas mensas centum ferculis sustentandis pares esse; siquidem non sine artificio in morem curris cannas à saccharo pretiosas inter se contexunt, & excipiendis tot patinis adaptant. Quæ apponuntur, debent omnem ciborum varietatem, quam regio producit, carniū, pisciū, volatiliū, quadrupedum domesticorum, sylvestriū unā cum omni fructuum, qui eo tempore inveniuntur diversitate continere. in defectu vel unius horum sugillaretur invitans, nec epulo convivij nomen tribueretur. Accumbunt mensis sic apparatus primò domini, quibus serviūt honoratiores famuli. ubi heri genio suo juxta cujusq; genium indulserint, locum cedunt his qui servierant dignioribus famulis viliorē aliorum turba assistente, donec & hæc illis abeuntibus expleat suam famem. Reliquiæ in sitarcias à postremis reconduntur (nam nefas quidquam relinquere) & domum relatæ cum festivitate in reliquam familiam distribuuntur. & hic conviviorum est exitus.

Vite caret hæc regio, vini defectum supplet distillatus ex oryza liquor persimilis aquavitæ tū

in sapore, tum in colore, tum etiam in vivacitate peracri & spiritibus redundante. Adeò hic potus in usu est, ut passim etiã à plebe largiter & ad ebrietatem bibatur. Honoratiores temperant hunc potum alio liquore ex Calamba distillato, qui toti poculo mirum & suavem odorem comunicat.

Interdiu calidam bibunt Chia dictam ab herba cognomini, cujus radice paratur. Vegetum cor facit hæc aqua, stomachum ab humoribus viscosis liberat, & juvat concoctionem. Simili potu utuntur Iapones & Cinæ: Cinæ tamen loco radicis folia ejusdem herbæ ad conficiendum adhibent: Iapones verò pulverem ex ijsdem folijs paratum, verum & effectus & nomen ubique idem est.

In tanto ciborum luxu, & vitæ opportunitatibus mira est penuria, quã nos Europæi patimur in cibo & potu, stomacho panem & vinum, quibus assuevit, desiderante. Id ipsum censeo sensuros Cocincinenses, si in Europam commigrarent. habeo dicere nullam exquisitissimorum ciborum copiam expleturam desiderium oryzae, cui immoriuntur. Argumento sit nonnemo Gubernator nostri amans; fuerat is domi nostræ exceptus convivio Europæorum more instructo: spectabamus nos attentis & oculis & auribus, rati ferculorum novitatem approbandam non sine laude eorum qui in ijs præparandis industriam singularem adhibuerant; sed res secus cecidit; libavit omnia, edere nihil potuit, quantamcunque sibi hospitum causa cum

sa uim afferet, nobisq; necesse fuit alia fercula regionis more téperata mutuato accipere, ex quibus demum largiter cū suo & nostro gaudio comedit. In his nostrorum arumnis, quas ciborum, vestium & aëris varietas causat, minimè patitur Clementissimus Deus suam desiderari benignitatem: sed vel in hoc Mundo jugum Prædicationis Evangelij & labores omnes suauitate condit. nā quemadmodum non multò ante de calceamentis retuli; sic & in victu sensim natura assuescit gentiū consuetudini in tantum, ut mihi d. faciliè fuerit resumere panem Europæum.

Medica ars hic floret. Medici partim Lusitani, partim incolæ sunt. sæpè quas agritudines Lusitani incurabiles censent, his cum facilitate medentur Cocincinenses: sæpè quos illi depositos habêt, illos hi vitæ restitunt. est autem hæc eorum in medendo consuetudo. Primò ut ad ægrū veniunt, aliquantum confident causa sedandì internì motus, quem de via contraxerunt: tum venæ pulsum attentè, & diu explorant: tandem quo æger morbo laboret significant; qui quidem si incurabilis sit, apertè denunciant sibi pro eo curando medicinas non suppetere, quod signum est pro deposito ægrum haberi. Si autem agritudo medicinam patitur, dicunt sibi media non deesse, diemq; valetudini in integrum reponendæ præfigunt, in ito pacto & pretio constituto, quod recuperata valetudine deponendum sit. hætenus animaduersum

est plerisque inijsse hos contractus, & firmasse in-
strumento publico. Lytrum majus minusve est
pro ægritudinum & ægrorum diversitate. Ab ini-
to pacto ipse Medicus manibus suis medicamenta
componit, neq; apothecarijs, qui ob id nulli hic
sunt, credit; non credit autem, tum ut ne secreta
sua patefaciat, tum ut certus sit nihil ingredientium
à se præscriptorū defuisse medicinæ. Æger si præ-
fixo die sanitati restituatur, quod plerūq; accidit,
pactam mercedem numerat; sin autem, medicus
& operam perdidit, & medicinas. Medicinæ hæc nō
ut nostræ nauseam generant, neq; sunt laxativæ;
sed ut juscula sapiunt, & nutriunt, etiam si nullus
alius cibus adjungatur. quare sæpius eas in die re-
petunt, non secus ac nos juscula. Non alterantur
per illas corpora, sed dissolvuntur peccantes hu-
mores absq; ægri convulsione. Non est mihi præ-
tereundum, quod Lusitano evenit; is æger Lusita-
norum medicorum industriam frustra expertus
conclamabatur; his ergo valere jussis Cocinci-
nensem evocat, qui & sanitatem intra certum die-
rum numerum promittit, & severè inhibet, ne in-
terea ullum cū mulieribus commercium habeat:
addit certam ni se contineat mortem imminere,
nec superfuturas medicinas quæ à morte possent
eripere. Contractus initus est, & dies 30. curatio-
ni adjudicati. Interea æger præscriptorū medica-
mentorum beneficio paucos intra dies ita conva-
luit, ut de valetudine securus non timuerit trans-
gredi

gredi medici præscriptum. Revisit patientem Medicus, & expulsus mutatione incontinentiam hominis arguit; quare se ad mortem certissimam disponeret, sibi verò mercedem debitam penderet. mortem non sua, sed ægri culpa ingruere. In judicium lis delata, & adjudicata medico causa, æger juxta prædictionem mortuus.

Diversus à nostrate est modus excipiendi è venis sanguinis. minus emittitur, nec ferreo scalpello; sed anserinas pennas implent aliquibus mollioris porcellanæ segmentis præacutis, ut serras referre videantur: has pro venæ varietate majores minoresue applicant venæ, digitoque librato apprimunt porcellanâ venam fodicante. Emissio sanguine brachium nulla fascia obligant, sed pollice sputo illito comprimunt locum foraminis, qui mox coit, nec ulteriorem effundit sanguinem. Meo judicio porcellanæ, & modo aperiendi ea vis sistendi attribui debet.

Chirurgi mirabilibus naturæ secretis celebres sunt. duos hic ego eventus referam, quorum prior me, posterior fratrem è nostra Societate cernit. Cecideram fortè ex eminentiore loco, & pectore petrae angulo illiso sanguinem spuebam, nec deerat suum a foris in pectore vulnus. Adhibita fuere nonnulla remedia ritu Europæo, sed incassum. Evocatus demum chirurgus hujus Provinciae læso pectori applicuit emplastrum, quod ex herba mercuriali non ab simili composuerat: ex

eadem herba aquam ad potum confecit: crudam deniq; mihi edendam proposuit, & ecce opinione citius intra paucos dies me integrum reperi. Ut deinde herbæ experimentum capere, comminutis ex industria gallinæ tibijs simile emplastrum circumposui, quæ & ipsa celerrimè revaluit. Pupugerat scorpio secundum guttur fratrem nostrū nūlus ijs regionibus mortiferū. mox guttur ōne iutumuit, parabaturq; extrema Vnctio; cum adfuit Chirurgus, qui oryzam in ollam injectam in pura aqua decoxit: tum calentem pedibus ægri supposuit, itaq; pannis circumligavit, ut evaporare alio non posset. quæ vaporis vis inesset docuit eventus; nam ut perforatum locum attigit, detumuit guttur, & ille ita ex insperato revixit, ut nūquam fuisse æger putaretur.

Plura huius generis adferri possent, quæ dum prætereo, sciri velim medicamenta majoris illic virtutis esse, quam dum ad nos deferuntur. quasi patrio solo plus se aliquid debere sentirent. Mecū ego redux in Europam vasculum Rebarbaro selectissimo plenum deferēbam; sed cum post biennij iter hic in Europa vasculum reserasset, ita illud immutatum reperi, ut ipse ego non agnoverim, en quantum Cæli facies virtutem non adimit!

C A P U T V I.

De Cocincinensium politica & Civili gubernatione.

PAUCA quædam de civili gubernatione attingā. rudem quandam ejus imaginem oculis lectoris

ris subijciens, ne in immensa rerum sylva utriusque à scopo nostro aberremus. Generatim regimen Cocincinensium temperatum est, & inter statum Japonum & Cinenfium medium. Vt enim Iapones reiectis scientijs toti in armis sunt, & è diametro oppositi Cinenfes solos literatos in pretio habent, & ai ma negligunt; ita hi inter utrosque medij, æquali loco doctos & fortes tenent, promoventque ad officia & dignitates modò hos, modò illos juxta temporum necessitatem, & personarum qualitatem.

Vniversitates seu Academias non paucas habent instructas & scholis, & doctoribus. suæ sunt post examina, uti & apud Cinas, promotiones ad gradus. eadem hic artes, iidem libri & authores, inter quos est quem Lusitani Zinsu, aut Confus nominant: tam profundus habetur, tantumque est apud hos populos authoritatis, quantæ apud nos Aristoteles, quo ille vetustior est. Sunt eorum libri pleni eruditione, historijs, paræmijs, gravibus sententijs. & ijs, quæ ad civilem vitam conferant, æquiparantur nostratibus Senecæ, Catoni, Tullio. Ætatem non modicam impendunt in addiscenda proprietate phrasum, vocabulorum, characterum, & hieroglyphicorum, quibus conscripti sunt. Ethica tam Oeconomica quam politica primas in omnibus scientijs tenet. Non in amænum spectaculum dant aulam, in quibus legunt, & recitant suas lectiones voce elatiore ad modulos inclinante; itaque guttur faciunt ad voces quascunque, cum suo ac-

centu proferendas, abundat enim lingua accen-
tibus, qui variant significationem vocabuli; qua-
re qui cū illis loqui desiderat, penè cogitur prin-
cipia musices & contrapunctorum addiscere Vul-
garis vox diversa est ab ea, quæ in scholis viget, &
quâ libri conscripti sunt, in hoc à Cinenibus, qui
si aut docti, aut nobiles sint, unâ tum in scholis,
tum extra utuntur, quam Mandarinorum vocât,
hoc est, doctorum, Iudicum, Gubernatorū. Cha-
racteres qui tam scriptioni, quam typo serviunt,
† excedunt numerum 83. millium: omnes inter se
ex toto discrepât. ob quam causam Patres nostræ
societatis octo aut decem annos coguntur studiū
impendere, priusquam tractare cū ijs populis pos-
sint. Cocincinæ characteres, qui in communi usu
sunt, & sufficiunt explicandis conceptibus, suppli-
cationibus, memorialibus, ad tria millia revoca-
runt. in typo compelluntur ad characteres Cini-
cos recurrere. Feliciores in hoc negotio sunt Ia-
pones, qui licet in libris seu manuscriptis, seu im-
pressis ad unguem se Cinæ conforment; ne tamen
in suis munijs remoram paterentur, excogitarūt
litteras octo & 40. ex quarum combinatione om-
nia sua sensa exprimunt, non minus quam nos no-
stris A, b, c. Illibatus nihilominus Cinenfi chara-
cteri honor in Iaponia perseverat, & illæ 48. literæ
inter armorum strepitum tam opportunæ, viles
habentur, & ad ludibrium faminarum audiunt.

Prælum & typus prius, quâ apud Europæos;
in no-

in notuit Cinæ & Cocincinæ, sed impolitior. Literæ non junguntur literis, aut characteri character; sed scalpello ea inciduntur in tabulam ad eam formam quam liber desiderat; exinde modo Europæis. visitato charta applicatur & prælo apprimitur.

Præter morales libros habent alios, qui res eorum opinione sacros describunt, ut Creationem, & Mundi primordia, animam rationalem, demones, idola, sectarum varietatem. Vulgo vocantur hi libri Sayc, kim. profani vero Sayc, Chiu. Quæ res sacras concernunt, in secunda parte loco opportuniore attingemus.

Sermo Cocincinæ cum Cinenfi partim congruit, partim differt. Congruit in varietate tonorum, accentuum, & brevitate vocabulorum, quæ monosyllaba sunt: differt in verbis ipsis, quæ nullam affinitatem mutuam habent. vocalibus hi magis abundant, & in sermone suaviores sunt. excedunt etiam in accentibus & tonis, & in ea, quæ hos sequitur, melodica consonantia. Hæc lingua meo judicio facilis est præ omnibus alijs auri illi. quæ tonorum & accentuum diversitatem ex musica novit interstinguere; nam de cætero caret inflexionibus nominum, & verborum conjugationibus. Verbi aut nominis voci adjunctum adverbium aut pronomen exprimit sensum præsentis, præteriti, vel futuri temporis; numerum singularem, aut pluralem; & ut compendio dicam, modos, tempora, personas, & alias casuum differentias.

tias. Exemplo rem illustremus. Verbum, Habere; Cocincinensibus, Co; adjuncto pronomine sic conjugatur. Ego habere, tu haberi, ille habere. ubi sensum non variat verbi terminatio, sed diversum pronomen appositum; apud nos terminatio variatur ex o, in i, & t. Habeo, habes, habet. Ad temporū varietatem ostendendam dici deberet; Ego modo habere. pro præterito, Ego quondam habere. pro futuro, ego post habere. idem esto de cæteris iudicium, Co immutato, semper reterto. Quæ verbi immutabilitas quantam addiscenti facilitatem præbeat, ipse ego in me experimentum capi; nam intra semestrem tantum in hac lingua profeci, ut conversationi & excipiendis Confessionibus par essem. non tamen eram omni ex parte excultus, cum ad perfectionem in hac lingua consequendam quatuor ut minimum anni, & ij non otiosè traducti requirantur. sed

Tempus est ut ad seriem interruptæ narrationis redeamus. dixeram non solos in Cocincina doctos æstimari, aut ad publica munia beneficijs opulenta juxta doctrinæ varietatē promoveri; est enim & suus militiæ; Bellonæq; alumni honor. Ratio præmij à nostrate diversa est. Marte inclytis nulla oppida, aut Marchionatus; sed juxta merita subditorum certus numerus attribuitur. Hoc, in quacumq; sint Regni parte, munus dominum eum agnoscere, cui à Rege traditi sunt; eundem necessitate postulante armata manu protegere; apud

apud eundem censum, quem in regium fiscum inferbant, deponere. Hæc varietas dominijs titulos quoque variavit. neq; enim à dominijs Marchionum, aut Comites audiunt hujus vel illius loci, sed, hic est homo 500. aut mille hominum : hunc Rex auxit mille, aut bis mille capitibus. multitudo vassallorum opes sunt istorum & gloria.

In causis forensibus morem ferè sectantur belli nec Iudices, Notarios aut Procuratores magni faciunt. eorum partes suppleantur à Proregibus & Provinciarum Gubernatoribus, qui quotidie binas ante, & totidem horas post meridiem in capaci proprii palatii atrio publicè dāt populo. Accurrunt ad hos actus causarum partes, & quidquid querelarum, quidquid habent defensionum expromunt. Auscultat Prorex aut Gubernator è sublimi fenestra singulos. & ferè in veritatis cognitionem devenit partim diversarum interrogationū adminiculo, partim ex populi actori aut reo applaudentis sensu. Cognita veritate sententiam mox altiore voce pronuntiat, quæ pariter statim executioni mandatur, neq; locus ullus cōceditur replicis aut appellationibus, quodcunque genus causæ id sit; seu pæna. capitis ea sit, siue exilij, aut plagiaria, aut deniq; pecuniaria. cuiusque delicto juxta leges patriæ certa & commensurata pæna præfixa est.

Crimina quæ deferuntur & severè puniuntur, varia & multa sunt. præ reliquis & adulteri impune non

nè non abeunt. Primi si deprehendantur in iudicio quempiam falso accusasse, pænâ crimini, quod alteri imponebant, debitâ etiam si mortis ea sit destinantur, ad omnem gratiam auribus penitus obferatis. Visum est experientiâ teste hanc iudiciorum formam indagandæ veritati aptissimam esse. Latronibus ob grande furtum collum præciditur. in levi, exempli gratia, gallinæ, primum uno manus digito, 2. altero. 3. aure, 4. capite truncatur. Adulter, seu vir is sit, seu fæmina, in campû patentem educitur: illic in corona multitudinis quæ ad tam triste spectaculum concurrere solet, manibus & pedibus ligatus proijcitur ante elephantum more carnificis mandata attentâ aure præstolantem. Prælegi autem solet, ut reum proboscide apprehensum stringat, & in sublime elatû populo ostentet, tum elibratum excipiat dentium acuminibus, & impalet: demum retractum illidat terræ & pedibus proterat. Quidquid prælectum est, ad amussim exequitur elephas non sine pavore circumstantium, qui sic alieno malo fidem conjugalem inviolatam servare edocentur.

Non solent intra gradus consanguinitatis, quos divina & naturalis lex Christianis vetat, Cocincinenses quamvis gentiles inire matrimonia imò nec in primo gradu lineæ transversalis fratrum & sororum, in alijs contrahere nihil vetitum cum una. Divites tamen ne avari & illiberales habeantur, tot concubinas domi suæ alunt, quod alendis

alendis res domestica par est. vocantur hæ juxta
 singularum conditionem 2. 3. 4. 5. conjux, & pri-
 mæ serviunt, quæ legitima est, & secundas ad suū
 placitum viro seligit. Non est Cocincinensiu ma-
 trimonium indissolubile, sed juxta patriæ leges li-
 bellus repudij tum dari potest, cum certa quorū
 delicta (sunt ea non pauca) contra comparem
 probata fuerint, licitusq; est tali ad alias transire
 nuptias. Dotem maritus uxori adfert, in cujus
 domum migrat & ejusdem facultatibus alitur ip-
 sâ omnia administrante, viro in otio cōsenescen-
 te, ac pecuniæ quæ in domo est vix conscio, cui
 abundè sit per uxorem pasci & vestiri.

CAPUT VII.

De potentia & bellis Regum Cocincinensium.

Dictum est initio hujus operis Cocincinā fuisse
 partem magni regni Tunchim, sed per avum
 moderni Regis loci Governatorem à reliquo
 corpore avulsam fuisse, animos suggerentibus
 æneis tormentis, quæ tempestas Lusitanis & Hol-
 landis inter scopulos ejus regionis sustulit, Regi
 donavit industria illis non sine sudore è mari ex-
 tractis. Tantus autem istic tormentorum nume-
 rus jam est, ut in unius Regis palatio 60. è majori-
 bus visantur. Onerandorum & exonerandorum
 artem gens tam probè callet, ut nihil Europæis ce-
 dat, nec vereatur quemcunq; ad singu-
 lare certamen provocare. nec quisquam, qui eo-
 rum peritiæ conscius est, in arenam prodit; feli-

cioe enim eventu illi tormento scopum feriunt, quam nostri sclopo. scloporum hic exercitatio similiter viget. Itatis diebus catervatim ad acuedam industriam in agros effunduntur. Alterum quod ad Tunchimense jugum excutiendum calcar addidit, fuere triremes centum, quibus tueri potest partem maritimam, uti continentem tormentis. Catana quoq; (genus est frum̃e in Iaponia elaboratũ, habens chalybein excellentissimũ) numero suo inclinatum Gubernatoris animum impulit, unaq; Manni parvum, sed vegetum animal, quod pacis tempore ab hastatis cursu exercetur, & in re ludicra ad sumã aleam disponitur.

Potentia Regi tanta est, ut ad libitum 80. milia armatorum educere in aciem possit. nec tamẽ metu caret ob Tunchimensem Regem quadruplo potentiorẽ, ad quem placandum pendit tributum ex ijs rebus, quæ in emolumentum regni Tunchini e sua Provincia evehere potest. præcipua numerantur aurum, argentum, & oryza. adjungit arbores parandis triremibus. Nec modo cum de ineundo fædere cum profugo defuncti Regis filio in extrema duntaxat parte Tunchimi dominante tractaret, aliud quærebat, quam ut illo in regnum restituto, ipse à tributis absolveretur. Ad plenius ea, quæ diximus, intelligenda sciendũ est eo tempore, quo ego in Cocincina eram, in Tunchimensi regno patrum pro filio Regis tyrannidem occupasse: illum autem, ut uitæ suæ consuleret,

leret, ad regni confinia, quæ Cinam spectant, confugisse, illicq; ut legitimum regni hæredem agnitum imperasse ea cum prudentia, & virium accremento, ut patruus non modicè vereretur, ne coalescentibus inter hunc & Regem Cocincinæ faderibus ipse medius interciperetur, & ab injustè arrepto imperio deturbaretur. Quare ut festinus malo occurreret, quotannis numerosos exercitus contra prænominatum Principem conscribat: semper tamen in iritum cessere. Iter erat cis quinq; aut sex dierum per terras, quæ omnē aquā ab hostili solo defluentem habebant, has illi quoties adventare hostem senserunt, nonnullis herbarum radicibus venerantur, ingentesq; sine ferro strages ediderūt, residuis, ne simili malo involverentur, retrocedere compulsis.

Ars militaris Cocincinensium pene eadem, quæ Europæorum: idem pene in acie constituenta, ordo, in velitationibus, in assaultibus & receptu. Triplex fere Cocincinæ hostis. Primus de quo dicebamus, Tunchimensis, qui semper minitabundus est, & passim confinia vellicat: ad arcendum hunc hostem Rex Cocincinæ commoratur in extrema regni sui parte Sinuva, ut vicinior pro opportunitate laboranti patriæ subvenire possit. Secundus hostis domesticus est: Fratres Regis uterini non contenti portione bonorum sibi assignata, sed ambientes æquale cum Rege imperium arma in fratrem moverant imploratâ Tunchim en-

sum ope. bellum tantò periculosius erat quanto magis intestinum. Istic ego dum essem, ita in confinijs se fratres rebus omnibus, maxime tormentis elephantorum humero portandis communicâr, ut cum in eos regij impetum fecissent, rejecti fuerint ter mille capitibus desideratis. Alea secunda non multò post fortunatius Regi cecidit capto cû impedimentis fratre utroq; qui vivendi finem fecissent, nisi innata Regi pietas & amor fraternus iram superasset: donata ergo vita, adempta libertas. Tertius qui negotium facessit, est Rex Cl iam-pensis Provinciæ Renran ad Occidentê Cocincinæ adiacens: hic hostis quia imbecillior, ab ejusdê Provinciæ Gubernatore in officio cõtinetur.

Ex hoc eodem Regno in Cambaiam Regi, qui ductâ Cocincinensis filiâ nothâ hujus gener est, passim & miles & naves contra Siami Regem subministrantur. Hæc tot bellorum occasio nomen heroum Cocincinensium tam terrâ, quam mari celebre fecit. Bellum navale triremibus geritur. quælibet bellè est suis æneis fistulis, & mosquettis instructa. Nemo porro miretur uni Regi vires suppetere expediendis centum triremibus: non enim ut nostrates eas turbâ malefactorû implent, aut coactis: sed cum vela facienda sunt, aut prælium ineundû, secreto lictores & commissarij regnum omne percurrunt, & tot, quot remo idoneos inveniunt, nomine regio ad triremes cõpellunt, exceptis ijs, quos nobilitas, aut aliud privilegium indem-

indemnes facit. Hic modus apparandi triremes, non est tam difficilis & asper, ut prima fronte videtur; primum enim remiges lautè tractantur & largiore donantur stipendio. ad hæc istorum uxores, filij, & tota familia regijs expensis juxta cujusque gradum & dignitatem alitur toto eo tēpore, quo paterfamilias à Rege distinetur: non solum autem distinetur remo, sed etiam cum fert loci & temporis opportunitas armatus hostem ferit: datur enim remigum cuique sclopus aut mosquetta cum jaculo, catana, aut framea: & quoniam masculi pectoris sunt Cocincinenses, tam remo, quam armis insignia sui roboris & animi specimina edunt. Sunt triremes nostris aliquanto breviores & angustiores, ita tamen elegantes & auro argētoque divites, ut amænæ aspectu sint: maximè pro-ra, cui primas dant, & illic Capitaneus cum honoratoribus demoratur: ut scilicet ex loco opportuniore opportunius adesse possit necessitatibus occurrentibus

Inter arma defensiva numerant clypeos ovatos, qui cum viri magnitudinem æquant, totos ab hoste operiunt: neque tamen ob levitatem præpediunt aut aggravant. Provincijs non vulgare contra hostem præsidium sunt domus, ut quondam dicebamus, supra columnas erectæ: si enim hostis potentior ingruat, ad montana confugiunt; domos verò dum subjecto igne in cinerem redigunt, hosti materiam se muniendi adimunt, coguntque

ob rerum penuriam repatriare. Ad cujus disces-
sum isti facilè Vrbes Vulcano paulò ante sacratas
renovant.

CAPVT VIII.

De Commercijs & portubus Cocincina.

Abundantia rerum ad humanos usus necessa-
riarum, qua regnū hoc affluit, segniores red-
dit incolas & minimè cupidos exterarū pro-
vinciarum mercatus causa visendarum. sed neq;
in suis navigationibus ita se effundunt, ut pater-
na litora medullitus amata à conspectu abeant.
Exteros in regnum facilè admittunt, gaudentque
secum commercia non solum à conterminis, sed
etiam à longè remotis populis & regnis exerceri.
ad quos alliciendos nullo egent artificio, ipsa re-
gionis fertilitate & opum affluentia abundè ille-
ctis auri cupidis exterorum animis Adeuntur à
vicinis Tunchimensibus, Cambajanis, Cinceja-
nis, nec non à remotioribus Cinenfibus, Macaen-
sibus, Iaponijs, Maxilanis & Malacensibus, qui
omnes argentum loco mercium asportandarum
huc convehunt: neq; tamen argento emunt, sed
illud non secus ac mercem quamcunq; permutāt
pretio accrescente aut decrescente juxta argenti
allati copiā aut penuriam. Pecunia, qua res coë-
mūtur, tota ex ære coronario est, & ejusdem pre-
tij. quingenti nummi scutatum efficiunt. quilibet
perfectè rotundus est & imaginem Regis cum in-
signibus refert, estque in medio perforatus ut in
mani.

manipulum plures colligari possint. Mille solent connecti valentque duos scutatos.

Præcipuas Cocincinæ nundinas faciunt Iapones & Cinæ, quæ uno in portu quatuor fere mensibus continuis durant. Afferunt ad has Cinæ quatuor aut quinque milliones argenti. Iapones verò in Sommis, (navis genus est) maximam nobilioris serici quantitatem, cum alijs mercibus Insulæ proprijs. Ex harum nundinarum datis; & gabel-
lis Rex cõficit as maximum, nec provincia notabili lucro caret. Vulgare est à facundis terris gigni inertes colonos. & hi inertes, capiuntur tamen aliorum industrijs, eorumque opera pretij alioqui vulgaris, carissimo coëmunt: ut e. g. pectines, acus, armillas, in aures vitreas, similemque mundum mulierum. Memini Lusitanum mercatorem Macao apportatam pyxidem plenam acubus, quarum pretium rigidissimum triginta esse scutati poterant, hic divendidisse mille & amplius ducatis. facta supputatione, quod quadrante Macai comparavit, in Cocincina integro reali distraxit. Res novae & peregrinas certatim coëmunt, nec parcunt pecuniæ. delectantur pileis nostris, cingulis, industrijs, alijsque vestimentorum nostrorum partibus ob omnimodam ab eorum vestitu discrepantiam. Corallum præ omnibus magni faciunt.

Mirum est in provincia quæ centum leucas non multum excedit, inveniri sexaginta portus omnes navibus excipiendis commodos: opportunitatem

ijs faciunt frequentes terræ linguæ in mare protensa. Primarius portus in quē exscendunt exteri, & in quo panlo ante memoratæ nudinæ celebrantur, situs est in Provincia Cacciana. habet duo ostia, primum Pulluciampello, alterum Turon dictum, per quæ è mari aditur. sunt initio hæc ostia tribus aut quatuor leucis à se distantia: in progressu ita sensim uniuntur, ut post sex aut septem leucas in unum coeant flumen, ubi etiam naves, quæ diverso ostio subierant, colliguntur. In hoc confluxu jam olim à Rege Cocincinæ concessus est Iaponibus & Cinenſibus locus Vrbi ædificandæ, quam Faifò nuncuparunt. eâ est magnitudine, ut duæ dici possint, Iaponum altera, altera Cinenſium; segregati à se iuicem utrique degūt, habentque proprios Gubernatores, & suis quique legibus vivunt.

Facilitas exteros quoscunque admittendi invitavit etiam Hollandos ad intrandum hos portus cum navibus omni mercium genere onustis. Quod ubi Macai intellectum est, communi consilio legatum mitti placuit, qui Lusitanorum nomine à Rege peteret depelli, & à Cocincinæ finibus arceri gentem capitalem sui nominis hostem. Legatum egit Ferdinandus à Costa, à rebus bello præclare gestis celebris dux: ab hoc exposita Regi postulata, ad quæ ille perbenignè annuit. Intercadum Ferdinandus in aula Regis moratur, adfuit navis Hollandica, anchoris jactis pars in terram non

non sine festivis lætitiæ signis defiliit. mox feruntur ampla Regi dona: accipit ille cuncta perlibenter, & solitam negotiandi potestatem facit. Inexpectatum hoc nuntium ut inaudijt Acoſta, accurrit ad Regem, queſtuſq; regiam vocem minime ſervari, pede terram feriit, ut quam animo verſabat generoſam, nec Luſitano ſanguini inſuetam iracundiam proderet. Placuit Regi & regijs viri animoſitas, juſſuſq; eſt exitum opperiri, nullum ei querelarum ſcrupulum ſuperfuturum. Inter hæc mandatum dat, omnes ut Hollandi navi exeant, & omnes ſuas merces eximant, in mercatum Turonenſem non ſecus ac Luſitani faciebant importandas. Dum operi incumbunt Hollandi, & lembis flumen oberrant, ecce à triremibus ex improviſo circumuenti, ac pene interneccione deleti ſūt. Merces in regium fiſcum illatæ. ad facti excuſationem allegavit Rex piraticam Hollandorum, quos graviora meritos aſſerebat: decreto deinde vulgato omnia illis commercia cum ſuis ademit. Regis in hoc facto juſtitia tum vulgo innotuit, cū intellectum eſt per hos eoſdem Hollandos ſpoliataſ fuiſſe aliquot Cocincinenſium naves. Cæterū Rex Luſitanis ut ſynceris, & ſidis fidem ſervat. Expeditus eſt non multo poſt Macao alter legatus, qui confirmationem decreti ab Acoſta inpetrati peteret: pro cauſæ firmamento adducere jubebatur periculum, quod ab Hollandis gente callida ei regno imminere poterat. gentem eſſe, qua uti in


alijs Indiæ partibus fecerat, captata occasione contra datam fidem tyrannidē soleat invadere, & sibi populos & regna armis subigere. Argumētum in specie tam plausibile ubi intellexēre homines illius Provinciæ Lusitanis amici, disertē respōderunt, nihileum minus quam quod optaret impetraturum. imò evidens periculum imminere ne totam Rex Hollandiam ad commercia evocet: Regem gloriosum esse, & singulariter p̄ositeri à se nullam ex toto Orbe nationem timeri, secus ac Cinarum Rex facit, qui omnes formidans neminem in regnum ad negotiandum admittit. Alijs ergo rationibus legato nitendum fuit, ut desiderata obtineret,

Erga Lusitanum nomen, & eos qui in illud regnum negotiandi gratia commeant, singulārē semper amorem Rex ostendit, nec semel tres aut quatuor leucas regionis, quæ fertilitate & rerum copia reliquas terras antecellit, circum portum Turonensem obtulit, ut illic Urbem non secus ac Iaponij & Cinenſes fecerant, pro sua opportunitate exstruerent. Equidem si juberer mentem meā Catholicæ Majestati declarare, dicerem imperandum Lusitanis esse, ut tam amicam donationem acciperent, & quantocyus Civitatem erigerent. Hæc enim futura esset certum refugium navibus in Cinam proficiscentibus. Posset præterea istic classis servari, quæ mare hoc in Iaponiam & Cinā transeuntibus tutum redderet, & ab Hollandis purga-

purgaret, qui coguntur loci angustijs adacti, se
canali Provinciarum Renran, & Pulucambi, nec
non scopulis Pulufisi committere.

Hæc habui, quæ de statu politico & tempo-
rali hujus regni memoriâ digna judicabam ex no-
titia, quam affecutus sum spatio aliquot annorû,
quibus illic moratus sum. Plura de ijsdem
qui volet, legat tractatum
sequentem.





Pars Secunda
 DE STATV SPIRITVALI
 COCINCINÆ.
 CAPVT I.

De ingressu Patrum Societatis IESV in hoc regnum, & duabus Ecclesijs Turone & Cacciami erectis.



Ntequam Patres Societatis Cocincinam ingrederentur, soliti sunt Lusitani eo merciũ causa navigantes secũ deducere Malacã aut Macao, & Castellani Manilã Sacellanũ aliquẽ, qui Sacris operaretur, & Sacramenta administraret, dum illic trimestris aut quadrimestre suum negotiando expleret. Hi sacellani adæquatissimẽ muneri suo fecisse se satis arbitrabantur, si Lusitanis adessent, neq; curam ullam convertendarum istarum gentium assumentabant aut idioma addiscendo, aut alia ratione Evangelij lucem eis communicando. Non tamen defuit ex horum numero qui libello, quem Itinera mundi indigitavit, evulgare per Hispaniã non erubuit à se in fide instructã, & baptismo elutam Reginam Cocincinã cum multis è gynæceo; sed quam verẽ, prudens lector iudex esto: nam ha-

ænus

atenus neq; Regina, neq; ulla ex regia domo persona ullam ad fidem Christi animi propensionem ostendit. Et quamvis nos Patres quotannis Regē invisamus, & cum aulicis familiariter agamus, nullum tamen unquam in Regina Christianitatis signum deprehendimus, usq; adeò, ut neque quid nominis Christus, aut Christianus sit illam novisse comperimus. Prædictum authorem fabulatum fuisse, facile poterit quisq; deprehendere, qui ad reliquas quæ in eo libro continētur fabellas oculos adverterit, ut quod eadem Regina sibi Sacellano nubere voluerit &c. Aliquos sancti Francisci Patres, & unum è familia S. Augustini Macao Cocincinam animarum convertendarum causa petijisse constat; sed ob plurimas quæ intercurrerant difficultates remeasse ad propria, divinâ providentiâ adaptante filijs S. Patriarchæ Ignatij hunc cāpum; quem quomodo invenerint & excoluerint, quantamq; inesset jam collegerint ex præsentī hoc tractatu pius lector intelliget.

Ex posuere aliquādo nonnulli Lusitani mercatores Superioribus Societatis nostræ, quæ Macai est, multa ad gloriam Dei in Cocincina fieri posse, si ad eam cordati & honorem divinum ac salutem animarum Zelantes viri ablegarentur. Præ alijs Capitaneus quidam apud P. Provinciale institit, ut ne novale divinæ sementi excipiendæ tam idoneum sineret è manibus elabi. Visa est P. Provinciali petitio æqua, & nostro instituto valde

congruens. Quare longiori deliberatione seposita in novam hanc expeditionē seligitur, qui Maccai Theologiam professus fuerat, P. Franciscus Buzome, natione Genuensis, sed in regno Neapolitano educatus, & ibidem in Societatē adlectus, unde etiam in Indias solverat in comitatu P. Didaci Carvalij Lusitani, viri à fuso pro Christo sanguine purpurati, nam reperto per Cocincinam in Japonē aditu captus, & summa hieme in gelidas aquas demersus inter frigora & ventos lento gelu Christi amorī vitam sacravit. Abitu Patris Carvalij solus cum fratre Coadiutore in Cocincina remansit Pater Buzome, qui conversioni animarū daturus initium Turone primam missionem inchoavit. Cadebat initio desiderium ipsius penit irritum defectu interpretis: non erat inter Cocincinenses quī Lusitanicam calleret, nec inter Lusitanos quī Cocincinensem, paucis interrogatiunculis exceptis, quæ emptioni mercium & venditioni serviebant. Habebant quidem nāvium Saccellani quosdam interpretes gnarōs quorundam vocabulorū aut phrasium regionis, & horū operā ante adventum Societatis plebem rogabant an fieri vellet Christiana; nec defuit, qui assentiretur: sed nomine, non professione aut moribus Christianum se ostendebat: imo usq; adeo rude erant hæ novellæ plantæ, ut quid nomen Christiani importaret, nescirent, vitio interpretum, quā phrasin Cocincinensem non assecuti solum roga-

ban

bant auditores, an fieri Lusitani vellent. Errorem Pater Buzome in publico theatro deprehendit. Nā cum in foro Comædia repræsentaretur intermedij partes sustinente simulato Lusitano cum ea ventris capacitate, quæ puero occulendo sufficeret; audiit Pater per histrionem à puero exquiri an vellet subire ventrem Lusitanicum his verbis: Cō, gnoo, muon, bau, tlom, laom, Hoalaom, chiam: hoc est. Parve fili vultis intrare intro in ventrem Lusitani, an non: annuentem puerum mox in fictitium ventrem abdebat. Nō multo post exemplum denuo eadem rogabat non sine populi applausu. Inter has facetias advertit Pater verba illa: Muon, &c. esse verba interpretum ad Cocincinenses, cum rogant an fieri Christiani velint. Unde, non vanus augur, intellexit errorem inter Cocincinenses irrepsisse, existimantes peti, ut desināt esse Cocincinā oriundi, & fiant Lusitani: quem errorem jocabundi exprimebant, cum jubebant puerum subire ventrem illius, qui Lusitanum habitu referebat. Vt huic malo opportunè occurreret pater, omnes baptizatos officij commonuit, neq; ad baptismum quemquam de novo admisit, nisi prius vim Baptismi & Christianæ legis percepisset. Præ omnibus autem interpretes edocuit, & eorum interrogandi modum in hunc commutavit: Muon bau dau Christiā chiam: hoc est, Vultis intrare in legem Christianam, an non? Hac diligentia & charitate illud paucos intra dies consecuta

secutus est, ut non penitendos fructus sibi demersuerit, tum ex veteribus Christianis, qui vitam & mores ad normam fidei revocarunt, tum ex novis, qui non pauci accurrerunt. Non solum Turone, quæ erat sedes ordinaria, eluxit hic Patris fervor, sed in alijs etiam regni partibus latè diffundebat suavem odorem Charitatis & Zeli animarum. ubiq; instituebat, convertebat, ad Baptismum disponebat, tantusq; erat fervor & accursus populorum, ut opera novellorum Christianorum brevi capax Ecclesia Turone constructa fuerit. In hac publice Sacrificium Missæ celebrari cæptum est, & catechetica lectio per interpretes jam probè instructos haberi. Mirificus erat populi in P. Franciscum affectus, suspiciebant singularem in tam eximia doctrina & virtute affabilitatē, qua vinctos & colligatos in omnem partem omnes versabat. Animadversum id est omnium maximè Cacciami, quæ est regia sedes, sex aut septem leucis secundo flumine Turoni distans. In hac aula tantus fuit animorum motus, ut quamprimum fundus pro Ecclesiæ constructione assignatus fuerit, ipsaque cellerrimè exædificata singulis qua manu, qua pecunia adjuvantibus. Addita præterea est domus spatiosa & futura Residehtiæ non inconveniens. Inter benefactores enituit potissimum nobilis Matrona, quæ in baptismo Ioannæ nomen sortita est. hæc non solum sibi curæ esse voluit Ecclesiæ & domus fabricam, sed insuper domi suæ multa

multa altaria & oratoria erexit, nec finem facit agendis gratijs unico & vero Deo Cæli & terræ ob lumen fidei, & vocationem ad sanctam Fidem.

Atque hæc quæ hætenus recensuimus, à P. Buzome intra anni circulum gesta sunt: quorum rumor secundus cum Macaum usq; pervolasset, visum est P. Provinciali in annū sequentem, quēpiam Patrem ætate vegetiorem cum fratre Iapone submittere, ut ab his patriā gentis linguā comparatā interpretū opera amādaretur. Qui submissus est, fuit P. Franciscus de Pina Lusitanus, quondā P. Buzome in Theologia discipulus. Invenit hic annū pro animarū conversione minus fertilē, non tamen virtutibus infæcundum; multam enim patientiæ segerem subministravit persecutio excitata à dæmone ægrè ferente tantam animorum imutationem, tamque fæcundum Christo novale excitatū: quod, ut sequenti capite dicetur, suffocare, sed frustra conatus est.

CAPUT II.

De persecutione quæ principia Eccles: Cocincinensis exercuit, & quomodo ego in subsidium venerim.

INitium persecutioni dedit res ridicula ac nullius momenti, sed quæ non paucarum fuit lacerinarum ærumnarūq; causa. Insueta eo anno toto tegno sterilitas accidit defectu autumnalis inundationis, quam oryzae necessariam aliàs memoravimus. res discutienda in Concilium grande à Sacerdotibus, quos Onsaïos nominant, adduci-

ducitur: quæritur causa iræ deorum, æquis oculis ferentium plebem fame confectam passim per agros concidere. Vox una omnium, offendi deos lege à peregrinis inductâ, quæ deorum veneratio- ni contraria, cultum omnem deorû evertere molliatur: justâ hac indignatione moveri deos, ideò- que imbres desideratos negare. Vbi convenit inter eos de causa siccitatis, mox tumultuantium more Regem adeunt, petunt, urgentq; novorum dogmatum prædicatores regno ejci: hanc unicam placandorum Numinum viam esse. Grandia hæc postulata risu & cæhinnis excepit Rex, non nescius chimærica esse Sacrificulorum phantasmata: tantòq; minus in animum demisit, quantò majore & Patres veneratiõe, & Lusitanos amore prosequeretur. Non potuit tamen hic pius Regis in nos affectus aut Patres protegere, aut extinguere furorem Ministrorum Satanæ: populum enim ita in præcones Evangelij inflammaverunt, ut Rex seditionem veritus ad se Patres evocare coactus fuerit, & dolens dixerit se populi temeritatē & incitiam suorum Sacerdotum probè nosse. verum prudentis non esse, se opponere populo tam ardentem postulanti rem communis emolumentum. proinde regno Patres abirent, & quamprimum à suis terris excederent. Excepere cum lachrimis sententiam Patres, ut qui dolerent tam teneras Christi plantas tam citò deferi: oculo tamen in divinam providentiam cōjecto recreati obsecun-

da vere regio mandato. Verum naves ingressi nunquam egredi portu potuere spirantibus ventis contrarijs, qui à Lusitanis generales vocantur, & tribus, quatuorve mensibus regnare solent: sed neq; in Urbem regredi permissum: coacti ergò in litore deserto hætere omni ope humanâ destituti, & continuis solis ardoribus istic ferventissimis expositi. Inter tot ærumnas refrigerium non leve afferebat constantia quorundam novellorum Christianorum, qui nunquã à latere suorum Magistrorum abscedebant, & quâ poterant ope sublevabant, voluntarij ærumnarum socij effecti. Majoris exercitij causa tot inter molestias Patri Buzome brevi subter præcordia apostema apertum est, quod sanie plurima tabens mirificè Christi athletam exercuit.

Hac Patrum ignominia malignus Veterator non contentus, aliam veræ doctrinæ & Catholicæ Religionis infringendæ viam aggreditur. Erat inter Onajjos, qui in solitudine vivendo auctoritatem sibi apud populum conciliaverat: hic diebus illis ab eremo sua egressus, spondit populo, se pluviam ab idolis precibus suis impetraturum. Itaq; comitante infinitâ populi multitudine in apicem cujusdam montis inscendit, ubi cum inter invocationes & conjurationes dæmonum terram ter pede percussisset, repentè Cælum nubibus obductum fuit, & aliquis nimbus defluxit, qui licet minor fuerit præsentī necessitate, sufficiens

E 2

tamen

tamen fuit ad fidem inferni ministro conciliandā
 & augendum odiū in fidem nostram, singulis pas-
 sim clamantibus nihil tale unquam per externos
 Sacerdotes à proprio deo impetratum fuisse. Ac-
 cepere Patres ex hoc facto magnum animo vul-
 nus, in cuius comparatione nihil ducebant ea,
 quæ patiebantur in corpore. Non defuit inter has
 ærumnas divina clementia, quæ opportuno tem-
 pore Dominæ Ioannæ, de qua mentionem superio-
 ri capite fecimus, os aperuit, ut instar prophetæ
 animaret afflictos, exhortando ut magno animo
 essent: brevi fore ut in lucem à Deo producatur il-
 lius Onsaij, & idolorū simulata sanctitas, cadatque
 omnis, quam sibi malè repererant, opinio. Nec fe-
 fellit eventus. sparsâ latè famâ huius Onsaij ad Ro-
 gis, ut sit, aures devenit, qui accitum hominem in
 suo habitare palatio voluit: sed captus est in con-
 cupiscentia oculorum suorum novus hic aulicus
 & adamare cæpit regiam concubinam, nec diffi-
 lem ad facinus viam reperit. Verum facto in lu-
 cem erumpente, quamvis propter Sacerdotij san-
 ctitatem non sit mulctatus pænâ mortis, quæ ma-
 net eos, qui regiam pellicem cōtingere præsump-
 serunt; punitus tamen est secundum leges Reg-
 sententiâ ferente, ut dispareret ex oculis, neq; au-
 orientem, neq; ad occidētem, neq; ad Meridiem
 neq; ad septentrionē, aut quamcunq; aliam regni
 sui partem vadendo. Publicato decreto executio
 ocyssimè subsecuta est; Onsajo cum maxima infam-

da
pas
nos
Ac
vul
ca
has
em
erio
netz
imo
ur il
latq
cfe
dRe
m in
con
icus
fici
n lu
fan
e ma
amp
Reg
q; a
liem
regu
cuti
inf
mi

mia disparente: neq; postea aut intra, aut extra regnum visus est.

Irritatus hac tanta infamia Dæmon ingentis animi sui rabiem in Patres effudit, incitato populo ad flammam templo Turonensi subijciendas, ex quibus arsit, etiam Patribus cum dolore incredibili ignem è litore frustra spectantibus.

Durante persecutione, & nostris adhuc sub dio pernoctantibus fama se Macaum usq; effudit. Incredibile est quantus Patres doloris sensus affecerit: ne vero sincerae charitatis partibus deesset, duos è socijs opportunè myoparone Lusitanico eo vela faciente submittre cum rebus ad vitam necessarijs decernunt. Verum ne qua Cocincinenses legis eorum violata suspicio morderet, placuit alterum Sacellani personam induere, & cum eadè navi regredi; alterum mutatâ veste professionem suam dissimulare, & captatâ occasione ut auxilium illic subsistere. In dictum sacellanum assumptus est P. Pesrus Marques Lusitanus, in me socij bona sors accidit iudici o S. Obedientiæ. Quamvis enim à R. P. Generali ad Missionem Cinensem destinarer, libens tamen & magno animo complexus sum occasionem me Deo cōsecrandi in vinea Cocincinensi, nec non affictos Patres solandi: maximè cum ob persecutionem in Cina contra nostros excitatam me ab eo regno penitus exclusum viderem. Solui itaq; Macao in habitu servi, breviq; in Cocincinam appuli, commodum dis-

natalitio, qui penè ad æternam vitam natalitius
 fuisset: sed aliud divinæ providentiæ arcana san-
 civerant, me aut meis peccatis à tanto honore ar-
 centibus, aut Deo in alios sibi cognitos fines refer-
 vante, & melius de hac vinea ordinante. Cū myo-
 paro noster portum Cocincinensem subiret, &
 Jam aliqui è gente illa ad nos in navem inscendis-
 sent, exorta est inter duos Lusitanos contentio,
 quæ eò usque processit, ut eorum alter mortuus
 conciderit, alter sibi fugâ cōsulturus in mare de-
 fillet: sed cum vires sibi longa agitatione imminui
 sentiret, ne aquis absorberetur, denuò ad navem
 adnotabat: ne tamen emergeret, socij & amici
 trucidati hominis supernè gladijs, cōtis, & ha-
 rilibus verabant, quin conficere miserum peni-
 tus nitebantur. Ego quamvis in servi habitu, ut
 periclitanti subvenirem, in medium furen-
 tis turbæ proflui, & quâ clamoribus, quâ
 manibus hos illosq; abstrahendo & absterrendo
 tantum effeci, ut compositi miserum in navem re-
 ciperent. Cocincinenses qui in navi erant, ut vi-
 derunt servi operâ placatos Lusitanorum animos,
 suspicati sunt aliquid sub servili veste latere: ex-
 perientiâ enim tenebant Lusitanos ob nimiam,
 quâ abripiuntur, iracundiam non tam facilè mi-
 tescere, nisi Religiosi se interponant. Quare circu-
 lo factò inter se arguere cœperunt, hunc qui servus
 nō sit, nec ut cæteri mercator, Religiosum esse de-
 bere è numero eorum, quos Rex à regno abesse
 vult:

vult: simulasse vestem ut violentè se intrudat cōtra edicta: proinde à se ad Regem nomen ejus deferendum, ut meritas inobediētiae pœnas det. Cōsultatione peractâ circumdederunt me omnes, oculis & fronte totâ suam spirantes suspicionem: missus quoq; est, me nequidquam, quod eram, dissimulante, in aulam nuntius. Id ubi comperi, certam habens mortem, decrevi notus omnibus in Societatis veste me carnificibus præsentare. Quare reasumpto Religiōis habitu super pelliceū & stolâ superindui, itaq; amictus Christi fidē per interpretē palâ evulgare cæpi. Deinde navî egressus in litore aram erexi, sacrisque operatus venerabilem Eucharistiam Lusitanis præsentibus impertij, certus quidquid divinæ providentiæ de vita mea placuisset opperiri. Sed non placuit Deo pro eo tempore sacrificium mei sanguinis acceptare, & ita clementissimas suorum arcanorum rationes temperavit, ut quo tempore mea apud Regem causa agebatur, tantus è Cælo imber die noctuque deciderit, ut campis elaborandis, oryzæque seminandæ communem fecerit potestatem. Hic plebs non insagaciter se reflectere, sub meum adventum aquas tot votis expetitas Cælo defluxisse. Benè ergo ominantes negabant Patrum culpâ eam siccitatem incidisse: quare errore pœnitundine correcto nullâ deinceps nobis molestiâ intulerunt, sed toto regno liberâ comorandi potestaté fecerunt.

Rebus ita feliciter compositis decrevi perve-

stigare Patrem Buzome & socium ejus, quorum
me causa eo ablegatum noveram. Inter inquiren-
dum dispersa de meo adventu per Urbem fama,
excitata D. Ioanna ad me accurrit, indicavitque
P. Franciscum de Pina cum fratre Iapone dedu-
ctum à Christianis Iaponijs in Urbem Faifò clam
illic haberi, opinionem interea vulgi esse eos toto
regno excessisse. Recreati sumus hoc nuntio non
modicè, jubenteque P. Petro Marques non igna-
ro linguæ Iaponicæ Faifò concessimus: ubi repe-
rimus P. Franciscum inter illa latibula optime à
Iaponijs habitum, ipso vicissim sanctissima Sacra-
menta suis altaribus ministrante. Explicare ne-
queo quæ tunc nos in terris tam remotis animi
lætitia tenuerit, cū in mutuos amplexus ruimus.
Ad religiosam enim charitatem, quæ in omnibus
esse solet, accedebat memoria pristinæ necessitu-
dinis, quæ mihi cum illo Patre Macai intercesse-
rat, quæ post illam temporum & locorum inter-
ruptionem quanto cum sensu iterum coaluerit,
explicari nequit. Experti etiam istic sumus verè
Christianam Iaponum Charitatem, à quibus per
dies quindenos lautè hospitio excepti sumus. Dū
hic moramur, nuntius affertur de Patre Buzome,
quod ei Deus pro ijs, quibus tunc premebatur,
necessitatibus paternum in regno domicilium
curaverit, neq; tam utilem pro hâc Missione ope-
rarium neglexerit. Referebat Gubernatorem Pu-
lucambanum, dum Pater in litore supradicto cū
sole

sole & apostemate conflictaretur, Turonem venisse, visoq; homine tam malè composito, ut cadaveri propinquior esset, naturali quadam pietate motum de conditione, & causa tam miserandi status inquisisse, intellectoq; ob pluviarum defectum ipsi & socijs imputatum, regio edicto jussu exulare, obstupuisse Gubernatorem, risisse, que amētiā, quā pauperi Religioso id attribueretur, quod ab ipso nulla ratione dependeret. Iussisse ergo in unam suarum navium Patrem imponi, & sic cum in suam Provinciam deductum, nunc domi suæ per peritissimos & maximi nominis medicos curari. Nemo è nobis ad tale nuntium non miratus est ab homine ethnico solius naturalis bonitatis, & commiserationis impulsu tantam potuisse humanitatem erga hominem incognitū & exterum exhiberi. Auxit admirationem, hominis in benefaciendo constantia nunquam enim anno integro, quo duravit ægritudo ulla deesse medicamenta passus est, & quod reliqua superexcedit, charorum liberorum manibus ea voluit subministrari. Sic Deus qui deducit ad inferos, reducit, idemq; qui vulnerat, sanat.

Inveniebamur hoc tempore in Cocincina quatuor Sacerdotes è Societate. Erat in Pulucābi 150. millibus passuum à portu Turonensi distans Pater Buzome. P. Petrus Marques superior in Vrbe Faifò cum P. Francisco de Pina in auxiliū Iaponum remansit. Ego vero Turonem redij in

Lusitanorum solatium, ijs Missam lecturus, ministraturus Sacramenta, & Verbum Dei prædicaturus. Inter hæc dum linguæ Cocincinensi addiscenda insudo, nonnullos è gente illa ad fidem & sacrum Baptisma per interpretes attraxi: eos verò qui jam ante nomen Fidei nostræ dederant, ad constantiam animavi: ubi etiam res evenit luce non indigna. Evocatus fueram ad moribundum infantem tingendum sacro fonte: feliciter infans post baptismum exspiravit: sed cum certus sepulturæ locus deesset, decrevi cæmeterium stabile pro communi Christianorum sepulturâ erigere. In eum finem trabs nautica in Crucem efformata solenniter per nautas ad locum destinatum portatur, me superpelliceo & stolâ induto præeunte, comitate magnâ Lusitanorum frequentia. Verum dum terra pro figenda Cruce suffoditur, ecce insperato è vicinia armatorum cuneus prorumpit in medium, sclopisq; mortem mihi intencat. Petij per interpretem quid causæ prætenderent: illi respondēt, se Crucem illic non passuros; metuere enim ne dæmones irritati suis domibus molestias deinceps texerent. Imò, replicavi, oppositum sperarent: dæmonibus fugandis singularem Cruci vim inesse. Huic responso usq; adeò acquieverunt, ut depositis armis omnes certatim auxilij causa accurrerint, multoq; gloriosius Crux erecta fuerit, & cæmeterium fundatum. Mihi in hisce Ecclesiæ negotijs feliciter occupato supervenit Gubernator
Pulu-

Pulucambanus, adducens secum Patrem Buzome, cum quo in Urbem Faifò progressi in unam domū collegimus omnes hujus Regni operas 4. Sacerdotes, & duos fratres, alterum Lusitanum, Iaponē alterum. Consilio deinde super Provinciæ statu habito decretum est communi sensu, ut P. Petrus Marques in Vrbe Faifò subsisteret cum fratre Iapone concionatore non vulgari. tres reliqui cum fratre Lusitano sequerentur Gubernatorem Pulucambanū ardentem nostros expetentē, dictū, factū.

CAPVT III.

Gubernator Pulucambi nostros in suam Provinciam inducit, eisque templum & domum edificat.

DIscessimus ex Vrbe Faifo tres Patres, P. Franciscus Buzome, P. Franciscus de Pina, & ego in Provinciam Pulucambi cum ejusdē Gubernatore, qui toto eo itinere penē incredibilia in nos amoris & benevolentix signa edidit: eodem secum diversorio nos excipi semper voluit, ea denique fecit, quæ in tanta naturalium incitamentorum penuriâ clarē innuebant, divino nutu hæc omnia geri. Vnam solis nobis & nostris interpretibus triremim ita propriam esse voluit, ut ne sarcinulas quidem nostras in eam imponi voluerit, sed aliam pro ijs navim adjunxerit. Hac usi comoditate dies duodecim processimus, egredientes sub meridiem, & sub vesperam in portus adjacentes oppidis, & Urbibus Provinciæ Quanghia, quæ non minus quam Pulucambana hunc Gubernatorem

torem reverebatur. Quā ob causam passim multitudo muneribus gravis accurrebat: ex ijs prima & præstantissima quæq; ad nos deferebantur, nemine non admirante magnitudinem honoris, quem nobis deferebat: nemine non singularia de nobis concipiente: quoderat Gubernatoris votum. Adjuvabat mirificè hoc pium Principis de nobis votum facilitas quædam, quam ostendebat in admittendis nostris precibus, cum reorum pænas deprecaremur: vix os in verba solvebamus, & ecce annuebat petitis: quo fiebat ut non solum magnæ apud Gubernatorē authoritatis, sed etiā in eum populum misericordiæ judicaremur, itaq; in nos amorem omnium singularem conciliaremus. Non stetit hic liberalitas boni Ducis, sed itinere toto nos ut Optimates, & magni nominis viros tractari voluit, ubiq; solenniter. & cum ludorum festivitate excipi Nobis spectantibus triremes modo cursu inter se de palma concertabant, modo constitutis ordinibus pugnæ in morem concurrabant; nec sua victoribus præmia deerant. Dies nulla intercedebat, qua visitandi nostri gratia in nostram triremim non veniret, ostendebatque se nostra conversatione oblectari, maxime cū de æterna salute, & nostra Fide sermo intercurreret. Inter has festivitates applicuimus ad Provinciam Pulucambi, supererat ad palatium Gubernatoris usq; aliquot dierum iter, quod amantissimis causa, terra confici voluit: adductis ergo septem

rem elephantis suum cuilibet e nobis proprium assignavit: attribuit insuper centum viros, qui partim equites, partim pedites stipabant latera gradientium. Octiduum hic triumphus tenuit, quacūq; iter habebamus, genialiter tractati. Palam in convivijs tulit soror dicti Gubernatoris, non solum ob multitudinem & varietatem ferculorum, sed propter ipsum etiā parandi modum: erant enim cuncta Europæo more scitissimè instructa: quamvis (ut magnificentiam noveris) nihil ex eis vel Gubernator, vel domesticorum ullus gustaturus esset.

Itinere confecto festivitates illas vertit Gubernator in pompas & oblectamēta, quibus Principes, & Reges ad se venientes distinare solet. Totos integros dies octo nos convivio, & liberæ mēse adhibuit, in regali suo throno considere nos faciebat: ipse cum uxore & filijs palā accumbebāt, stupēte toto aula, quæ affirmabat id honoris nulli unquam præterquam regiæ personæ exhibitum fuisse. Atq; hinc originem traxit vox illa, quæ passim toto regno vulgabatur, nos Regum filios esse, eòq; ob gravissima negotia venisse. Hoc rumore mirè recrebatur Gubernator, sæpiusq; audientibus aulae præcipuis asseruit verissimū esse, quod de Patribus dicebatur, esse Regum filios, imò Angelos, eò penetrasse non necessitate, quippe quibus in proprijs terris nihī defuerit, sed charitate & animarum Zelo impulsos: æquum esse ut cun-

& i li

Et libentes audiant, & attentâ aure excipiant legem, quæ à Patribus affertur, fidem ipsam denique suscipiant. Equidem (dicebat ipse) sapius cum hisce hominibus contuli, & ex eorû doctrina evidenter cognovi, nullam aliam legem, neque viam quæ ad vitam sempiternam deducat, hâc exceptâ superesse. Itaq; moneo, probè modo quid agatis prospicite, siquidem ubi hâc mortalitatem exueritis, in alio sæculo graviter in perpetuis inferni ignibus depiabitis, sed non piabitis pertinaciam & negligentiam vestram in addiscenda vera doctrinâ, quam ego Princeps vester per hos Patres vobis affero. Hæc Gubernator suis ingerebat factus Evangelij promulgator, quamvis ethnicus, tantò majore cum audientium admiratione, quâto prudentior audiebat.

Elapsis convivij diebus indicavimus Gubernatori, gratiorem nobis animarum causâ fore in Vrbe commorationem, cum ex palatio quod more gentis in campo exstructum est, & tribus passuum millibus ab Vrbe distat, Evangelij prædicationi cum difficultate attendi possit. Movebantur Gubernatori præcordia, cum se privandum nostrâ intelligebat præsentia: attamen postponendo omnem privatum sensum communi bono præcepit nobis erigi domum in Vrbe, quæ Nuœcman gentis vocabulo dicitur. Voluit insuper ex centum palatij sui domibus unam seligeremus, quæ templo commodior esset: residuum qui desideraretur

ornatum

ornatum quamprimum se additurum. Nos tor
veteribus & novis bēfecijs cūlati gratias egi-
mus, licentiāq; abeundi factā; elephantos inscen-
dimus, & cum multo comitatu ad Urbem Nuēc-
man in longum per 40. stadia, in latum 4. diffusam
processimus. istic pariter honorificè excepti su-
mus ejusdem Gubernatoris imperio: qui absen-
tiam nostram æquo animo non ferens postridie
nos cōvenit, exquisivitq; an domus, quæ attribu-
ta nobis fuerat, commoda foret: adiecit se non ig-
norare nos, utpote ex teros, & pecuniā & alijs ad
vitæ usum necessarijs egere: curam modò ponere-
mus, se de omnibus abundè provisurum. Nec re-
bus quam verbis parcior, mox præcepit nobis in
singulos menses magnam pecuniæ summam nu-
merari: insuper quotidie carnes, pisces, & oryzā
tum pro nobis, cum pro interpretibus, & reliqua
familia dari voluit. Neq; his contentus tor ex in-
tervallo munera trans mittebat, ut his solis lauti-
simam agere vitam possemus. Dum ita intentus
stabiliendæ, quam nobis paraverat, fidei & autho-
ritati invigilat, non abs re facturum se esse existi-
mavit, si in area domus nostræ publicè more gen-
tis causas audiret. Inter agendum multorum de-
licta prolata, & rei pro meritis castigati: duo inter
alios sagittarum scopus creati: pro his dum colū-
næ alligarentur, nos apud Gubernatorem inter-
cessimus, qui preces audiit, jussitq; liberos vivere
palam protestans, se ad nullius alterius preces cō-
descen-

descensurum fuisse. At istis hominibus sanctis, qui certam viam ad salutem animæ nobis annuntiāt, nihil negare debeo; horam vero illam o quā avidè exspecto, quā à meis liber impedimentis recipiā cum baptismo sanctam legem, quam hi profitentur, & vos, si quid mihi gratum præstare vultis, excepturi estis. Subinde ad nos versus urgere cæpit, ut locum pro Ecclesiæ fabrica determinaremus, procrastinationem sibi gratam nō accidere, optare se ut quātocyus possit & jubeat necessaria ad eam comparari. Locum, quem nobis opportunum judicabamus, visum tūc approbavit summa cum benevolentia, & domum ad suum palatium redijt. Vix abiērat triduum, & ecce nūtiatur promissam Ecclesiam appropinquare. Nos lætitiā pleni egredimur obviam: tenebat non minor cūctos cupido visendæ industriæ, quā veniebat: etsi enim ex tabulis, attamē grandem juxta pacta fore sciebamus. Vbi in apertum ventum, videmus iusti exercitus numerum, mille & amplius personas, quæ Ecclesiæ materiam humeris subvectabant: columnam quāvis 30. è robustissimis portabant, alij trabes, tabulas alij, erant qui capitella, qui bases, & alia summo omnes ordine deferabant: cum in aream domus nostræ pervenissent, dona signa ea gaudij & lætitiæ dedimus, quæ quisque sibi in talibus locorum circumstantijs imaginari poterat. una in his festivitibus cura animum mordebat: optabamus in benevolentia signū aliquod præ

pro refocillandis viribus e peno nostro deprome-
 re: sed quid modicum inter tantos? Mercedem
 quidem a Gubernatore suam cuiq; persolutam
 non nesciebamus: quis tamen ab humanitate
 alienum non dicat post lassatas sub tanto ponde-
 re & enervatas vires jejunos dimittere? Sed ami-
 cam hanc anxietatem ipsimet paulo post nobis
 eximere. nam deposito quisq; oneri suo insidens,
 quoad evocatus illud suo loco adaptaret, deprôp-
 sit e bisaccijs suis carnem, pisces, & oryzâ, modi-
 coq; igne excitato, re nulla a quoquam postulata
 prandiolum sibi in summo silentio præparavit.
 Peraçto prandio venit Architectus, qui amussi sua
 emenso spatio, & signatis parietum distantijs, pri-
 mum columnas plantari fecit: his erectis deinceps
 reliquos per ordinem pro rerum affigendarum op-
 portunitate evocabat, singulis bajulorum eo,
 quod attulerant, in locum suum reposito & affixo
 abeuntibus. Vidimus hac tam ordinata industria
 intra unius diei circulum magnificum templum
 stetitisse, & admirati sumus: Nonnihil tamen vicij
 seu ob festinationem, seu ob incuriam Architecti
 monstrabat ædificium, aliquantum in alteram
 partem propendens: quod ubi ad Gubernatoris
 est aures perlatum, mox sub poplitum succiden-
 dorum interminatione architecto præcepit, me-
 delam ut vulneri adhiberet, & ad opus tot, quot
 necessarij forent, operarios convocaret. Paruit
 architectus, & eâdem celeritate qua composuerat

dissolutam Ecclesiam ita correxit, ut intra brevissimum tempus nobis ex asse perfectam consignaret. Agebamus nos interea, ut par erat, Deo gratias, cui, quo tempore Christianitas sic in divino servitio intepuerat, placitum fuerit excitare corda gentilium, & ad fundandas divinæ suæ Majestatis tanto cum ardore Ecclesias impellere. Ut autem aliquando finem faciam explicandi amplissimam hujus Gubernatoris in nos liberalitatem, & reliqua gradū faciam, hoc addo pro colophone.

Solent mensibus Junio, Julio, & Augusto istius continui libyces spirare, quorum calidissimo halitu & aër, & cum aëre domus torrentur: quæ cum omnes è ligno constent, facillimum quoque sunt ignis pabulum. Quamobrem duobus illis mensibus maxima toto regno incendia videntur: ubi enim fortè domus una ardere cæperit, quasi momentum omnem eum tractum domuum, ad quem libyces inclinant, idem ignis corripit, & miserabiliter absumit. Ad nos hoc periculo eximendo (erat enim domus nostra in Urbis umbilico) imò ut suum in nos amorem testatiorem ijs populis faceret, publico decreto voluit, ut ex domibus quæ nos à latere libyco contingebant, per duos vel tres menses tecto nudarentur. Apertæ sunt ergo domus duorum miliarium spatio, factumque in fortuitus quicumque ignis ab ea parte sopiri facile posset. Ex alacritate quâ sua quique tecta diruebant, non levi argumento conjectavimus magis

tudinem reverentiae & amoris, quo nos hic populus prolequitur.

CAPVT IV.

De morte Gubernatoris Pulucambani.

Procedebant res nostrae in hac Vrbe Nuceo
 mensi feliciter, cum placuit divinae bonitati
 ad familiam suam in æquilibrio retinendam
 nos ærūnis exercere. Ne enim ministri, quos ha-
 bet, aut nimia adversitate oppressi apud populos,
 quos lucrari debent, vilescant; aut secundiore
 prosperitate in altum elevati aliquid homine ma-
 ius sapiant, nunc prosperis, nunc adversis eos di-
 stinere consuevit: Sic veluti super duas bases, dul-
 cem prosperitatis, & amaram tribulationum fun-
 data est à SS. Apostolis primitiva Ecclesia. Parī
 modo visus est Deus voluisse hanc novellam in Co-
 cina Ecclesiam per ministros suos Apostolicos
 stabilire. Fuere initia hujus Missionis, ut 1. cap. hu-
 jus 2. partis vidimus, valde felicia: sed non multo
 post ob pluviarum defectum ita fædè vexata est,
 ut pene interierit Missio. Postmodo visum est Cæ-
 lum opera Gubernatoris Pulucambani serenari.
 spemque facere capit nobilissimorum fructuum
 novella hæc vinea tam odorifero vestita flore: sed
 is, qui omnia ad maiorem suam gloriam disponit,
 in hoc sibi flore non complacuisse visus est, cum
 immisso gelido mortis aquilone eum immaturū
 terris sustulit.

Exjuerat aliquando venatum Gubernator

rectus elephanto : ubi intercurrentis dulcedine prædæ abreptus non dubitavit contra consuetudinem diem integrum feram sub sole ferventissimo persequi. Verum carò constitit hæc ei oblectatio; nam sub vesperam febris ardētissima æstuarē cepit. Vbi tam tristis nuntius ad nos perlatus est, non segnes accurrimus eundē faciā lymphā, si periculum ingrueret, abluturi. Biduo apud ægrum hæsimus, vehementerq; institimus, ut quod sapius se facturum pollicitus fuerat, id modo in periculo præstaret, seq; per Baptismum filium salutis efficeret. Verum infelix aliud non respondēbat, quam se sua ad eum finem disponere; necdum disposuisse: quare concludi nihil poterat. Tertia quæ sequebatur dies hominem rationis compotem non invenit (Deo ex profundissima iudiciorum suorum abyssu id permittente; credibile vero est ob bona opera quæ nobis præstitit, mercedis loco à Deo concessum ei vanum honorem & gloriam, cuius se avidissimū semper ostendebat) hic mētis inops phrenesi agitari cepit, duravitq; hæc agitatio triduo, quoad mali vehementia superatus sine baptismo exspiravit.

Quis dignè explicabit vehementiam doloris, quæ eo articulo animos nostros pupugit, cum nos ex insperato in extero regno derelictos, & cū ni humana ope nudatos vidimus? acrius urgebat talis mors tanti viri, tamq; dispositi ad fidei salutem excipiēdos, cuius ope merito sperare poteramus

non se

non solum provinciam illam, sed etiam omne regnum fidei jugo fuisse colla submissurum.

Sub tempus illud, quo supremum spirabat Gubernator, nobis nunquam à latere quoad vixit recedentibus, evenere plurima, ex quibus ritus & superstitiones horum populorum colligere potuimus: quæ omnia si hic referre vellemus, volumen in immensum excresceret, nec nos dicendi finem inveniremus: duo solum aut tria delibabo, ex quibus conjectura fieri poterit, de cæteris, quæ ad similes casus abhibent. Primùm hero agonizante prope innumera hominum multitudo caput aëre qua mulleis & fustibus, qua hastis & frameis verberare, findere, pungere, passim per aulam è cubiculis sclopi exonerabantur, duo quoque ægro proximi assistebant, & aërem ori propinquissimum frameis velut dilaniabāt. Rogati à nobis tū hi, tum reliqui, ut quid his se motibus agitarent; respondere à se dæmones terreri & arceri, ne nocumentum ullum egredienti Gubernatoris animæ afferant. Ex his superstitiosis cæremonijs movebamur non modicè ad compatiendum tantæ hominum cæcitati; intrepidi tamen adhuc eramus, nec erat quidquam, quod formidaremus, quādiu Gubernator vixit: à morte ejus verendum fuit, ne aut denuò à toto regno, aut saltem Pulucambana Provincia exturbaremur, & in irritum, quæ jeceramus, Christianitatis fundamenta reciderent, aut denique ne aliquid exilio gravius eveniret. So-

lent in obitu Magnatum Onfaij aut Sacerdotes
 regionis congregari, in eoque conciliabulo inve-
 stigare causam non tam physicam, quam super-
 stitiosam & imaginariam ejus mortis: & ut de
 causa cōventū est, igne ea succenditur, sive sit su-
 pellex, seu domus, aut animal, aut homo & quid-
 vis aliud. Hoc in casu nos qui præsentes novo cō-
 ciliabulo eramus, non inmemores persecutionis
 in nos ob pluviae defectum concitatae: cum nihil
 magis insolitū accidisse in ea Provincia sciremur
 domo & Ecclesiā nobis ab hoc Gubernatore fab-
 ricatā, cum innumeris quæ recensuimus humani-
 tatis argumentis, & propensā in nostram fidem
 voluntatis; credebamus futurum, ut omnium di-
 gitis notati, interitus hujus domini rei peragere-
 mur, & quod confectaneum est, eorundem jussu
 vivi cum domo, Ecclesia, & reliqua omni supelle-
 ctili exureremur. Talibus anxij curis in parte au-
 lā stabamus curā nostri Deo commissā, nō impa-
 rati excipere quidquid de nobis Deo permittent
 statutum fuisset: cum interea unus ex Onfaijs qu-
 & ætate senior erat & officio decāus in pedes ex-
 surgens in hanc sententiam dixit: mortem Guber-
 natoris suo judicio non aliunde provenisse, quam
 à trabe, quæ diebus proximis in novo palatio de-
 ciderat: hunc animi sui sensum ex eo confirmat
 quod malum omne morientis unā cum delirio
 solo capite resederit: quod esse signum evidēs
 cebat vehemētiae ignis, quo caput per trabem
 turba

turbatum fuerat. Erat hic hominis discursus metaphoricus, immixtus superstitiosis interpretationibus: ita tamē reliquis Onfaijs arrisit, ut uno animi sensu omnes in eo concordarint. Ergo non segnes palatio subdidēre flammās, & totum in cineres redegerunt. Nos verò ut par erat, gratias divinæ Majestati egimus, quæ à tã manifesto nos periculo exemerat.

Confecto hoc primo concilio accurrere alij Onfaij, qui necromanticam profitentur, novam neq; minus superstitiosam orsuri cæremoniā. Non levem se defuncto gratiā retulisse existimant propinqui, si Dæmone freti referant statū, in quo est anima defuncti: in eū finē evocantur necromantici illi Onfaij, à quibus singuli certatim hūc diabolicum favorē exposcunt: nec, qui eū impetrat, caret invidia. Fecēre necromantæ suos circulos & varijs conjurationibus à Tartari spiritibus efflagitarunt, ut induerent unum quempiam ex defuncti propinquis, qui omnes in morem supplicū proni terram spectabant: sed incassum ibat vox supplicantium, quoad soror Gubernatoris præ cæteris fratri chara adfuit. Vix hæc prociderat, cum signa energumænæ edere cæpit: nam quæ ob ætatem decrepitam sine fulcris incedere non valebat, cæpit stupente circumstantium coronā tam expeditè subsilire, ut juvenes agilitate æquaret: tum baculo à se abjecto in aërem sublata pendula tam diu hæsit, quam diu fuit maligni hospita.

Verba quæ furens inter inconcinnos corporis motus edebat, erant de loco & statu animæ fractis: quæ tamen minimè inter se cohærebant. Vbi finem malè contexto discursui imposuit, à dæmone relicta velut mortua in terram corruit, totosq; dies octo ita confRACTA permanfit, ut se præ debilitate movere non posset. Nemo tum amicorum ac consanguineorum erat, qui visitatum non veniret, & congratulatum de gratia singulari, quæ à Dæmonibus honorata fuerat, ut una tot inter propinquos assumeretur ad tam honorificam, ut ipsi æstimant, gloriam defuncto comparandam.

Tandem tractari captum est de pompa funebri. non insuetum est dæmoni simiam agere, & Ecclesiæ Catholicæ ritus imitari ad infasciandos & dementandos, inque errore firmandos suorum animos: quod in Cocincinæ funeribus patet, in quibus quædam nostræ Sanctorum canonizationis imago elucet. etenim quos communi opinione justos, & in actionibus suis synceros, nec non reliquis virtutibus moralibus conspicuos habuerunt, eos cum festivitate & magnificis apparatibus more suo, ut ita dicam, canonizant, perennēque cum veneratione famam immortalitati consecrant. In horū censum venerat, de quo tractamus, Gubernator, qui non in sua solum provincia, sed per òne regnum ob naturæ dotes eximias, summi iudicii homo, prudentiæq; incomparabilis iudicabatur. Relucebat in eo summa iustitia, eaque

eaque in regendo integritas conjuncta benigni-
tati & singulari in egenos commiserationi, ut cō-
muni consilio à lacrimis & alijs mæroris argumē-
tis abstinendum fuerit, eorūque loco substituen-
da ea, quæ lætitiā, & animi adgestientis affectum
redolerent, ostenderentque eum & Sacris honori-
bus, & Deorū consortio dignū esse. Editio hoc de-
creto, nemo nō vel ipsam mæroris umbrā ponere,
nemo non ex intimis caput præcordijs lætitiā spi-
rare. Ad eundē finē omnes qui sanguine defun-
ctum attingebant, convivium solemniissima toti
populo per octiduum præbuere, in quibus ab au-
rora ad serum usq; crepusculum edebatur, pota-
batur, cantabatur, ad numerum saltabatur, mo-
do musicis instrumentis, modo campestribus tu-
bis & tympanis intercrepantibus. Epulis exple-
tis, cadaver, quod tumbæ argenteæ inclusum fue-
rat, deportatum est sub umbella in Urbem, in qua
natus fuerat, Chisū dictam, tridui itinere distan-
tem. comes ibat hominum multitudo plurima,
plena festivitate & tripudijs: palatium vero vetus,
in quo defunctus vixerat, evacuatum omnibus
incolis est, itaque vacuum relictum, ut temporis
accessu vel ipsis vestigijs abesis ostendat sic mor-
tem Gubernatoris esse ab hominum memoria
avellendam, retentā tum in corde, cum in ore vivi
immagine cum perpetua ejusdem laude & venera-
tione. Ut ventum est in campum spatiosissimū Vr-
bi Chisū proximum, exstruere cæperunt, in parte

agri nemini habitata palatium sumptuosius & magnificentius eo, in quo Gubernator obierat. Ad ostentandas defuncti opes ad fabricavere tot triremes, quot vivens habere solitus erat: has rotis impositas non sine artificio mobiles faciebāt. pari industria elephantos, & equos ligneos conficere, omnemque cum apparatus, quem vivens cum domo egrederetur ostentabat. Inter quæ opera nulli rei minus, quam pecuniæ & sumptibus parcebatur. In medio palatij erecti statutum est templum omni magnificentia decorum: hujus medium habebat altare elegantissimum, in quod imposita est arca tecta, ac pene occultata ea cum artificiorum venustate, quæ mirificè gentiles illos ad superstitionem venerationem pelliceret. Varia visebantur hieroglyphica, picturæ, aliæque scapellorum, calaturæ. Tenuere sacrificia triduum, victimarum varietate & cæremonijs spectanda. Onfaij, qui numerum sexcentorum propè æquabant, omnes erant albis vestiti: horū munus decantare hymnos, & offerre vinum, boves, bubalos magno numero, nō interruptis per totum triduum publicis convivijs bis mille optimatibus convivis exhibitis: apposita cuilibet juxta regionis morem mensa ducentis & amplius ferculis onusta. Abierat triduum, & ecce injecto igne omnem cum palatio & templo aulæorum, reliquique apparatus ornatum cremavere, uno cum arca cadavere excepto, quod postmodum sepulturæ mandatum est, &

est, & secretò de sepulchro in sepulchrum, ad duodecimum usq; transhumatū; ut populus dubius de loco, in quo cadaver requiesceret, ex ipsa incertitudine augeret suam erga novum hoc idolū venerationem, in singulis adorando sepulchris ossa, quæ in nullo definite scirēt reposita, in quolibet esse suspicari possent. Ita primæ huic solennitati finis impositus, quam post paucos menses, scilicet Luna septima secundum mensuram temporum, quam ipsi supputant, ex integro cum iisdē cæremonijs renovarunt: iterumq; post alios aliquot mēses tertio repetita est, ac deinceps sæpius, quoad plenus trium annorum circulus completur. Sumptus jussu regio ijdem fuēre, qui fuerāt viventis proventus, nullo interea successore nominato: cum omnino sibi persuaderent animam defuncti in Deorum cætum relatum toto eo triennio recturam suam Provinciam: substitutus tamē ei est Vice Gubernator, & locū tenens filius.

Festivitatibus enumeratis pene omnibus adfuimus tres Societatis Patres: & quamvis non adstiterimus superstitionis illis cultibus, coacti tamen sumus ad non incurrendam ingratitude notam quibusdam convivij interesse, in quorum uno cum de more interrogandi essemus de loco animæ Gubernatoris, præmoniti sumus futurum ut dilaniaremur vivi, si eam ad inferni penas detrusam fuisse diceremus. Rogati ergò publicè respondimus, neminem sine baptismo salvari posse

atta

attamen divinam clementiam cum baptisni capiendi potestas nō est, acceptare ejus desiderium. Quare si in extremis Gubernator tali desiderio non caruerit, ut non caruisse putamus, argumento accepto à pia, quam in nostram sanctam Religionem ostendebat affectione, quem etiam nisi malo oppressus fuisset, videtur petiturus fuisse; ideo pie credimus eum salvatum esse. Quod si hoc caruit desiderio, damnatum esse pronunciamus. Ad insolitam & inexpectatam responsionem minimè irritati sunt circumstantes, sed magna ex parte acquievêre usq; eo, ut in signum benevoli in nos animi obtulerint aliquot bubalos tum asinos, tum elixos ex ijs, quos suo novo idolo hoc est mortuo Gubernatori immolant. Verum recusantibus nobis, & cibus tali sacrificio contaminatis juxta legis nostræ statuta nobis interdictum opponentibus, eorum loco totidem vivos donaverunt, addideruntq; elephantos, quorum opera Nuæmam redivimus cum omni eo honore, quē nobis vivus Gubernator exhibebat.

Atque hæc quæ recensuimus, fuêre ultima confinia, beneficiorum quæ sub umbra Gubernatoris Pulucambani recepimus. mox verò ut domum redijmus, velut orphani & ab omnibus deserti remansimus: jã nemo nostri memor erat, jam redditus nobis assignati deficiebant, & cum nihil præter 20. scutatos domi nostræ invenissemus, brevi ad eas nos angustias & egestatem redactos

daſtos vidimus, ut ſi quis fortè in ægritudinem
laberetur, ad venam aperiendam chirurgum evo-
care non præſumeremus, non ſuppente pro la-
bore lytro. Licet autem in medio eſſemus populi
miſericordis, & ad ſubveniendum egētibus para-
tiſſimi, maximè in rebus, quæ victum concernūt;
nobis tamen conſultum non erat quidquam ab
ijs petere, ne jacturam nominis ad converſionem
populi pernecceſſariam perderemus: facile enim
creditori fuiſſent, nos nequaquam in eas Provin-
cias veniſſe prædicandæ legis I E S V Chriſti gra-
tia, ſed quærendarum vitæ commoditatum, atq;
ad id uſos umbra & proteſtione Gubernatoris.
In his ergò anguſtijs conſtitutos adibat nemo, ne-
mo honorabat, ſenſimque viliscebatur authoritas
comparata. ipſa quam apprehenderamus regio-
nis lingua parum proderat, nemine vel flocci fa-
ciente tres pauperes homines in tam immenſo
idololatriæ Oceano: nemine non vilipendente
doctrinam noſtram, ut novitatem à nobis inven-
tam, & in ea terras importatam, adverſantē dog-
matibus & legibus antiquiſſimis. Tres in his ærū-
nis annos inſumpſimus afflicti & anguſtiati, non
tam ob penuriam rerum ad victum neceſſariarū,
quæ quam aſpera fuerit novit Deus quam ob
impedimenta ſalutis animarum, quæ indies cref-
cebant, toto triennio labore maximo paucis ad
fidem adductis. Rebus tam arctis non ſine diffidē-
tia aliqua ſuſpicari cæpimus, nondum diem illum
illuxiſſe.

illuxisse, quo veram lucem ei populo divina clementia aperire vellet, aut moram injicientibus peccatis nostris, aut ob alia ejus judicia, quæ nos latent. Verum cum homo cognitâ suâ imbecillitate pene de Dei auxilio incipit diffidere, tunc vel maximè ad majorem nostri confusionem ostendit misericordiam suâ, & lucem admirabilis suæ Omnipotentia, ut ei soli attribuat nobilissimū opus conversionis animarum, cui portando nos impares esse confitebamur: & ut practicè agnosceremus veritatem dicti illius: Neque qui rigat, neque qui plantat, est aliquid, sed qui incrementum dat Deus. Id quomodo nobis in hac Provincia evenerit, sequenti capite docebimus.

CAPVT QVINTVM.

Qualiter Deus Christianitati Provincia Pulucambi potam aperuerit medijs illustribus ejusdem Provinciae personis.

CVM in Pulucambana Provincia & commectus nos deficeret, neque conversio procederet, communi consilio in diversa abijimus. P. Franciscus de Pina redijt in Urbem Faifò meliorem operam navaturus in ea Ecclesia, cujus olim fuerat pastor. Et verò gnævum se semper præstitit Evangelij præconem, vicissim liberalem expertus Iaponicæ illius Ecclesiæ manum. Pater Buzome abducto secum meliore interprete Turonē concessit, aliquam pecuniæ summam mendicando à Lusitanis corrogaturus, quæ nobis Nucem alendis

alendis eo usque sufficeret, quoad Macao subsidium aliquod subministraretur.

Vnus itaq; ego absque socio remansi in Pulucambi, tantò magis afflictus & solatij expers, quantò minorem in convertendis gētilibus operam navare poteram: cum ecce die quodam me alia omnia meditante, ad domus nostræ fores magnus elephantorum numerus substitit. vehēbātur his multæ nobiles fæminæ, sequebatur frequens famulantium manus, agmen claudebat matrona veste prædivite fulgēs, & multis pretiosis gemmis gentis more undique coronata. Hæsi sive novitate spectaculi, sive heroinæ majestate attonitus, maximè cum nulla domus hujus ab ea invisendæ causa vel per suspicionem affulgeret. Egressus tamen ex officio ad eam excipiendam, intellexi conjugem esse legati, quem Cocincinæ Rex ad Regem Cambajæ destinaverat. Erat is patriâ Nutcmanus, primus à Governatore tum sanguine, tum authoritate, hoc articulo temporis in aula Sinuvana res legationis cum Rege conferens. Post solitas & regioni familiares salutationes, illa ne tempus rebus à suo proposito alienis absumeret, filū reliquis abruptit dicendo: Ego, mi Pater, perbellè calleo vestri in has terras advētus & commorationis causam: video sanctæ & inculpabilis vitæ rationes: neque sum nescia verum à vobis Deum annunciari: & quia rationi vel maximè congrua sunt, quæ docetis; certa sum non esse

esse aliam veram legem præter vestram, nec Deum
 alium præter vestrum, nec aliam in Cælum viam,
 quam eam quæ à vobis indicatur. Quamobrem
 mei ad vos adventus unicus scopus est, à vobis
 toto affectu efflagitare & exposcere, in numerum
 Christianorum sacrâ vestrâ aquâ ablutam ut me
 recipiatis: hic finis, hæc meorum est summa defi-
 deriorum. Hic ego primùm laudavi sanctum mu-
 lieris votum, monuique ut debitas Deo gratias
 ageret pro tam eximio beneficio cognitionis ve-
 ræ legis, per quam unicam æterna salus, negotiū
 in terris maximum, acquiritur. Subinde perij ve-
 niam ut daret, si me tam justæ postulationi non
 statim obsecundantem experiretur: mihi necdum
 eam esse sermonis Cocincinensis peritiam, quæ
 explicandis & instillandis altissimis & maximis
 Fidei nostræ mysterijs par sit: vellet Excellentia
 sua opperiri paulisper adventum Patris Buzome,
 qui paucos intra dies Turone expectaretur: huius
 præclarum esse interpretem, quo mediante abun-
 dè juxta animi sui vota institueretur, ac tandem
 ejus, quem peteret, Baptismi compos fieret. Ingēs-
 sissima, reponerebat illa, quæ meum cor adurit, nō
 patitur has moras, maximè cum legatus vir meus
 in horas ex aula expectetur, cū quo cogar in reg-
 num Cambaianum primâ quâque occasione na-
 vigare per mare, quod cum periculis quampluri-
 mis obnoxium sit, quid si tempestate demergerer,
 & in æternum Cælo exul perirem? Quod attinet
 ad idio-

ad idioma, ea qua tunc loquebar phrasi sibi divina explicarem; se quidquid dicerem, probe intel-
 lecturam. Signis tam manifestis voluntatis in fidē
 propendentis diutius obniti nolui, sed quæ potui
 nostræ Fidei principia ei instillare capi. Non mul-
 to post Deo suavissimè omnia ordinante, advenit
 Pater Buzome, ob insperatam, sed tam felicem
 capturam totus animo gestiēns. Legata & Patre
 & interprete lata, assiduitate sua, & ad ea, quæ in
 catechetica lectiōe quotidie quaternis horis bi-
 nis maturinis, & totidem vespertinis proponebā-
 tur, attentione id assecuta est, ut quindecim dierū
 spatio probe mysteria nostræ fidei tenuerit.
 Inter reliqua cor devotæ mulieris rapiebat Cha-
 ritas IESU Christi veri Dei, hominis causa in-
 carnati & abjecti: quem ut in humilitate aliquo
 modo imitaretur, vēit deinceps ē domo sua octo
 à nobis stadijs distante non solum absq; elephan-
 tis & pompa, quā sub initia capitis descripsimus;
 sed etiam nudipes, nihil lutū, nihil verita occur-
 santes lapides. Exemplo gynæceum & aulicos in
 exemplum traxit.

Inter spirituales conferentias & catechismi
 explicationem cum agi de inferno captum est, &
 explicari quæ inibi tormenta, quanta eorum gra-
 vitas, quæ in duratione perennitas, quæ pro pec-
 catorum varietate pænarum multiplicitas, quā
 horrenda dæmonū consociatio, quanta tenebro-
 si carceris & cavernarum inhospitum obscuritas,
 G ignis

ignis deniq; ipsius efficacia; habere & ipsa & òne gynæceum usq; adeò consternatæ, ut noctem omnem insomnem in eorum rememoratione traduxerint, postridieq; horrore plenæ & pavore pallidæ, exclamarint se ad æternam eam infelicitatem effugiendam Christianas esse velle. Verum cum, more gētis alias explicato, legati pellices forent, concubinatum nobis obstaculo esse respondentibus, subintulit legata: In me ergo tale impedimentum non est? Annuimus, cum & legitima uxor sit, nec cum alijs viris commercium habeat: quare eam posse modo aqua lustrali baptismatis tingi. Ad nuntium tam felix elatis ad Cæium manibus ea lætitiæ signa dedit, ut judicari posset mente excidisse.

At vero gynæceum ob Cæli fores sibi observatas mæstitiâ plenum proclamare cepit, se recessurum ab infamieo quæstu, qui ad Baptismum viâ præcluderet, & tanto cum dispendio ad æternam damnationem deduceret. Sanis pedissequarum consilijs calcar addebat Hera in se recipiens onus eas è cæno extrahendi, & elocandi legitimis maritis. Subiatis hac dominæ pollicitatione, puellarumq; salubri, nec infirmo proposito omnibus remoris; die quadam, qua lætiorem dum vivo vidi nullam, omnes elegantissimè ornata, vestitu & pretiosis unionibus reliquoq; muliebri apparatu decoræ, à nobili sed modesta nobilium corona in templum nostrum Nuæcmanum deductæ sunt.

Vbi legati uxor prima, velut caput & magistra reliquarum sacrâlymphâ abluta nomē Vrsulæ sortita est: accensæ sunt cum ea Christianis 25. è gyænæco: quod cedat ad laudem Dei, qui per pauculas has foeminas portam Christianitati in hac Missione Cocincinensi aperuit.

Expletis Baptismi cæremonijs ad Vrsulæ Oratorium, quod in palatio suo eleganti opera elaboratum habebat, instituta processio est. Medio stabat idolum superstitionis olim ritibus venerabile. Hoc hera cum pedissequis, postquam à nobis domus aqua lustrali respersa fuerat, correptum magno animo in terram detraxit, nec minore spiritu confregit, ac pedibus conculcavit. In nudam aram pro idolo reposita est egregia Christi Salvatoris imago, quam novellæ hæ & devotæ Christianæ prono corpore adorarunt, omnem quæ à fidelibus ancillis desiderari solet, fidelitatem pollicitæ. Post hæc Agni cerei primam hanc flammam conservaturi in collum injecti, nec non cruces, Sacra numismata & reliquiariæ thecæ: quæ omnia à nobis accepta pluris faciebant quàm aureas torques & uniones suos.

Hoc de dæmone triumpho reportato, dictis in prædicto Oratorio litanij & alijs precibus ad nostra redijmus, ea pleni consolatione, quam mente cōsequi, at verbis explicare nemo facile potest. Nec delijt postea Vrsula cum Christianis illis ancillis ad quotidianum Missæ sacrificium, catechis-

mi explanationem, aliaq; spiritus exercitamenta
accedere, pietatemq; Christianam & conceptum
animo fervorem illis gentibus palam facere.

Non multi à Baptismo dies effluxerant, cum
Vrsulæ maritus Nucemnam venit, brevi ad Regem
Cambaia cum sua legatione transmissurus. Mos
gentis est venienti è longinquo patrifamilias ob-
viam ad mille passus prodire: non uxor, non filij,
non alij è familia exempti. Defuit officio Vrsula, &
in Oratorio preces fundens remansit. Obstupuit
novitatem vir, & ægritudinem suspicatus quid eâ
fieret exquisivit: intellectoq; valentem esse, mira-
tus est amplius. Ad fores ventum erat, nec com-
parebat uxor, oriri hic suspicio, an & quo à se vicio
foret aliena: incenditur domus, videtur nulla:
tandem in Oratorium ingressus novum vidit spe-
ctaculum: videt Vrsulam cum gynæceo circum
collum Sacris numismatis & Agnis cereis ornatâ,
è manibus coronas pendulas cum alijs Christiani
hominis symbolis ante Salvatoris imaginem pre-
cabundam flectere: attonitus enim vero legatus
hæsit, ad quem Vrsula: Ne mirare me solitis ob-
sequijs defuisse. Iniquum erat, ut me inferiori ti-
bi submitterem, quæ ad altiore dignitatis gradû
elevata sum. Sum etenim una cum his pedissequi
filia veri Dei & Salvatoris Mundi I E S V Christi
His dictis ostendit ejus imaginem, addiditq; sui
viro exemplum sequendum esse, si ad eandem ve-
lit dignitatem pertingere. Motus uxoris sermo-

nibus legatus, & imaginis pulchritudine, se in terra in lachrima abundus prostravit, & imaginē adoravit. Tum in pedes erectus ad conjugem & ancillas: Credine potest, vos Christianas esse? an à me seungi vultis? an ignoratis legem Patrum vetare pluralitatem uxorum? Quare aut vos compellemini de alio vivendi genere vobis prospicere: aut ego hac vobis domo relicta novum mihi domicilium comparare. Hic Vrsula, utiq; Deo inspirante: Nec vos cogemini ista abscedere, nec nos à vobis separari: parti utriq; remedium invenietur. Profuit in tempore dissimulata per legem prohibitio bigamiæ, ne homo principio absteritus salubrioribus consilijs ambas aures præcluderet. Animatus ergo hac responsione, judicansque fieri posse in nostra lege circa illud præceptū aliquam relaxationem, promisit se nomē Christo daturum, & virū secuturum faminas præeuntes.

Postera die benè manè nos invisit, voluitque siqua ratio non præpediret eidem Fidei Christianæ, ad quam conjux per nos assumpta fuerat, adnumerari. Nos ob tam desideratam petitionem pleni jubilo respondimus, vel maximè fieri posse, quod petebat: firmus modo in proposito suo persisteret: brevi in ijs, quæ ad Baptismū prærequiruntur instituendum à nobis esse. Contentus hoc responso nobiscum rationem inijt, ut nocte (nā dies toti expediendis legationis negotijs absumebantur) ad se veniremus. Ut conventum fuerat,

sub noctem totos integros 20. dies ad hominem itavimus, semper quaternis, aut quinis horis mysteria Fidei exponendo, exordio sumpto a Creatione Mundi. Suis temporibus Incarnationē, Redemptionem humani generis, gloriam Paradisi, inferni pœnas avidè auscultāti ingessimus. Virtutem viri æstimabit, qui & personæ dignitatem & diurnas occupationes consideraverit, videritque Dei & rerum ad salutem spectantiū causa se iusto somno fraudantem. Quam autem dictæ avidis exciperet animis indicabant plurima dubia & quaestiones subtilissimæ, nobis & dicendi & de ejus ingenio judicium formandi campus amplissimus. Cæterum colloquiorum illorum scopus is nobis potissimus erat, demonstrare veritatem nostræ legis & conformitatem quam cum ratione naturali habet, ut impressa animo, quam de sua salute habere deberet, solitudine, & apprehensa gravitate pœnarum infernalium, minorem jam nostræ fidei nexibus illigatus haberet facilitatem reuertiendi, cum ad difficillimam quæ viro huic supererat, monogamiæ seruitutem delapsi fuissimus: quam etiam consulto celabamus, quoad positis jam, ut putabamus, solidis fundamentis ad decologi explicationem transijmus: quo loco, ut materia ferebat, pronuntiavimus illicitam esse Christiano uxorum multitudinem.

Inexpectata hæc legato propositio ita, velut gelidâ superfusâ, ardorem, quo in fidem flagrabat infregit,

infregit, ut pene extinxerit: certè tum nos dimitteus rem non minimæ considerationis sibi objectam esse dixit, ad quam melius expendendâ moras petijt. Non minori nos mæore hæc responsio, quam illum perplexitate affecit propositio: in propriam ergo domum reduces noctem insomnè in precibus & pænitijs varijs traduximus, majore quadam cum vehementia à divina bonitate efflagitantes, ut is qui tam præstans opus inchoarat, feliciter idem ad exitum perduceret. Abierat nox cum adfuit è doctioribus Onfaijs nonnemo à legato submissus expensurus rationes ob quas bigamia illicita foret. E multis, quas proponebat, causis hæc ipsius judicio gravissima erat: videri pluralitatem uxorum rem maxime cõgruam, cum ad prolis generationem rem summæ perfectionis, & præ omnibus alijs naturæ conformem tendat. Quid si porro una illa conjux sterilis foret? cur secundam sibi adjungere non liceret, ex qua educarentur filij dominiorum & nominis hæredes? Rationibus Theologicis objecta dilvere erat actum agere, usq; adeo eorum vim nõ penetrabat gens speculationibus inassueta. Quare ex Scriptura sacra, cujus jam per nos notitiam acceperat legatus, exemplum Adæ exposuimus expendendo, quod cum Deus sapientissimus sit, ipsius nobis facta esse pro regula ratiõis & actuum nostrarum debere; Deum autem in primæ Mundi creatione cum Adæ unicam Evam con-

creavit, ostendisse id & convenientius esse generi humano, & ab Adæ posteris hanc matrimonij regulam sequendam esse: additurum vero facile fuisse plures Evas in tanta hominum penuria ad celerius explendas, quæ vacabant Orbis partes, nisi id ut deforme humano generi censuisset. Satisfecit hæc ratio legato adæquatissimè, attamen quia in præcepti adimplerione difficultatem experiebatur, capit ulterius exquirere, an relaxari hæc lex aliqua ratione, aut accipi à summo Pontifice dispensatio posset. Respondentibus nobis operam eum ludere, qui viam sibi ad bigamiam in fide nostra velit patefacere: quamobrem si salutis desiderio teneretur, necesse esse renunciare reliquis, uni uxori adhærere: ambas manus & oculos in Cælum sustulit, vimq; sibi, sed gloriose de suis passionibus victor, inferens exclamavit: Ergo si plures uxores cum mea consistere salute non possunt, abscedant quo libet. Stultum est propter levem & præter fluentem voluptatulam æternæ gloriæ dispendium facere. Versusq; ad concubinas, quæ cum Vrsula vera conjugè intererāt sermoni, omnes valere iussit. Risu excepere illæ factam abeundi potestatem, quam seriam nō credebant: at generosus Cæli & Castitatis miles ut se jocos non ferere ostenderet, præcepit Vrsulæ ut eâdem vesperâ persoluto stipendio omnes palatio suo eijceret: denuoq; ad Patres versus: Ecce me ad jussa quæcunq; paratissimū. Hac animi resignatione

natione tam desiderata recreati domum nos retulimus acturi Deo pro tanto beneficio meritas gratias. Dæmon interea fremebundus ne præda tam nobilis sibi evaderet, novam inijt viam irretiendi. Multas Vrsula è concubinarum grege ab usq; teneris unguiculis domi suæ aluerat, easdèq; filiarum habebat loco: has domo proturbare in humanum heræ videbatur, ideoq; se viro oppõebat. Vir suam innocentiam & causæ integritatem protecturus nos adiit, egitq; ut quoniam nō sua culpa adhuc domi hærent pellices, ipse Baptismo minimè fraudaretur. Suasum à nobis eo articulo est, ut uxori condescendens retineret, deinceps non pellices, sed heræ famulas audituras. substitit ad hoc consilium legatus aliquantum speculabundus: tum petijt, ut scrupulum expromere sibi liceret. Posito, dicebat, quod me Patres mei docuistis, Deum cordium scrutatorem esse, nec posse decipi; quid ergo hoc casu faciam? Nā licet ego pellices deferere & à meo conspectu expellere desiderem; illis tamen domi perseverantibus video, me, tum ob inveteratam consuetudinem, tum ob naturæ fragilitatem facile in pristina peccata relapsurū. Quare in hoc negotio synccere procedere mihi non videor. Sapientissimo huic catechumeni discursui, quia nihil addere necesse erat, sola de remedio consultatio reliqua videbatur. Sed cum nihil nobis, quod ad rem faceret, maximopere occurreret; ille ipse, quem res

potissimam premebat, intulit. Patres, hanc esse optimam omnibus difficultatibus occurrēdi rationem judico. Vos ut Magistri Christianas (nam gentiles obtūratīs ad preces quascunq; auribus inexoratus amandabo) ita inquam Christianas instituite, ut si forte ego tenatione superatus vim cuipiam afferre vellem, illa Christiano & martio animo resistat, imo quia imaginem Salvatoris in Oratorio collocatam sume veneror, si relictæ pedisse quæ illic quieverint, prius patiar me in frustra concidi, quam earum ulli in tanti Domini præsentia commiscear. Hanc à me severitatem nactæ si hareant domi meæ tam diu, quoad occasio eas maritis elocandi se offerat, nihil fides vestra detrimenti patietur. Vulgabimus enim, & Vrbi notum faciemus, eas non mihi concubinas, sed heræ Vrsulæ famulas retineri; ideoq; me à præceptis susceptæ legis ex hoc capite non recedere. Placuit omnibus mire consilium, quod postquam executioni mandavit, selectâ pro opportunitate die, inter tympana & tibiarum aliorūq; instrumentorum festivos concentus pretioso circum ornatus amictu baptizatus est, & cum eo è charioribus viginti præcipui equites. Legato Patriarchæ N. I G N A T I I nomen inditum. Finito Baptismo Vrsulam inter & Ignatium ex præscripto Ecclesiæ Catholicæ matrimonium Sacramento firmatum. Explari nequit lætitia, quam omnes ex duplici hoc Sacramento Baptismi & novarum nuptiarū hauriunt.

Post

Post comparata hæc salutis adiumenta instabat Ignatio iter Cambaianum, in quo suam magnanimitatem verè Christianam demonstravit. Nam in nave principe, qua ipse vehebatur, labarum Christi è Cruce pendentis, nec non S. I. G. N. A. T. I. I imaginibus insigne crexit: addidit ad hæc alia vexilla & effigies vestes ejus, quam profitebatur fidei. Egressus est cum hoc comitatu ex Vrbe Nuæcmam: comitabantur omnes ex ejus aula conversi tam viri, quam fæminæ: & jam appropinquabant Cambaiæ, cum ejus Provinciæ incolæ non nescij hanc legari classem esse, ad conspectum Christianorum vexillorum attoniti constitère, opinarique cæperunt! Regem Cocincinæ mutato consilio extraordinarium quempiam legatum è Lusitanis eo ablegasse. Sed mox errorem suum posuerunt, ut viderunt ordinarium adesse legatum secundum pectus inter aureas catenas & magni pretij gemmas, numismata & Cruces gestantem. Ad tam gratum spectaculum Christiani tam Lusitani, quam Iapones, qui istic negotiorû causa morabantur, in lætitiæ voces proruperunt, divinæ Majestati gratias reddentes ob novellum hunc Cocincinæ manipulum. At verò gentiles credere non poterant hunc legatum, qui ob multitudinem concubinarum lascivus audiebat, amplexatum fuisse eam legem, quæ nihil minus quàm lasciviam patitur. Brevi tamen judicium suum in obsequium fidei captivare compulsi sunt, cum
legatum

legatum, cui tot, quot uxorem comitantur, pelli-
ces in Cambaiano palatio sibi pro munere suo
assignato alere conceditur, viderunt nullā in con-
spectum admissā omnes amandantem. Exijt hæc
fama secundissimis favonijs, & homini magnæ
virtutis & Sanctitatis nomen peperit: & quia ex-
cellentis iudicij vir habebatur, exemplo suo plu-
rimos literatorum in Regno Pulucambano ad fi-
dem nostram attraxit.

CAPVT SEXTVM.

*Aperitur alia via conversioni per literatos
ejus gentilitatis.*

Fons ille misericordiæ & ardens desiderium,
quo Deus in salutem omnium hominum fer-
tur, invenit differentibus hominum statibus
differentia & singulis proportionata media, velu-
ti totidem vias, per quas eos perducit ad finem,
ad quem creavit. Sic videmus populum Israëlitici-
cum ductu Dei minatum per desertum; Magos
per stellam, studiorum suorum objectum, ad præ-
sepe evocatos; Dionysium Astronomum media
eclipsi Christianum factum; Augustinum ostensa
fidei nostræ perspicuitate, perplexitate & confu-
sione aliarum sectarum, Manichæis abstractum:
vulgus denique rationum incapax ad Deum per
prodigia & miracula pellectum. Similem Deus in
nova hac Ecclesia modum viderur tenuisse. Nam
postquā regni præcipuos vi sua, nullo medio in-
strumento suos effecit, ut præcedentibus capituli-
bus

bus explicatum est; deinceps Philosophos & Mathematicos aliosq; sapientes invitavit per eclipses, ut hoc capite dicetur. Onfaios vero, seu Sacerdotes gentem in suis superstitionibus pertinacissimam, flexit legis prædicatione, ut sequens caput indicabit. Ad extremum ostēdemus portam, quā populo medijs miraculis & naturæ portentis ad gratiam patefecit.

Vt autem intelligatur modus quo Deus per eclipses convicit doctos & sapientes Cocincinæ in Mathematicis famosos; sciendum est Astrologiā hic magni fieri, ad eamq; in Vniversitatibus tradendam amplas & spatiosas aulas adaptari. Habent hujus scientiæ Doctores redditus certos, ut e. g. villas & oppida, è quibus certam tributi, seu pensionis nomine pecuniam colligunt. Suos Rex astrologos, suos habet Princeps ejus filius: labor eorum præcipuus eclipses observare. Verum cum Calendarium reformatum non habeant, & alia quædam minutiora, quæ nos habemus, ad Solis & Lunæ motum spectantia; sæpius errant in calculatione Lunæ & eclipsium: error plerūq; duarum aut trium horarum est, quandoq; etiam diei integre: ipsam tamen eclipsidis substantiam fere attingunt. Quoties veritatem attigere, minerval à Rege oppidum referunt: præmio eodem spoliatur error. Pronostica ecliptica pretium sumpsere à superstitionibus, quæ eo tempore circa solem & Lunam fiunt, quos antecedunt præparationes
admi-

admirandæ. Rex mense uno ante eclipsim ab Astrologis de die & hora certior factus, per eosdẽ omnes totius regni tum literatos tum rudes cõmonefacit officij sui. Vbi dies advenit, omnes in quavis Provincia optimates cum suis Gubernatoribus, Capitaneis, & equitibus cõgregãtur: populus similiter cum suis officialibus & ministris in Urbibus & oppidis. Conventus ex omnibus celeberrimus, est conventus aulæ regiæ, ad quẽ primates Regni convolant, singuli suis insignibus & armis instructi. Sub tempus eclipsis una cum Rege pullis amictio & tota aula egrediuntur in apertum campum, interq; attollendũ oculos obscuritate planetæ inchoante, semel, iterum, sæpiusque venerabundi adorant Solem & Lunam: addunt verba nonnulla, quibus suum animi dolorem explicant: æstimant enim in eclipsi aut solem aut Lunam à dracone deglutiri: ideoq; quo tempore nos diceremus Lunam aut ex parte, aut integrẽ eclipsatam esse: dicunt ipsi, Da, an, nua: Da, an, het: hoc est: jam comedit draco medietatem, jã comedit totam. Formula loquendi erronea est, attamen indicat fundamenta observandarum eclipsium quæ habent, ex eodem nobiscum fonte hausta esse, scilicet ex intersectione lineæ eclipticæ cursus solaris, cum lineæ cursus Lunarıs in duobus punctis, quæ nos caput & caudã draconis nuncupamus. Idem termini draconis, sicuti & signorum Zodiaci, nimirum Arietis, Tauri, Geminarum

norum, &c. communem utrisq; doctrinam fuisse arguunt. Decursu vero temporis nihil mirum est populum rudem, veris fabulosa quædam attexuisse, dixisseq; cum sol aut Luna obscurantur, à dracone devorari, cum verè eo temporis articulo caput aut caudam astronomicam draconis subeant. sed ut ad id unde digressi fueramus, revertamur; peractis adorationis cæremonijs sclopos, mosquetas, tormenta, primum in regio palatio, deinde per omnem Urbem explodunt, compulsiunt campanas; tubis & tympanis, alijsq; instrumentis vel ipsos lebetes feriendo perstrepunt, nullo privatarum domuum ab hoc tinnitu excitando immuni. Causam hujus strepitus dant: ut eo terribus draco plus non devoret, & quod in os ingessit de sole, aut Luna, quantocyus regerat.

Vbi ritus hic gentis nobis innotuit, primæ occasio demonstrandi Europæorum in hac scientia peritiam fuit Eclipsis Lunæ anni 1620. quæ incidit in 9. Decembris 11. hora astronomica: hoc est, una hora ante mediam noctem. Eram eo tempore in Vrbe Nuæcman, ibidem morabatur quidam plateæ, seu vici, in quo nos nostram domum habebamus, Capitaneus: hujus filius Christianis accensus fuerat: at pater scientiâ inflatus nostram cum fide doctrinam flocci faciebat, neq; annuebat votis nostris, qui tanti viri exemplo totam viciniam in castes fidei illicitam sperabamus. Sub tempus prædictæ eclipsis venerat hic nos visitatû: illatus

illatus fortè de eclipsi sermo est: nobis affirmantibus eventuram, negabat ille, nec fidem nostræ calculationi, nec impressis libris eandem representantibus habebat: potissima ejus ratio erat à Rege eam non esse denunciata, qui juxta morè regionis mense integro antequam accidat, omnes officij sui commonefaciat: modo cum, ut nos dicebamus, soli octo dies supersint, desitq; talis commotio, evidens esse eam non futuram. Tantum apud hominem valebat hæc ratio, ut inire spon- sionem nobiscum voluerit Cabaia (vestis sericeæ genus est) victori à victo consignandæ. Lubentes accepimus conditionē, ita, ut si nos perderemus, obligaremur ad talem ei vestem procurandam: at si vinceremus ipse loco vestis ad nos per osti- duum itaret, exciperetq; catechismum & fidei nostræ principia. Liberalius ille, se non hoc solum facturum, sed eodem quo eclipsis fieret momento Christo nomen daturum. Si enim, aiebat, in rebus tam reconditis & cælestibus, ut sunt eclipses, doctrina nostra certa est & secura, sua verò fallax: absq; dubio non minus certam & securam fore legem & cognitionem veri Dei ab ipsis allatam, suam vero falsam. Die eclipsi præsignatâ advenit sub noctem cum multis discipulis & literatis rei futuris testibus oculatis: sed quia ad 11. quam prædixeram, horam adhuc temporis plurimum restabat, in Oratorium me recepi Canonicas recitaturus. Hic homines boni, joci causa, sapiusculè

meevo-

me evocare, & invitare ad videndam eclipsim: neq; enim divini officij dicendi sed pudoris causa me abditum latere arbitrabantur, quasi de meorum veritate verborum diffiderem. Sed ubi me cum certa fiducia audiunt dicentem necdum horam advenisse, eclipsin tū futuram, cum totus ex clepsydra (quam commodum hora 10. verteram, pulvis defluerit, non mediocriter mirabantur: ipsam quoq; clepsydram utpote rem nunquam visam oculati suspiciebant: donec stante clepsydræ fluxu egressus, ostendi extremum Lunæ circulū ob inchoatam eclipsin perfectè circularem non esse. Mihi veritatem sic asseveranti assensere magis, quo plus Lūa progressu temporis obscurabatur, donec tandem tota siluit. Ab eventu nobis tam felici attoniti cum Capitaneo literati, & hunc vicum nostrum, & omnem civitatem mox excitant, & exciverunt ad solitos strepitus Lunam periclitantem adiuturos. Exijt ab hoc facto fama, non posse non veram esse doctrinam & libros nostros: siquidem ita ad unguem prædicere potuimus eclipsin, quam eorum sapientes ne advertere quidem potuerunt. Vt itaq; Capitaneus ille debito suo, in quod ex pacto incurrerat, satisfaceret; non solum ipse cum domo sua morā omnī sepositā ad nostram fidem transijt, sed etiam secum adduxit multos è suo vico & ex doctioribus, magisq; principalibus Urbis familijs.

Eodem tempore casus similis, sed cum per-

H

sonis

sonis & loco nobiliore accidit. Prænominatam eclipsin quam non præviderant regij Mathematici, adnotavêre Principis astronomi in Provincia Caciâ: sed admiscere errorem non duarum aut trium horarum, ut solitum erat, sed diei integræ: quare & plenilunium & eclipsin anticipata unâ die futuram promulgarunt. P. Franciscus de Pina tum in eâ aula commorans quendam aulicum Principi intimû, semperq; lateri instar morum Præfecti assistentem, & ob id nominatum Omgne commonefecerat erroris, asserendo non eâ nocte, sed sequenti futuram, ut & P. Cbristophorus Borro Nuæcmæ docuerat. Hunc ut errorem Omgne Principi suo indicaret, exoptabat P. Franciscus: at ille non omnimodam fidem adhibens Patris sermonibus, defuit officio. Adfuit interea tempus ab Astrologis illis præfinitum. Princeps pro more & tota aula prodijt contemplaturi & adiuturi laboraturam, ut rebantur, Lunam. Verum cum nulla post longam expectationem in Luna macula cõpareret, Princeps in Mathematicos excandescens, à quibus tam graviter delusus fuerat, præcepit villam eis cum redditibus modo supra explicato auferri. Omgne hinc arreptâ occasione certiozem Principem facit ab Europæo Patre dudum se monitum Eclipsin sequenti primum nocte visendam esse. Placuit Principi mirificè scientia Patrum, qua antecellerent in observandis sideribus suos Mathematicos. Re-

dijt non multò post Omgne ad Patrem noticiam accepturus de initio eclipseos : doctusque per astrologia & alia instruenta punctualiter inchoaturam 11. noctis instantis hora; necdum plena assentiens in fide vacillabat : ob quam causam ad tempus determinatum Principem excitare noluit, nisi cum jam ad sensum notabiliter eclipsi augebatur. Excitus Princeps cum aulicis ad solitum cultum & adorationes Lunæ prodijt : neq; tamen populo id renunciari voluit, ne omnem libris & Mathematicis suis auctoritatem tolleret. Sed fieri non potuit, quin doctrina nostra magnâ apud eum venerationem adipisceretur. Sic certè Omgne captus est nostri admiratione, ut per mensem integrum nostram catechetica lectio- nem sedulus adierit, memoriæq; mādavit ea omnia, quæ nostram fidem concernunt. Ad Baptis- mum tamen pertingere non potuit prædomināte pluralitatis uxorum vehementi passione. minor in hoc, legato Ignatio. Non intermittit tamen palam & in luce prædicare, unicam legem nostrā veritate subniti, reliquas erroribus refertas decipere : spondet etiam se non nisi Christianum moriturum. Movit jam non paucos suis sermonibus ad Sanctum Baptisma suscipiendum.

Post illam Lunæ accidit alia Solis eclipsi 22. May anni 1621. cui duas horas apud Regē astrologi assignarunt. Verum majoris certitudinis gratiā ad nos, de quibus secundam opinionem hau-

ferant, venerunt, & nostrum in hoc negotio sensu
exquisierunt. Respondi tum, vere occurruram
Solis eclipsin, & figuram ejusdem in nostris ephe-
meridibus spectandam exhibui, supprimendo da-
tâ operâ admonitionem illam necessariam, quod
in Cocincina videnda non foret propter paralaxim
Lunæ ad Solem (ignota illis res paralaxis,
cujus defectu calculatio eorum in punctis errare
solet) causâ meæ reticentiæ erat, ut publicato
illorum errore, nostra doctrina cum veritate ma-
gis elucesceret. Petijt tamen tempus inquirendi
punctum addendo verbis generalibus, necessario
mihi præmittendam esse Cæli & terræ dimensio-
nem ad dijudicandum an illa in eorum regno e-
clipsis visenda foret. Astrologi prima hac respon-
sione cõtenti, ratiq. sat esse si ephemerides nostræ
cum eorum opinione concordarent, absolute cõ-
cluserunt futuram eclipsin, monueruntq; Regem
ut consuetam denunciationem faceret. Disseminato
jam per omne regnũ astrologorum errore,
ego publicè pronunciavi invisam Cocincinensibus
hanc eclipsin fore. Inaudijt meam sententiam
Princeps, dubiusq; de eventu ad me suos Mathematicos
indagandæ veritatis causâ transmissit. Instituta
inter nos questio est, sed ea nihil plus effecit,
quam majorem tum in astrologis, tũ in Principe
perplexitatem, sequendumne foret regium
parentis exemplum, an omittendâ denuntiatio.
Ad evulgandam eclipsin movebatur concordia
utriusq;

utriusq; partis in prænuncianda eclipsi; videbatur adhuc honori minus consultum, si comparere eclipsi, ipse suo denunciationis officio defuisset. Nihilominus tamen opinio ingens quam de nobis ex præterita Lunæ eclipsi hauserat, altè animo infidebat, nec præcipitem in decreto esse sinebat. Denuò itaq; nos ad consultationem evocavit; cui ego exactissimā me calculationem inijsse, comperire nullo modo eam eclipsin in hoc regno videri posse. Proinde seponeret omnem denuntiandi curam: in meos humeros onus victoriæ de patre Rege, & regijs mathematicis reportandæ fidenter deponeret. Tandem mea hac asseveratione animatus nullos per suam Provinciam emisit nuntios admirante aula, & regijs Mathematicis; qui cum causam tantæ incuriæ Principis exquirerent, responsum retulêre, in aula Principis meliores regijs Mathematicos esse, intelligebant Patrem nostrum novam opinionem adducentem. Regij tamen, quia edicta jam evulgata revocari non poterant, præparationes ad solarê eclipsin necessarias non intermiserunt. Sed dies & hora litem diremit, alteriusq; partis scientiam, alterius inscitiam in lucem dedit. Erat hæc dies clarissima & innubis: & quamvis mense Majo hora post Meridiem 3. cum sol per verticem graditur, terra æstu penè exureretur, Rex tamen egrediendi consuetudinem non intermisit, stetitq; cū suis aulicis in illo æstu non paucas horas, quoad

H 3 decep-

deceptum se esse sensit. Vnde animo commotus partim ob ardorem Solis, partim ob exiguam suorum Mathematicorum peritiam, acriter eos reprehendit. Obtendebant illi se in eclipsi, quæ fieri certò deberet, non errasse, sed in die solum, non habitâ exactâ Lunæ cum sole conjunctione. Diem modo sequentem egrederetur, visurum solarem eclipsin. Obtemperavit Rex Mathematicis, egressus est, uisus est, nullam eclipsin vidit. Quare Mathematicos rubore & confusione plenos non solum villa privavit, sed etiam iussit diem integrum in aræ medio aperto capite sub sole inter omnium derisiones, & omne contumeliarum genus genuflectere. Princeps se victorem agnoscens jocabundus Regi parenti suo scripsit, se quamvis filium melius veritatem attingere, doctioresque in aula sua viros alere.

Explicari satis non potest, quantam hic eventus nobis apud doctos & literatos authoritatem conciliarit. Mathematici ipsi tam Regis, quam Principis nos invisere, instanterque in discipulos admitti postularunt. Non sola autem astronomica scientia, sed etiam lex, quam Patres isti prædicabant, magni cepit fieri, & gentili anteponi, singulis ut nuper dicebamus à certitudine rerum celestium ad veritatem supercelestium assurgentibus.

CAPVT SEPTIMVM.

*Alia porta Christianitati aperitur per Sacerdotes**& Onsaïos hujus ethnicismi.*

Magni referebat ad conversionem hujus Regni aliquos Sacerdotum, aut Onsaïorū ad nomen Christianum transire, propter authoritatem, qua apud populum pollent. Sed neque hanc nobis viam diu obseratam reliquit increata Bonitas. Proximus ædibus nostris Onsaïus quidam, l y nomine, templo gentilitio deserviebat. Vicinitas domicilij occasionem nobiscū tractādi dedit, cognoscēdiq; Ordinem nostrum, & modum vivendi. Ita porrò omnia ad salivam illi erant, ut & legem Dei quam nos sequimur, desideraverit sibi prædicari: audiit, quod petebat: cūque Mysterium Resurrectionis Christi Domini explanaretur, & diceretur idcō resurrexisse, ut omnes homines unā secum in extremo judicij die convivificaret, usque adeo animo affici cœpit, ut lumine divino illustratus Baptismum petierit. Quem consecutus est cum tota domo sua nocte Nativitatis, quam omnem transegit genuflexus in oratione manantibus ubertim lachrimis: verba hæc identidem iterabat: Tuijciam, Biet: hoc est, ego non sciebam, quasi diceret: Ignosce Domine, quod te hætenus non cognoverim. Morā deinde aliquā interpositā velut è contemplatione evigilans reclamabat. Tuijciam, Biet: hanc parvulum melodiā ad somnum veluti componens.

A sumpto baptismo ita ad nostram regulam afficiæpit, ut sub ea victurus cum omni sua familia in domum nostram migrare decreverit: intellecto autem impedimento, quod ob conjugem intercedebat, coëmit domum à nostra primam, ut audito commodè æris campani signo omnem suam actionem nostræ conformaret. Vnde vel ipsas omnium Sanctorum Litanias in suo Oratorio cum suis eo tempore, quo nos communiter ex usu Societatis, dicebat. Nec illud silendum est, quod cū advertisset nos statim tempore inambulantes Coronam decurrere, idem facititare bonus. Onfaius cepit nō sine admiratione suorum conterraneorum, qui supervacaneam & risu dignam putant omnem inambulationem, quæ negotiorum, aut recreationis causa, non instituitur: qualem non agnoscebant hanc nostram, in quā à termino, ad quem itum est, mox revertendum est nullo alio commodo aut fine præfixo. Quare eo tempore plebs cum Onfaijs concurrebat, & novitatē mirata nō sine sale dicebat: Patervadit & redit vadit & redit. Nihil hac motus admiratione Onfaius noster, perstitit in incepta consuetudine, id unum spectans, ut in omnibus & per omnia se nobis similem faceret. Unica homini uxor erat, & annos 30. quos vivendo attigerat, ita secundum rationis naturalis regulas instituerat, ut ad eam usq; horā, quantum colligere ex ejus dictis licuit, nunquam sciens advertens in re gravi deviarit ab eo, quod sibi

sibi rectum & iustum videbatur. Idola adorasse te, quia ex erronea conscientia id negligere rationi contrarium iudicabat. Videtur hoc exemplo roborari doctrina Theologorum affirmantium divinam providentiam ei gentili, qui omnes suas actiones ad regulam rationis, & legem naturalem ordinavit, non defuturam, baptismumq; aut medio homine, quod hic accidit, aut Argelo subministraturam. Tanta autem fuit flamma amoris divini, quæ sub pectore Onfaij Ly ardebat, ut omnes suas facultates, ijs exceptis, quæ ad domus necessitates requirebantur, impenderit in usum templi nostri, habendo singularem curam ornatus altarium & munditie. Eodem spiritu impellente Verbi divini præco factus est, sumptu Mysteriorum Resurrectionis pro ordinaria sui discursus materia. Traxit hisce suis Concionibus ad fidem non solum multitudinem vulgi, sed etiam multos Onfaios: quamvis enim è doctioribus non esset, doctrinæ tamen defectum ita sustentabat fervor, ut etiam doctissimos ad Christum attaxerit. Fuit unus aliquis regno ob eximiam eruditionem notissimus, cuius jam capti autoritate nixus Ly, cum postmodo falsitatem sectarum gentilium redargueret, incredibiles manipulos colligebat. Voluit hic sui muneris esse resolutionem objectionum omnium, quæ contra nos à gentilibus sunt: nec id ei difficile accidit, ut qui probè novit fundamenta & omnem, quâ nituntur, authorita-

rem: nostram verò leviozem operam in everten-
dis eorum erroribus apud populum excusat, ostē-
dendo nobis ea nondum innotuisse, ac proinde
mirum nō esse, si evertere necdum radicitus pos-
simus.

Quantopere utilis, imò & necessaria nobis
fuerit hujus hominis industria ille intelligit, qui
multitudinem Onsaïorum & varietatem agnove-
rit: tanta enim est, ut videatur Dæmon in his ter-
ris voluisse sibi exprimere inaginem Religionum
in Sancta Ecclesia Catholica à viris Sanctis fun-
datarum. Varietati professionis varietas vestium
respondet: alij albo, alij nigro, alij cæruleo, alij,
alijs coloribus vestiuntur. Vivūt alij vitam com-
munem, alij ut Parochi, sacellani, Canonici, Bene-
ficiati. Nonnulli paupertatem profitentur, solisq;
elemosynis vivunt. Sūt, qui operibus misericor-
diæ se dedicant ægris inserviando, subministran-
doq; aut naturalia medicamenta, aut superstitio-
sa & magica, idq; sine ullo stipendio. Sunt qui cer-
ta quædam pietatis opera in se recipiunt, ut pon-
tium reedificationem, & similia ad Reip. utilita-
tem spectantia: constructionem item templorū,
in quem finem peregrinationibus in regnum usq;
Tunchimense susceptis ostiatim mendicant. Alij
populum mysteria suæ sectæ edocent, qui cum di-
tissimi plerunq; sint, scholas habent publicas, in
* quibus velut generales regni Magistri quoscunq;
adventantes instituunt. Nō desunt etiam Onsaïj
qu.

qui artem Mareſcalchorum profitentur, ob inaturalē quandam animi bonitatē rectores facti elephantorum, boum, equorum, mercede nullā ab iumentorum patronis expectant, contenti eſculentis, quæ ſponte offeruntur. Curam deniq; alij habent Clauſtrorum, in quibus fæminæ ſervantur communitatis ſectatrices: neminem hæ ad clauſtrum admittunt præter ſuum Onſatū. cuiuſetiam uxores ſunt. Habet hæc regio templā maxima, & turres pulcherrimas cum ſuis campanis. Villa quævis ut ut parva fuerit, templum habet cum ſuo idolo, quod eſſe ſolet ſtatua ingens, oppleta ſecundum pectus aut ventrem auro & argento, inſtar ſacrarij obſerato: nemini ſas theſaurum iſtum attingere: ſola neceſſitas latrones ad euiſcerandum impellit, habenturq; tales gentis opinione impiſſimi ſacrilegi. E collo corollas & roſaria promiſſa gens habet: ſolennibus ſupplicationibus frequens intereſt, in orando Chriſtianā ſuperat pietatem, dies dicatos idolorum cultui & feſtos habet plurimos. Videntur etiam quidam Abbatum, Epiſcoporum, Archiepiſcoporum perſonas repræſentare: pedum hi habent inauratum, aut argenteū modicè diverſum ab eo, quod, qui inter Chriſtianos in ſimili dignitate conſtituti ſunt, habent. Ex quibus omnibus pene videri poſſent Chriſtiani iſtic olim vixiſſe: ſic dæmon bella illa ſimia res noſtras imitatur. Adjungere ex occasione libuit caput ſequens de erroribus gentis.

erit enim omnibus cupidis hæc cognitio ad populum è tenebris illis extrahendum & veræ Fidei lumine collustrandum peropportuna.

CAPVT OCTAVVM.

Brevissima enarratio sectarum Cocincina.

OMnes sectæ respiciunt vel Deum, quem adorant, vel gloriam & felicitatem, quam suis operibus præfigunt. aliæ immortalitatem animæ attribuunt, aliæ volunt omnia cum morte corporis interire. Duobus hisce principiis inniuntur gentes Orientales, quarum sectæ originem trahunt ab eximio quodam Philosopho nomine Xaca, ex regno Siam oriundo; antiquior Aristotele habetur, eidemq; in capacitate intellectus, & rerum naturalium cognitione in nullo secundus. Hac ingenij felicitate incitatus se naturæ & fabricæ mundi considerandæ totū tradidit, indagans principia & fines rerum; maximè autem naturæ humanæ, quam dominam, & mundani palatii patronam agnoscebat. Montis aliquando verticè inscenderat, unde cum accuratius contemplans Lunam videret inter nocturnas tenebras sensim supra nostrum horizontem se erigentem, sub occasum vero ad eandem obscuritatem redeuntem; similiter solem ex auroræ crepusculis manè emergentem, sub vesperam in nocturnas umbras relabantem, hanc intulit conclusionem: omnes res physicas & naturales, necnon morales esse nihil, & sterile, & ob nihilum. Quare è monte domum regressus

regressus de hoc argumento multos libros & grādia volumina scripsit, præfixo titulo, de nihilo. Docebat in his res Mundi naturales propter durationem & mensuram temporis esse nihil: siquidem priusquam essent, dicebat ipse, erant nihil, nihil erunt in futurum: in præsentī, quod instanti circumscribitur, idem esse, quod nihil.

Secundum fundamentum accipiebat à rerū compositione. Accipiat, dicebat, in exemplum funis, qui sicuti naturaliter à partibus non distinguitur, in quantum dant ei esse, & esse compositū; sic invenitur quod funis in quantum funis sit nihil: siquidem in quantum funis nō est aliud quid distinctum à filis, ex quibus componitur: ipsa vero fila non sunt quid distinctum à cānabe, ex quā fiunt: & huic aliud ab elementis esse non competit: elementa convertuntur cum materia prima & pura potentia, adeòq; actuali nihilo: ergo & funis & pari ratione res omnes tam Cælorum, quā eorum quæ sub Cælo sunt, sunt nihil.

Similem in rebus moralibus discursum instituebat. Beatitudinem naturalem hominis constituebat non in positivo aliquo aggregato omnium bonorum, quod ei impossibile videbatur; sed in negatione omnis mali: unde definiebat eā, negationem infirmitatis, pænarum, tristitiæ & similium; hominem verò ad illud dominium suarum passionum pervenisse, ut affectuū sit expers, neque appetat, aut fugiat honores, contumelias; penū-

penuriam, abundatiam, divitias, paupertatem, mortem aut vitam, id demum erat perfectam felicitatem & veram beatitudinem esse consecutū. Ergo concludebat Beatitudo nihil est, cum hæ res nihil sint, originem ducentes ab una veluti causa non efficiente, sed materiali, uno inquam principio, quod est quidem nihil, sed nihili æternum, infinitum, immensum, immutabile, omnipotens, ac tandem D E V S nihil, & origo Nihili.

Pro principio ac veluti præludio hujus sectæ præmittebat Mundi productionem, quam duabus metaphoris obvelabat. Altera erat Mundum ex ovo prodijisse, quod cum dilataretur, & ingrandesceret, corticem Cælo materiam dedisse, albuginem aëri, aquæ, igni; vitellum terræ, & rebus in ea contentis. Altera erat, fuisse quondam hominem summæ proceritatis eorum linguâ Bâcò nominatum (nos verteremus, Microcosmum) hunc dicebat in nostram hanc Mundi molem commutatum, cranium in Cælum, oculos in solem & Lunam, carnem in terram, ossa in montes, pilos in herbas & arbores, ventrem in mare. Ita denique cætera membra corporis humani & operationes adaptâdo fabricæ & ornatui Mundi eo deductus est, ut dicere non erubuerit è pediculis gigantis formatos esse homines, qui postmodum per Orbem dispersi sint.

Procursa hac de nullo sententia, aliquot d' scipulos sibi Xaca adlegit, quorum opera suam opinionem

nionem per omnem Orientem dispersit. Verum Cinenſes reſpuerunt novos nuntios; pernicioſam etiam regendis hominibus intelligebant ſectam omnia ad nihilum reducētem; mallebantq; aſſeri pœnas malis paratas eſſe. & quo etiam animo ferre non poterant gloriam bonorum reſtringi ad ſolâ miſeriarum hujus mundi negationem. Fulti auctoritate Cinenſium, quæ ubiq; magni ſolet fieri. pleriq; alij ſentētiam Xacæ repudiarunt. Quā obrem Xaca, non ferens ſe negligi, ſententiam mutavit, denuoq; à negotiorum ſe tumultibus ſegregans novos, multos, & grandes libros concinnavit, in quibus aſſeruit eſſe unum reale principium rerum, unum eſſe Celi dominum, dari gloriam, infernum, immortalitatem, & animæ trāſmigrationem in aliud corpus melius, aut deterius, juxta merita aut demerita hujus vitæ. Sunt tamen nonnulli qui animabus ſeparatis gloriam aut pœnas attribuunt, quas per metaphoras corporum, & rerum in hoc mundo pœnaliū aut glorioſarum explicant.

Secundam hanc Xacæ opinionem admifcere Cinenſes, & maximè omnium Bonzij humile hominum genus, minorisq; æſtimationis præ Iaponijs: hi cupidi ſalutis prædictam ſententiam acceptarunt, & conſervarunt in 12. ferè ſectas inter ſe differentes diviſam. Potiſſima & quæ in majori præ alijs pretio habetur, eſt ſecta Nihili, dicta Gēſiū. Exeunt ſectatores hujus ſectæ non rarò in campos

campos audituri de Beatitudine concionem Bon-
zij, cujus studium omne in eo est, persuadere Au-
ditoribus Beatitudinem hominis esse nihil, illam-
que beatum esse, qui, carere, aut abundare filiis,
divitem esse, aut pauperem, sanum aut ægum, &
ita de cæteris, non sentiat. Hanc doctrinam ijs ra-
tionum momentis, ac tanta dicendi vehementia
proponit Bonzius, ut Auditores vivâ imagine cõ-
temptus mundi ob ejus inanitatem animo altè
impressâ quasi ebrij, externis signis prodant eam,
qua se tunc affici putant Beatitudinem, sæpius
elata voce inclamâdo. Xin, Xin, Xin, Nihil nihil,
Addunt vocibus strepitum excitatum è quibus-
dam lignellis intra unius manus digitos compo-
sitis, altera feriente, & sonorum quid efficiente.
Vbi sic clamoribus ebrij insaniunt, tum enim ve-
rò actum se Beatitudinis peregrisse autumant, Hac
Iaponum & aliorum multorum in sequendo Ni-
hilo pietate motus ejus author Xaca, in mortis ar-
ticulo evocatos ad se discipulos ultimo hoc mo-
nito erudit. Scirent se tot vitæ annis & contem-
plationibus nihil verius, nihil solidius reperisse se-
ctâ Nihili. Quamvis autem in decursu temporis
videatur contrarium docuisse; sciant tamen mi-
nimè se contrarium quidquam sensisse, aut prio-
ra retractasse; quin imò posteriora fuisse quasdâ
priorum confirmationes, sin minus rationû cla-
ritate, attamen metaphorarum & parabolarum
elegantia, quas singuli Opinioni Nihili facile ac-

commodare possint, si à se conscriptos libròs ve-
lint inspicere.

Sed ad nostros tandem, à quibus digressi fu-
mus, Cocincinenses redeamus. Non admisère
isti doctrinam stultissimam & vanissimam, quæ
negando formas substantiales omnia ad nihilum
reducit; sed generaliter per omne regnum cre-
dunt immortalitatem animæ, & æterna præmia
bonis, pænas malis: sed mille huic veritati fabu-
las intexunt. Primo non contradistinguunt ani-
mam immortalem & à corpore separatam à dæ-
monibus, uno eodemq; nomine, Maa; utrosque
compellando, nec non affirmando ab utrisque vi-
vos affligi. 2. inter animarum præmia constituunt
transmigrationem de corpore in aliud corpus dig-
nius majorisq; nobilitatis, ac dignitatis veluti è
corpore plebeio in regium, aut alicujus Optima-
tis. 3. judicant animos defunctorum egere alimén-
tis corporalibus: in quem finem certis in anno
temporibus filij defunctis parentibus, viri uxori-
bus, amicis amici splendida & lauta convivia mo-
re patrio instruunt, nec parvo tempore invitatum
expectant. Forte die quadam hunc errorem con-
futabamus assumptis rationibus ut Philosophi
vocant, à priori. Animam spiritum esse, nec ore,
aut alio ad comestionem necessario instrumento
præditam esse: manifestum proinde esse eos erra-
re, qui animas judicant comedere. 2. à postero-
ri. Quod si manducarent, nequaquam patinæ ita
I refertæ

refertur à nobis viderentur, postquam defuncti se
ijs cibis saginarunt. Riserè Cocincinenses hæc
argumenta, appellando nos rudes: utrique autem
difficultati à nobis objectæ responsuri declararunt
duas in ijs ferculis res inveniri, substantiam scili-
cet & accidentia quantitatis, qualitatis, odoris,
saporis & similium. Animas defunctorum immor-
tales sibi accipere ciborum substantias immate-
riales, ac proinde cibum proportionatum animæ
incorporeæ; dimittere vero in patinis acciden-
tia, quæ corporeis sensibus teneri possunt: ex di-
ctis manifestum fieri, non esse necessaria corpora-
lia instrumenta, ut nos argumentabamur. Ex fal-
sis hisce responsionibus facile quisque prudens ar-
guet mirabilem Cocincinensium Philosophorum
in discurrendo subtilitatem, esto in substantia
discursus ex integro errent.

Errant præterea circa animas, cultum divinum
attribuendo ijs, qui sanctitatis nomine dum vive-
rent, claruerunt. Defunctos idolis adnumerant,
eorumque imaginibus templa onerant, juxta meri-
torum numerum seriatim dextrâ lævâque collocân-
do. Primâ fronte statuuntur minimi, ultimas te-
nent maximi. Altare majus, qui est locus ejusdem
templi dignissimus, vacuum relinquitur; à cujus
tergo inane spatium & obscurum est, indicatque id,
quod ipsi pro Deo adorent, & à quo reliqui Pago-
des dependent, qui fuere ut nos homines corpo-
rei & visibiles. Ex occasione tot idolorum, quos
Deos

Deos æstimant, cum demonstrare vellemus impossibilem esse Deorum pluralitatem; responderunt hanc esse suam sententiam: ab idolis, quæ in templorum lateribus locarentur, nequaquam Cælos, aut terram creatam esse: esse solum homines sanctos, quos venerentur ut nos Apostolos, Martyres, Confessores, & quam nos in nostris differentiam meritorum agnoscimus, eandem se in suis prædicare. Partem altaris obscuram & vacuam, esse proprium locum Dei unici Creatoris Cæli & terræ, qui cum invisibilis sit, & à nostris sensibus omnino alienus, non potuisse materialibus idolorum imaginibus repræsentari: attamen in ea obscuritate & vacuo, ut re incomprehensibili, meritam ei deberi venerationem: apponi idola, ut eorum efficaci intercessione gratiæ ac beneficia à primo illo impetrentur omnibus ijs, qui se devotos idolo exhibent. Quamvis autem juxta dicta videatur his Onfaijs DEVS esse quædam causa efficiens intellectu prædita: nihilominus tamen quisquis eorum libros probe excusserit, animadvertet ab ijs quoddam elementum prædominans coli.

CAPVT NONVM.

*Quarta plebi ad Christianitatem porta aperitur
per miracula.*

EXplicanda supersunt prodigia, quæ DEVS operatus est ad plebem ab assuetis phantasmatibus, & dæmonum visionibus revocandam

dam everſa illorum authoritate. Apparitiones
dæmonum uſq; adeo vulgares iſtiæ ſunt, ut præ-
ter oracula, quæ per idola à populo magni fieri
ſolita edunt, non vereantur paſſim ſub humana
effigie perurbes, & compita incedere, ſeq;
hominum commercijs abſq; ullo ullius horrore
iſmiſcere; eoq; res deducta eſt, ut multi invenian-
tur ſuccubi & incubi. Inter nobiles, fortunatos
+ ſe illi æſtimant, qui norunt à ſuis uxoribus (nup-
tas enim fere hæc mōſtra appetunt) tale Incubo-
rum genus ſoveri: laudatur in publico fors earū,
quæ dignæ cenſentur commercio naturæ ſupe-
rioris, uti eſt ea dæmoniorum. Mulier quædam è
nobilioribus, dum illic eſſem, mater duorū Chri-
ſtianorum invidiam aliarum ſuſtinebat, non tam
ob pulchritudinem, quam ob inhoneſtam illam
cum Dæmone conſuetudinem. Sæpius huic pro-
poſitus Baptiſmus, ſed incaſſum. Tandem morti
proxima operâ Dæmonis ova bina peperit. Quia
vero incubus illius credebatur eſſe Deus flumi-
num, deſunctæ corpus nequaquam, ut moris eſt,
intulerunt in ſpeluncam aliquam ſupreſtructo
ſacello, ſed deportatam ſolenni pompa ad flumē,
in aquas una cum ovis injecerūt dicendo: Adeat
dominum fluminis illa, quæ dum viveret, fami-
liaritatem ipſius meruerat. Inter plebeios hæc
ſentina honori non eſt, ſed ægritudine gravi cen-
ſetur affecta uxor, cū ſic à dæmone affligitur:
non ſecus atq; apud nos, energumēni. Quam ob
cauſam

causam ubi intellexere Patrum doctrinam dæmonibus contrariam esse, judicarunt etiam ijs fore medicinas talibus spectris contrarias (medicinæ nomine indigitant res Sacramentales, veluti Aquam benedictam, Agnos cereos, & similia) ideoq; ad nos frequenter venere petitum talia remedia; factumq; est Dei beneficio, ut nulla earū, quæ frustulum Agni cerei de collo suspenderat, ullam deinceps à dæmone molestiam pateretur. Major tamen erat in Christianos hujus gratiæ amplitudo, quorum ne fores quidem contingere audebat: at vero in gentilium cubicula ingrediebatur, & strato appropinquabat: quamvis ob sacrum amuletū ipsas attingere personas non præsumeret. Fuit hæc prodigij diversitas non paucis occasio Baptismi & petendi, & suscipiendi.

Non solent incubi humanam speciem induci corporale damnum hominibus adferre, sed benevolentiam vultu fingere: frequenter tamen comparent in deformi & horroris plena figura. Depinguntur more nostro, veluti cum pedibus gallinaceis, cauda oblonga, vespertilionum alis, vultu barbaro, igneis oculis & sanguinem spirantibus. Cum in tali se forma spectabilem facit, timeri solet; ferè enim damna importat, nonnunquam arreptos super tecta attollèdo, & inde præcipites in terram illidendo. Excitatus est aliquando magnus in vico nostro strepitus, clamorq; in Cælum ibat. Maqui, Macò: hoc est, dæmon in tur-

I 3. pi for-

pi forma. Gentilium aliqui auxilium pro miseris in periculo constitutis petituri accurrere ad nos, quibus potentiora dæmone arma esse non nesciebant. Mox duo è Patribus re Domino commendata instructi Crucibus, Agnis Dei, & sacris reliquiis adibamus ad eum locum, quem dæmō infestare constituerat: sed cum unicus angulus plateæ adhuc gyrandus nobis superesset, momento disparuit monstrum, relictis in pavimento tribus pedum vestigijs, quæ ut ipse contemplatus sum, duorum erant palmorum, habebantq; signa unguium, & calcaris galli. Dedere nonnulli hanc gloriam fugati dæmonis Sanctæ Cruci, & sacris reliquijs à nobis ablatis

Alterius & melioris generis apparitiones nõ paucis quoq; fuere ad conversionem incitamentum, ut ex exemplis, quibus ego ipse interfui, colliges. Primum est, cum aliquando domi nostræ essemus vidimus adventantem è longinquo ad nos supplicationem: rogati pro foribus supplices quid vellent, respondere, à se in suo territorio visam pulcherimam dominam in medio aëris in sublimi, & nubibus resplendente tholo confidentem: ab hac monitos se esse ut Civitatem ingressi. Patres inquirerent, à quibus de vera ad æternam gloriam via, & legitimo Cæli domino edocerentur. Nos redditis debitis gratijs S. Virgini, cujus hoc munus erat, catechizatos ut par erat, Baptismo adhibuimus, & exultabundos ad propria remisimus.

missus. Alterum exemplum contigit alio tempore P. Francisco Buzome, & mihi domum revertentibus. Similis enim hominum manipulus post multa reverentiæ signa petijt à P. Francisco, id ut sibi, quod nocte priore in sua villa ipsis promiserat, præstaret, in eoq; institueret. Pater qui in tali loco nunquam fuerat, stupefactus hæsit: re deinde diligentius examinata, reperit à Deo Misericordiarum patre Angelum quempiam illis populis submissum fuisse, aut certe in somno nostræ Fidei notitiâ eisdem infusam. Fama similium prodigiorum tantam expiscata est multitudinem, ut Ecclesiam à Governatore quondam exstructam, cum omnibus capiendis minor foret, necesse fuerit demoliri, ejusq; loco majorem erigere. Novo operi extruendo tam uxor defuncti Governatoris, quam filij, consanguinei, & plures alij Christiani auxilio fuere.

CAPUT DECIMUM.

*De Ecclesijs & Christianitate, quæ est in Faifò
Turon, & Cacciam.*

Pater Franciscus de Pina Nucemâ discedens, ut quondam annotatum fuerat, conjunxit se P. Francisco Marches in Vrbe Faifò in auxilium ejus populi. Posterior quia probe callebat linguam Iaponum, brevi aliquos Christianorum, qui in licentiam defluerant, & erant concubinarij, ad officium revocavit; multos etiam gentiliû prioribus Christianis adjuxit. Pater vero de Pina
I 4 benefi-

beneficio Cocincinenlis idiomatis multos ejus patriæ catechizatos tinxit sacro Baptismo. Contigit quoq; nonnullos Bonziorum & Onsaïorum inter disputandum rationibus convinci: quæ res multos tum Iaponum, tum Cocincinensium ad dandas veritati manus compulit, effecitq; ut hæc Ecclesia & numero & observantia, pietatisq; operibus, nec non Sacramentorum frequentationibus, alijs deniq; pijs operibus Europæ Ecclesijs comparari possit.

Ecclesia Turonensis quam cap. 2. hujus tractatus diximus in prima persecutione à gētilibus exustam fuisse, denuo per Patres in integrum restituta est, & multi conversi.

Pari modo in Cacciam multi fidem susceperunt, operam suam conferente Omgne, qui convictus nostra de Eclipsibus verissima denunciatione, ut 6. hujus partis capite visum est, publice asserere non dubitavit, nullam legem, præterquàm Patrum veram esse. Atq; hic fuit status illarum Provinciarum, cum ego inde in Europam solvi anno 1622.

Post modum ex annuis Patrum ad nos trāsmis-
missis intellexi maximos in conversione progressus istic fieri, & mille baptizatorum capitibus quotannis Ecclesiam augeri. Præ cæteris in Cacciam illam Christi vineam efflorescere. Ultimæ significarunt regio decreto vetitum genti ad Sacra nostra transire, imo Regem minitari Nostro-
rum

rum ejectionem è toto Regno. Indignationis fomentum & causa fuere in aves Mercatorum Lusitanorum, quas à solito commercio destituisse Rex dolebat. Non tamen sine divina providetia factum est, quod limites is furor non excesserit: contentus enim unum è Patribus Macaum ad urgenda commercia (quæ videntur non multo post redintegrata) amandasse, reliquos in sua statione reliquit, qui suis partibus nequaquam defuerunt, & ut quondam novella Christo germina pepererunt.

CAPVT VNDECIMVM.

De Regno Tunchim.

CVM à Superioribus Macaënsibus in Cocinam mitterer, indicabatur pariter, me non tam mitti, ut illic operarius perdurarem, quàm ut ejus regionis linguam addiscerem adjumento futuram ad investigandum regnum Tunchimense. Illis itaq; quinque annis, quos istic vixi, omne in eo studium locabam, ut res regni illius ediscerem: nam cum sermo idem sit qui Cocincinensium, nova in eo diligentia adhibenda non supererat. Cum itaq; multa ab advenis, qui è Regno Tunchim in Pulucambanam provinciam veniebant, de eo regno cognoverim, aliqua referre hic statui, sed ea solum, quæ ad pleniorum situm, & politiam Cocincinensium à Tunchimo dependentium notitiam spectant. In reliquam messem falcem immittent Patres, qui jam illic degunt, & indies plura indagant, & inveniunt.

Quod ad situm attinet, habet hoc regnum præter Cocincinam, quam ejus membrum esse sæpius diximus, alias quatuor Provincias æquabili proportionem & in longum & in latum distentas. Centrum obtinet regia Vrbs Tunchim, à qua nomen Regno: istic Rex & Curia resident. Cingitur Vrbs velut quadrato prædictis quatuor Provincijs, quibus singulis ea magnitudo est, ut collectæ in quadrupla proportionem Cocincinam excedat. Ab Oriente regnum ambitur Ainami sinu, in quod se exonerat magnum & navigabile flumen, quod ab Vrbe Tunchim per leucas decem & octo defluit, ascensumque præbet navibus Iaponum, quas juncos nominant. Exundat hoc flumen fere quotannis Junio & Novembri, & propemodum dimidiam Urbis partem navigabilem facit: sed exiguo tempore durat. Ad meridiem regni subsequuntur confinia Provinciæ Sinuva, Regiæ ut diximus Cocincinensium sedis. Ad septentrionem adjacet Cina, sed nullis, ut contra Tartaros, munita murorum præfidijs: non enim frequentia commerciorum, & familiaritas quæ inter utramque gentem est, patitur murorum & portarum remoras, quas alij exteris necere solent. Hac de causa Patres Societatis istum in Cinam aditum toties attentarunt, non nescij ea istic ingredientibus obstacula non obijci, quæ alibi toto regno, maxime ad portum Cantonensem. Occidentale latus claudit regnum Lai Cin, quod etiam è Cocincina penetravit P.

Alexan.

Alexander Rhodes Aveniōensis è Societate) quod Regnum meo iudicio conterminum est regno Tibet nuper reperto. Ad hoc asserendum moveor tum distantia, tum longitudine terræ Tibet, & confinium regni Lai; quemadmodū & situ, magnitudine, extensioneq; utrorumq; regnorū, quæ tanta est, ut videatur nulla omnino esse posse intermedia regio. Confirmor in sententia literis Patrum è Tibet scriptis: affirmant hæc regnum Tibet à parte Orientis negotiari cum contermino populo, ab eoq; densius sericum mercari, nec nō patinas è terra optima & pretiosa Cincensibus per simili, cum alijs mercibus, quibus Tunchimum dives est, quæq; per regnum Lai distrahit.

Regum Tunchimi ea successio. Suprema Regis dignitas in uno stat capite, quem ipsi Buna nominant; nullum tamen regni negotium in ejus potestate est, sed omnia hæc concreduntur alicui ex aulicis Regi præ cæteris charo, ex officio Chiuva dicto. Tam ampla autem & tam independens tum bello, tū pace potestas ei facta est, ut sensim desierit agnoscere superiorem, maneatq; Buna in suo regali palatio secretus ab omnibus regni munijs, contentus 1. externa quadam veneratione, ut hominis sacrosancti. 2. autoritate leges condendi, & confirmandi decreta & brevia. Chiuva cum morti propinqui sunt, in regimine successorum relinquere filios satagunt; sed patris se plerumq; intrudentibus, filij traduntur lanienæ. Po-
testas

testas Chiuuæ tanta est, ut respectu Regis Cocin-
cinæ quadruplo numerosiorem exercitum edu-
cere in aciem possit. ille 80. hic 300. millia, idq;
sine magno aut temporis, aut sumptuum dispen-
dio; nam primarij regni, qui nostris Comitibus,
Marchionibus & Ducibus respondent, obligantur
ad certum singuli personarum numerum suo ære
instruendum. Bunam custodiunt sola 40. præsi-
diariorum millia: agnoscitur tamen superior su-
per Chiuam Tunchimensem tum à Rege Cocin-
cinæ, tum ab altero Chiuua, quem in 1. parte, C. 7.
dicebamus profugum sedem fixisse in terris Cinæ
proximis: quin & Rex Lai huic Bunæ tributum
pendit. Quando ergo dicitur regnum hæreditariū
esse, & filios parentibus succedere, id intelligendū
est de Buna, in cujus filijs, & nepotibus cū succes-
sione regia familia conservatur.

Paucis his, quæ de regno Tunchimi priusquā
in Europam redirem exquirere potui, contentus
vive lector. Intellexi postea P. Iulianum Baldino-
ti Pistoia in Etruria natum, Macao missum in id
regnum ad portam S. Evangelio aperiendā, post
mensuram navigationem in ipsam Tunchimi Ci-
uitatem pervenisse. Quid hinc Pater novarum vr-
bium in ea Provincia repererit, quibuscū lætitiæ
argumentis, qua cum festivitate & pompa excep-
tus à Rege sit, deq; primis futuræ istic Christi-
tatis fundamentis plura non dico: videri ea pos-
sunt in relatione, quam ipse annis superioribus
conscrip-

conscriptit. Expectantur modo novæ literæ aliorum Patrum, veluti P. Petri Marches Lusitani, & P. Alexandri Rhodes Avenionensis, quos in Cocincina esse ante diximus, & vero etiamnum causas Christi amplificant. Spes est utraq; hæc regna Tunchimi & Cocincinæ intra paucos annos aggreganda S. Romanæ Ecclesiæ debitam obedientiam præstando Pastori universali, & Christi Vicario domino Nostro.

EPILOGVS.

Ieri nō potest, quin animi ab exquirendis novis Mundi partibus alieniores, nimiumq; ad patrios focos inclinati, tandem evigilarint ad hanc brevem relationem, desideriumq; conceperint, non solum videndi varietatem, sed etiam veritatem tot rerum; quæ quamvis intra sphæram rerum naturalium comprehendantur, possunt nihilominus naturæ miracula nominari. Talia sunt quæ retuli meis à me oculis visa in Cocincinâ, terrâ ob clima & stationum anni varietatem habitabili, ob camporum fertilitatem annonâ, fructibus, avibus, animalibus redundante; nec minus mari piscibus gratissimi saporis divite. Est regio aëris temperie usq; adeo salubri, ut vel ipsum pestis nomen ignotum ei sit: est dives auro, argento, ferico, calamba, & alijs magni pretij rebus. Gens est propter portus, & quarumcunq; commercia nationum tractabilis, est moribus suavissimis, pacifica, liberalis. Deniq; secura est non solum ob magnanti-

magnanimitatem & robur, quo viri pollent, & celebres apud alias nationes sunt, aut propter armorum copiam, & in ijs tactandis industriâ, sed etiam propter situm loci: ab una enim parte mari defenditur, ab altera montibus kemoiorum asperis & invijs. Hoc est segmentum illud & pars Mûdi Cocincina, cui ut Cæli segmentum fiat, aliud non deest, quam ut DEVS multos eo destinet Angelos, ita S. Ioannes Chrysostomus nominat viros Apostolicos & Evangelij prædicatores. O quâta cum facilitate, in hoc Cocincinæ regno, Fides in maximam excreveret amplitudinem, cum ab ea absint remoræ & difficultates, quas in alijs regnis Patres Societatis per Orientē dispersi & experiuntur, & gemebundi sentiunt. Nemo hic vestem mutare cogitur, & habitu se mentiri: quin Cocincinensibus iucundum est quemq; suo ritu & lege in suo regno vivere. Ante Conciones necesse non est inveniendis & intelligendis hieroglyphicis insudare, qui Cinenſium Patrum labor est, & sub primordia mire exercet. Hic satis est idioma comprehendisse, quod ut diximus tam facile est, ut intra anni circulum concionatorem parare possit. Gens solitaria non est, nec fugit advenas: quo vitio laborant reliqui Orientales: illiciunt potius muneribus, & se affici ostendunt laudando res & doctrinam advenarum. Carent maximo illo Gratiæ Evangelicæ impedimento Sodomix immun-ditia, alijsq; contra naturam peccatis, quibus
omnia

omnia alia Orientis regna infamia sunt: vel ab ipso nomine, ne dicam opere naturaliter abhorrent Cocincinenses. Deniq; facili negotio instrui gens hæc in præcipuis Fidei nostræ mysterijs potest, cum ut vidimus, pene unum solum **DEVM** adorent, idola vero in numero habeant Sanctorū, cum animam immortalem, pænas malis, gloriam bonis sempiternam adstruant: utantur templis, sacrificijs, processionibus. Vnde mutatis solum objectis credibilibus, facili veri cultus cognitio posset introduci. Mysterium Eucharistiæ non habiturum difficultatem colligitur ex separatione substantiæ ab accidentibus, quam admittunt in cibis mortuorū: de quibus superius cap. 8. Hæc omnia, quæ summatim repetij, inflammabunt ut spero animos filiorum Societatis, qui quamvis velut abditi intra Collegia & Provincias Europæ delitescant, tamen ardent desiderio convertendī Orbem. Licet autem multi ex eadem Societate hoc suum desiderium in opus deducant. adiutitū à Sede Apostolica, quæ paterna quadam cum benevolentia Missionem Iaponicam fovet, tum à Catholico Rege D. Philippo, ejusq; Consiliarijs Indicis, qui incredibili quadam cum profusione liberalissime prospiciunt tam Orientis, quam Occidentis Indijs, nec ministros Evangelij deesse patiuntur: nihilominus fieri non potest, ut grandes hæc duæ columnæ, quæ tot alios populos ex officio sustentant, ac omnem fere Mundum humeris suis

suis succollant, possint quantum satis est, tot no-
vis, quæ indies aperiuntur, regionibus sufficere.
Quamobrem confido à DEO, providentissimo
Domino excitanda aliquorum generosa pectora,
& animos desiderio gloriæ DEI amplificanda,
quorum pia benignitate & liberalitate adiuti E-
vangelij præcones absq; impedimento proferent
legem DEI, non solum per omnem Cocincinam,
sed etiam per magnum Tunchim fundando no-
vam Ecclesiam & Christianitatem, quæ par
futura sit clarissimis alijs, quæ in qua-
cunq; Mundi parte inveniun-
tur Ecclesijs.

Gloria DEO & Sanctissimæ Vir-
gini MARIAE.



11 h. m. 2. 10. 11.
73
1416
C. III. 48



Bibliotheca 100025.
P.P. Camaldulensium in Bielany

Depozyt w Bibliotece Jagiellońskiej



03615

C. III. 48



720948 Bibliotheca 100025.
P.P. Camaldulensium in Bielany

Depozyt w Bibliotece Jagiellońskiej



03615

416

73

Pl. 8

